

# *LIPUZO NI LIKALABO*

 Halu inamiseni litoho zaluna. Mulena Jesu, lu itumela ku Wena kakusasana cwana ka kolo ya kutaha fa Pila Hao, ni nako ya kopano ye, ni kuina mo mwa libaka za mahalimu ku Kreste Jesu. Cwale, Mulena, lu lapela kuli U zwelepili kuba ni luna hanze lu bulela za Hao. Mi lipilu za luna litale tabo hanze lu talima Linzwi la Hao ni lisepiso za Hao ku luna. Fuyola mulisana wa luna, balikani ba luna mwa musebezi, mizwale kaufela ni likezeli baba tahanga kwanu ku to kopana ni luna ni ku to putehana mo mwa sibaka nyana se luketile kuba sibaka sa kukopana sa Hao. Mi lu lapela kuli U lu fuyole mwa lika kaufela ze lu eza mwahala lizazi mutumbi. Ka Libizo la Jesu lwa kupa. Amen.

Mwakona kuina. (Nina ni buka ya hao, Muzwale . . . ? . . . )

<sup>2</sup> Wo ki mufuta wa ku katuluha kwaka fa nako nyana fela. Ne ni na ni lisebelezo kwa mulaho kwanu, litaba za lipuzo ni likalabo; Ne ni swanela kuba ni litaba za lipuzo ni likalabo kamba mane—kamba—kamba kunga ni kualaba lipuzo. Buñata bwa lika kaufela zetile kakusasana cwana neli lipono, mi Ni batile fela kuli ni . . . Ni bulelezi Billy, haiba Muzwale Neville na si ka pateha hahulu, kuli Ne ni ka ikungela sishañata sa lipuzo se ni ku kitimela kwanu, ku to katulusa munahano wa ka hanyinyani. Ki . . . mufuta wo ni kutisezafafasi cwalo, mufuta wa . . . Zona—zona lipono zani ki . . . Kono sicaba ne si tusehile; yani kona taba ya butokwa. Taba ya butokwa, ne si tusehile; sani—sani kona siemba sesinde. Mi kacwalo, mi Ni ka li kalisa ka ku itahanela nyana musihali wo, kuli Ni kalise musihali wo ku za butokwa za ka, litaba za lipuzo ni likalabo.

<sup>3</sup> Cwale, lu tabile kakusasana cwana ka kubona balikani ba luna mi . . . Cwale, se . . . Musike mwa nyemela Billy ka se. Kacwalo he . . . Una ni ku zibisa sicaba haiba Ne ni ka zwelapili ku alaba lipuzo ze. Ne ni hupula kuli li ka nifa, mwendi nihaiba fela—fela hola cwalo kamba nto yeñwi fa ku alaba lipuzo. Babañwi ba . . . Ni tabela . . . Hani tabeli ku siyanga; Ni tabela kufezanga mukoloko wa ka hande. Mwabona? Mi ona lipuzo ze ni litaba zeñwi, Ni—Ni bata fela ku bulela kuli, Ni—Ni—Ni nani zona li lukisizwe. Ni banga ni zeñata hahulu mwa . . . mwa munahano wa ka; li ni tisezanga kuikalelwanga. Mi ha Ni tabeli kuikalelwanga ka sika kaufela; Ni—Ni kaya kwa Hae kwa Kanya leliñwi la mazazi aa.

<sup>4</sup> Mulikana ka wa kale na ize kuna mazazi amabeli cwalo afitile, kuli, “Ni ya ni kata la hahulu ka kupila mwa putumende.”

Se nili, “Muzwale yomunde, Ni bata kuku buza nto iliñwi. Ni bata kuku bulelala nto iliñwi. Nina ni bulutu. Ni bile ni

bulutu bo ka myaha ye mashumi amabeli, mi Ha nina hae kwa kuya.” Mwabona? Yeo ki niti. Ki nto ye maswe ka kubulela cwalo. Ne ni iinangafafasi ni kulila kubata kuya kwa hae kokuñwi. Hanina hae kwa ku ya. Kaufela ko Ni ya, Hanikoni kuina teñi ka mazazi nyana; Ni itukisize kuya kwa sibaka sisili fela. Fela nina . . . Ni bile ona cwalo; Ne—Ne ni pepilwe ona cwalo. Musala ka uni bizanga kuli “Moya o sa Pumuli.” Fela ni—Ni banga kwantu ni kwale. Mi ki buino bo bu maswe kuba cwalo, kono Ni bona kuli Ni na ni kuba ona cwalo bakeñisa bulumiwa bwaka. Kono buñata bwa mina mwa ikumbutanga zeo . . . Kihande, lwa ikumbutanga kuezesa Mulimu sika kaufela, kono musike mwabe nihanyinyani . . .

<sup>5</sup> Cwale, lu sikhwata fela sa batu ba mwa lapa lililiñwi kakusasana cwana. Mwabona? Kono Nina—Nina ni bulutu. Ni bata kuya kwa hae, mi ha Ni zibi kwa kuya. Mu li, “Kiñi hausayi kwa Arizona, lubasi lwa hao luteni kwani?” Ni ikutwanga hande ka mazazi amabeli kamba amalalu fela, kipeto Ni tabela kuya kusili hape. Mi ha Ni yo fita kwateni, kipeto Ni yo ikutwa hande mazazi amabeli kamba amalalu, mi kipeto Ni ya kusili. Konakuli hakuna fela hae kwa kuya, mi Nina ni bulutu.

<sup>6</sup> Kihande, kuna ni Hae. Nika—Nika ya kwateni nako yeñwi, kono Nina ni ku mitusa pili. Mwabona? Zeo kona ze Ni bezi teni mo, ki ku mi tusa. Mi kufitela nako yeo itaha, kufitela mane Ni palelwa ku mitusa, kona Nika—Nika bata kuya kwa Hae. Ni bata ku ya kwa Hae luli ka nako yeo. Kono kuna ni Sibaka kokuñwi so Ni ka yo tabela hahulu, Hanina ku yo bata kukuta.

<sup>7</sup> Ni ka siya Jeffersonville; Na kona kuya mwendi ka lisunda nyana; Ni ka bata ku kuta hape. Ni ya kwa Arizona; Ni nahana kuli kwani ki kokunde; Ni bata ku kuta hape. Ni ya kusili fela; Ni bata kukuta hape. Mi Ni ya kafa, ni ya kafani, mi Ni . . . kipeto Ni nahana kuli Ni bata kukuta kwanu. Ha ni taha kwanu; Ni ba fela kwanu mazazi a kubala, mi Na mi bona kaufela mina; Ni bata kuya kusili hape. Mwabona, Ni nani banake bahasanii mwa lifasi kaufela, mi Ni—Ni . . . bona bo Ni ipepezi ku Kreste. Mi Ni . . . Mi kipeto Ha nisana hae ni hanyinyani. Ni bata kuba kubukanya kaufela bona hamoho leliñwi la mazazi aa, mwabona, Ndate ha ka lata, mi kona luka—luka ba ni hae ko lusike ku yambaela ni hanyinyani. Mwabona? Ku katala ni kutokwa sibaka kwa kuina.

<sup>8</sup> Mi Ni eleza mutu ufi kaufela, kuli usike wa ba licwe le li pikuluha fela (mwabona?), konji haiba ki bulumiwa bobuñwi bo bu ka ku biza kueza cwalo, kakuli . . . Ni—Ni ka fa fela nto yeñwi, kakusasana cwana, kambe Ne ni kaba ni sibaka mwa lifasi le kone Ni kaya ni kubulela kuli, “Ye ki hae!” Neni—Neni . . . Kambe Neni kaba ni sona, Neni kafa ma dollar aeza lule. Kambe Ni nani sibaka sene Ni ka bulela kuli, “Mushimani, Ni lata fela se hahulu; Hani lati ku zwa kwateni ni hanyinyani,” Neni—Neni ka fa sika kaufela. Kono Ni—Ni palezwi ku si fumana.

<sup>9</sup> Ni swana inge mwa na bezi Abrahama; Ni bata Munzi. Mwabona? Ha ni u fumani, kono Ni ziba kuli uteni. Kono luli ha Ni koni kuitwaeza sibaka sisili fela sa lifasi le. Ha si bonahali inge ona... Batu babande, libaka zende, mi kipeto mwa ya teñi, ku kolobile hahulu; ha mu ya kafa, ku omile hahulu; ku kambamela kafa, ku bata maswe; ku shetumuka kafa, ki, kucisa habutuku. Mwabona? Mi hamu... Hakuna sibaka; hakuna fela Hae. Hani lati ku mi sinyeza nako inge ni mi bilaelela matata aka, kono Ni...

Kihande, lu itumela ku Mulena. Amen! Mu itumele mwa lika kaufela. Ni cwalo, kakuli Ni cwalo. Mulimu u ni bupile kuba se Ni li sona. Mi Hanikoni kuba nto isili kono konji Sa ni bupile kuba sona, maswabi, ni lika zeñwi zani. Ba ni bulelela kuli Ni lukela fela kuba ona cwalo kuli ni be tuso Ya na ni lumezi kuba yona faa. Mi Ni bata kuba mutu wa mufuta wani. Haiba cwalo kona mo ne Ni lukela kubela, kona seo Ni bata kuba sona. Kaufela se sili tato ya Mubuso wa Mulimu, kamba tato ya Mulimu, ona seo kona se Ni tabela kuba sona.

<sup>10</sup> Cwale, halu lapeleni hape. Mulena Jesu, lipuzo ze lifa pila luna fa, Ndate. Hanikoni ku li alaba, Mulena. Ha—Hani swaneli ka zona lipuzo ze, kono Ni ziba kuli Wena u kona linto kamukana, kakuli li mwa lipilu za batu. I tusise na, Mulena, kwa ku katulusa kuimelwa kwa bona, kana Hauna kueza, Ndate? Ka Libizo la Jesu Kreste Na li kupa. Amen.

Cwale, luka kalisa ka...Ni sepa kuli ha ba tepiñi se, konakuli fela ki... Ku lukile, Na sepa.

<sup>11</sup> Cwale, taba iliñwi yeo...Libaka ha Ni bilaela ka lipuzo, kamita kuna ni nto iliñwi yende...nto yetuna, nitaluse, ye ni bilaezanga kamita: yani ki ku alaba puzo ya linyalo ni telekano. Oh mawi, lipizo za mawaile, mañolo, mi muzwale alimuñwi na ikapesize mwa kubo ni ku to ina mwa malibela aka kuzwa ka twelufu kiloko kufita ka musihali tuna habusa. Bakutazi ba biza kuzwa kai ni kai, bese ba nyezi habeli kamba halalu ni zeñwi kaufela. Bulumiwa...Ni bata ku mi buza nto iliñwi. Ni na ni zeñata nyana zeliteni mo, Na ziba. Ha ni si ka li bala kaufela zona, kono kuna ni zeñwi mwateni zeliteni mo.

<sup>12</sup> Muhupule fela se! Ku mina sicaba baba nyalani, ni ku lelekana, ni kunyala hape, mu ni sepise nto iliñwi. Mwabona? Mu beile sepo ya mina kuna. (Ni—Ni sepa kuli se ha si tepiñiwi. Ha ni...) Mu—mu—mubile...Mu ni lumela kuli ni mupolofita wa mina ya lumilwe ki Mulimu, mutanga mina, konakuli mu utwe manzwi aka ka se, mukaeza cwalo? Muzwelepili kupila ona cwalo mo muinezi. Musike mwa lika nto yeñwi yeswana ni zeo, kono mupile, muzwelepili fela, mupile fela ka tabo. Muna ni... Mu pilisizwe. Haiba mu Bakreste, muzwelepili ku pilela Kreste; Nana ni libaka ha na mi pilisize.

<sup>13</sup> Cwale, ha Ni ka yo kuta, haiba Mulena alata, Ni ka mi tolokela zeo mwa Bibele. Mwabona? Mi musike mwa filikana. Baana babañata ba ni bulelezi, kuli, “Kihande, Na mulata musala ka, kono Ni...Ni ka mu siya fela; Hani—Hani lati ku siyala mwa kuungelwa.” Musike mwa eza cwalo! Muine ona cwalo mo mu inezi kufitela muutwa kuna hape (mwabona?) fa tuto ye. Mi cwale ha Ni...Hanikoni kutoloka zeo mwa mizuzu ye lishumi kamba ye lishumi ka ye ketalizoho; ika nga nako nyana fa ku i tatulula, kakuli ilukela kuba Mañolo. Ina ni kuba kuli KISONA SA BULELA MULENA. Haiba ka ki cona, ha ki za niti.

<sup>14</sup> Ni ziba lipuzo ze kuli Jesu na bulezi cwana fa, “Haiba muuna uleleka musala hae ni kunyala usili haisi ka taba ya boozwa wa buka, yo kaufela ya nyala ya lelekilwe, upila mwa bubuki”: Liki ze, Nana ni libaka ka kubulela cwalo. Na li Mulimu; lani ki Linzwi la Hae.

<sup>15</sup> Cwale, halu kuteleñi kwa makalelo ni kufumana ze li talusa, mwa bona, mi lu ka li shitula. Kono kufitela lueza cwalo, mu zwelepili fela ona mo muinezi cwale, inge fela mo mu bile mu ezeza kamita, haiba mu Bakreste. Haiba mu lapa la Bakreste, mi mu nyalani, mane muna ni bana, ni lika ze cwalo, lika zeñwi zenyinyani ze mi tama, musike mwa siya musala mina kamba bo muuna mina cwale. Musike mwa eza cwalo. Mwabona? Mulibelele kufitela mu ni utwa hape fa tuto ye. Kana mu ka ni sepisa cwalo? Mu nanule mazoho a mina! Cwale, muna ni sepo kuna yakuli muka ni lumela. Cwale, mwa—mwa ni lumela kufita ni cwale; cwale, mu ni lumele ka kufiteleza nyana fa tuto ye.

Cwale—cwale, halu boneñi, Nina ni zeñwi zende hahulu fa kakusasana cwana, zeñwi... .

**325. Kana kaufela babakaba ku Munyaliwa bana ni kupila mwa tabernakele ya limaili ze mianda ye lishumi ni ze ketalizoho** (Ni lumela kuli Ne nina ni yona yeo Sunda yefelile. Ni ka li nopa fela ni ku itusisa zona haiba Ni kona.)—**limaili ze mianda ye lishumi ni ze ketalizoho za tabernakele**, inge mo li utwahalela fa tepu yabubeli ya “Ndu Yetaha ya Munyaliwa”? Ne ni nahananga kuli Munyaliwa uka zwa mwa libaka kaufela za lifasi ka nako ya kuungelwa. Nji Na fosa?

<sup>16</sup> Batili, mulikani yomunde, ha u si ka fosa, ubulela niti. Cwale, haiba Ni bulezi sika kaufela mwa tepu se si ka mi tiseza ku lumela... .

Cwale, Hani sika... Ze ki zenza kaufela zona kuna cwale, Hani si ka talima kale mwa—mwa hali mo. Mwa bona? Se ki sishañata se sinca sene Ni ngile la Sunda yaale, ni ku libeya mwa engulopu ye, ni ku libeya hape mwatensi.

<sup>17</sup> Cwale, mwahali mo...Batili, Munyaliwa ha lukeli kuba mwa sibaka sifi kaufela. Buñata bwa bona ba kaba mwa liluli

la lifasi. Ba kaba mwahala lifasi; baka kangela mwahali mwa—mwa litwa kwa mutulo, mi—mi liluli la mwa mishitu ye cisa, mi—mi ni lifasi kaufela. Kono cwale Tolombita ya Mulimu haika lila, baba shwezi ku Kreste baka zuha, kuzuswa, ni kuzwa kwa liluli la lifasi, hakuna taba kamba ba kai. Mi cwale, mwahali mo, zuho ikaba ya silundwamanji. Mwabona? Kai ni kai sibupiwa kaufela fa lifasi mubu babali ku Kreste ba ka zuha ni Yena ka nako Ya taha (mwabona?), hakuna taba kamba mukaba kai.

<sup>18</sup> Mu nahane fela za sibaka mwa mazazi a pili a ba bulaiwa, kuli Bakreste bani hane ba nepelwa mwa misima ya litau, mi litau zani ne li bulaya Bakreste ni kuca mibili ya bona. Mwabona? Kono niteñi ne ba hasani, mibili ya bona ne isinyizwe ki litau fa lifasi. Hakuna taba kamba i kai, ha mukoni... Mwabona, mu bupilwe ka sibyana se si zwa kwa lika ze sa bonwi, mi Mulimu uka—uka fa sani—sani sibyana kusi kutisa. Mwabona?

<sup>19</sup> Cwale, inge hamuka nga se—se selu. Mwa ipyata kuzwa kwa kuba selu, mi kipeto itaha ku to ba fela—fela selu mwa selu, mi ni kukena mwa towati, mi ni kalulo ye nyinyani kufitisisa, ni ku shetumuka ona cwalo; mi mafelelezo i yo felela mwa lika ze sa bonwi. I zwa ku za nama, sika se mu kona kubeya mazoho a mina, iba mioya cwalo; kuzwa kwa mioya ye cwalo kukena mwa mezi a mulyani—mezi a mulyani, ni mioya ye cwalo, ni kukuta ona cwalo, kufitela kaufela li yo felela mwa nto iliñwi yelikani, mi wani ki moya. Mi moya o kwanile mwa mioya ye cwalo ye... Haikoni kuba mioya ye swana fela, kono mubonahalelo wa seo muli sona ikaba ona cwalo se ikaba hape. Mwabona? Moya kona o zamaisize zani.

<sup>20</sup> Mi cwale, ka manzwi amañwi, ha uba mutangana kamba kalibe, mi inge, Mulimu unga siswaniso sa hao... Cwale, hakuna taba kamba mu supezi cwani ni mañonde, mo mu sinyehezi, seo kaufela ikona kuba sona, zeo li ka fela kaufela zona. Mi mubili wani wakona ku sinyiwa, ku lubeha, kucisiwa, ku ciwa ki litau, seo kaufela sili sona, kono no bupilwe ka mioya yeñwi cwalo, likalulo ze sikisitini za mubu. Zani neli kalusiamu, ni potashi, ni petroliamu, ni liseli la kozimiki, ni zeñwi cwalo, kaufela li yo panga mubili. Cwale, hakuna taba, zani... Lifasi kaufela liteni zani.

<sup>21</sup> Kono cwale, siswaniso se kona nto ya butokwa. Mi mwa zuho, mioya cwalo yani, ni mezi a mulyani, mi lika ze litaha mwa sibaka ni ku to hula kuba siswaniso se hape. Cwale, siswaniso se ne sisi ka kopiwa hane muna ni myaha ye sikisitini, kamba eitini, kamba myaha ye mashumi amabeli hane mutiile hande. Ne si kopilwe lili? Ku si kaba kale mutomo wa lifasi, ne si beilwe mwa buka ya Mulimu yetuna. Mi cwale, taba fela yene si ezize neli ku to ba fa kuli mube ni keto ya mina. Mwabona? Mi muba mutanga Mulimu. Yena na li zibile kale, si Mu eza kuba Muliululi, sina ha lu se lufitile ku zona.

<sup>22</sup> Mi siswaniso sani ki sa niti... Wo ki muluti. Siemba sa muluti wa bupilo kona mo mupila cwale. Mi sika kaufela, haiba kuna ni muluti, kuna ni kuba ni sibyana kusikaba kale muluti. Kabakaleo, haiba se ki muluti fela, kuna ni kuba ni sibyana kokuñwi. Mi se ha ki sa luli; wo ki muluti fela wa lika za niti ze na ni kutaha. Cwale mu utwile?

<sup>23</sup> Kacwalo, Hanina taba ka zeba ka eza ku mina; haba koni ku sinya sibupeho sani, siswaniso sani siteni mwa buka yetuna ya ku bulukela maswaniso a Mulimu kwahalimu kwani. Ha likoni ku si sinya, si mwa Lihalimu. Mwa kona ku u cisa, ku u fepisa kwa litau, mueze mo mu batela kaufela; uka kuta hape mane inge ma tuu amabeli aba foo. Ona cwalo fela sina Mulimu mwa na bulelezi, u ka zuha. Kacwalo, hakuna taba kamba mukai...

<sup>24</sup> Cwale, haiba Ni... Ni sepa kuli hamuka liza tepu... (Hani zibi ya ifiozi; hakuna libizo le liñozwi fateni, ki kaemba fela ka kanyinyani ka muñolo wa bu ndilu, i ñozwi mwa kabuka nyana. Ku bonahala inge kuli ka kumuzwi mwa—ka—ka mwa kabuka nyana.) Kono muhupule, ku se, mwa—mwa puzo ye cwale, mwa tepu, haiba mu ka lemuha, Ni bulela cwalo, nto yeñwi ya se (hakulata haikoni kuba linzwi ka linzwi cwale, hamuka tatuba tepu ye ku yeñwi): Ni bulezi kuli, “Ka mutuala, luteni mo kakusasana cwana. Ona Munzi o lubata kubona ukaba wa limaili ze mianda ye lishumi ka zeketalizoho maneku amane kaufela.” Ni ize, “U kona kuzwa kwa Maine kuyofita kwa Florida, ni kuzwa kwa Likamba la Upa kuya ka limaili ze mianda ye ketalizoho ka zetalu kwa wiko la Nuka ya Mississippi, limaili ze mianda ye lishumi ka zeketalizoho maneku amane kaufela kulikanelela.” Ni bulezi kuli, “Mu nahane ka zona, ona mo kakusasana cwana, kuna ni batu ba bainzi mo bao—bao ba bazwile kwa sibaka sa kwahule cwalo, kuzwa kwa limaili ze mianda ye lishumi ka zeketalizoho maneku amane kaufela kulikanelela, bateni ona mo.” Cwale, Ha ni zibi ko Tempele ika toma mwa lifasi, kono Ni na ni munahano wa kuli Tempele ika toma ko kuinzi Palestine cwale. Fani ikaba fahalimwa lilundu lani kafani. U ka namuluha. Kakuli, hakuna kuba liwate ka nako yeo. Mwabona, lifasi le ki limaili ze mashumi amabeli ka ze ketalizoho ku li potoloha, kono limaili ze mianda ye lishumi ni ze ketalizoho ha li fiteleli seo. Kono Munzi tuna wo uka to yaha fa limaili ze mianda ye lishumi ka ze ketalizoho maneku amane kaufela kulikanelela fa lilundu.

<sup>25</sup> Cwale, libaka le Ni lumelela zeo ki kabakala bupolofita ni lika zeñwi ze ama Lilundu la Sione mwa Jerusalema ni minzi yani. Mi kwani kona ko Abrahama mupolofita na sweli kubata Munzi wani, mi neli wona wo Mulali ni Muyahi wa ona neli Mulimu. Na batile Munzi wani mwa naha yani. Ni lumela kuli ukaba ko kuinzi naha yani.

<sup>26</sup> Naha yani, hamukoni ku i fumana fa mapa. Ki katowati kaka nyinyani fela cwalo. Mi mutualime fa naha yeo Russia, ni United

States, South America, ni libaka zani kaufela kwani... Kiñi Mulimu hana na ni ciseho hahulu ka sibaka sani (mwabona?), ka sibaka silisiñwi fela sani? Yeo kona puzo. Hanikoni ku mi taluseza, kono i bonahala fela cwalo kuna. Kono kaufela ko ifumaneha, lu libile ona koo, kacwalo mulumbe Mulena ka seo.

<sup>27</sup> Cwale, haiba muna ni maikuto a kuli Ni—a kuli Ni bulezi kuli ikaba mwa... mwahala limaili ze mianda ye lishumi ka ze ketalizoho za tabernakele, ani neli maikuto a maswe (mwa bona?), kakuli haina kuba. Tabernakele ye ina ni... Se ki sibaka sesinyinyani fela se si ka sinyeha. Mi—mi lifasi lika cisiwa, mi ze kaufela li ka feliswa. Mi ona Indiana ye, ni United States, ni lika kaufela li ka shengunuka fela ni ku yunda kwabuse kwani kutokwe ni sesiñwi kwanda mufuse fela. Mwabona? Sibi kaufela, matuku kaufela, likokwani za matuku kaufela, zeñwi zani kaufela li ka sinyiwa. “Mi Na bona Lihalimu le li Nca ni Lifasi le li Nca, kakuli la pili...”

<sup>28</sup> Munahane! Mulimu na ngile myaha ye likiti ze silezi mwa kuyaha lifasi le, ku li bupa bupa hamoho, ku li panga. Cwale Na li ezize cwani? Bibebe ibulezi kuli, “Na li bupile kuzwa kwa lika ze sa bonwi”; fo kikuli, Na bupile lifasi. Cwale mulemuhe; ye ki nto yende. Yena Mubupi luli ya na bupile lifasi ka libaka (lona la silafalize Satani), Na tile ku to liulula se ne si siyezi fa. Mi Sa ile kusili mi u mwa musebezi wa Hae ibo wa bupa.

<sup>29</sup> Cwale, ne li Mu ngezi myaha ye likiti ze silezi fa ku bupa ona—ona lifasi le, mi Uka nga mazazi amabeli fa ku bupa Munzi o ka ina mwa lifasi. Uka... “Kakuli Mwa Ndu ya Ndate kuna ni miyaho yemiñata: kambe ne kusi cwalo, Ne ni ka mi bulelela. Ni sa yo mi lukiseza sibaka (kuyaha munzi ka gauda ye belela, mikwakwa ya gauda).” Ha ki sibaka kwa bunde.

Kikai kwa Na ka si fumana? Kana kuna ni libyana kwa mafasi asili, kamba likweli, ni linaleli, ni lika zeñwi? Ha lukeli kuba ni zeo, Yena ki Mubupi. U ile kwa ku yaha Munzi. Amen! Zani ki zende luli kuna, ku mina ku cwani? Zani ki zende. Kakuli haiba Na yahile wo, mi Na ikola wo, kucwani he Ha ka yaha wo munca wani? Oh mawi, ha ki nto yende ni yeo. Mi kacwalo Ni tabile hahulu kuli lu tamehile ku ya kwa Munzi wani. Ku lukile.

**326. Muzwale Branham, Na lata Mulena, kono ka silimo se sifelile Ni bile ni—Ni bile ni butata. Ku bonahala kuli linako zeñwi Ni banga ya lyangana nyana. Ki sikamañi seo? Shangwe ni lapelele na ni bo muuna ka.**

<sup>30</sup> Kihande, haiba hakuna... Haiba mutu yo nali mwa litaba za lipuzo ni likalabo kwa mukunda, sina mina sicaba bene baliteni mwani kakusasana kacenu, si ka bonahaza zeo kwande ka mo li inezi, kaufela seo sili sona. Mwabona? Mulena uka patulula seo sili sona. Kono cwale, bakeñisa kuli Ha ni zibi yo uli yena, mi ha u yo mo; ibulezi fela kuli, “Kezeli ku Kreste.”

<sup>31</sup> Cwale, cwale, haiba ku cwalo...haiba kuna ni so ezize se si maswe, se si ku bilaeza, konakuli si tatube ka Bibebe ni kubona so lukela kueza. Kono haiba ha u si ka eza sika kaufela mi ha u nyaziwi ka sika kaufela, mwendi ki kuli u i kalezwi. Mwabona? Ikona kuba lika zeñata ze ezahalile: mwendi ki butata bobuñwi cwalo mwa bupilo bwa hao kwa mulaho. Mwendi ki—ki musali fa yali mwa nako ya kuyema lupepo. Fani kona fo ku fosahalezi lika ku yena, mi hakuna se si fosahalile ku yena, ibo kanti lika kaufela ku yena li fosahalile. Mi fela ha ipuleli cwalo, u ikutwa fela cwalo; ki niti fela. Mutu kaufela ya ikalezwi kona mwa belanga ona cwalo. Mi mane musike mwa kanana.

<sup>32</sup> Mi mina baana kwa basali ba mina, habali mwa nako yani ya bupilo, haiba nji mwakona...haiba luli musali yo nali lizwabande la hao, uka mu tuhela kuba hande pili ka nako yeo, kakuli wa ku tokwa. Yena kaniti utokwa tuso ya hao; utokwa mutu ya ka mu tusa, ni ku mu utwisisa. Ku ambola ku yena, ku mu nanula mwa mazoho a hao inge—inge—inge kakuba lizwabande la hao, mi ulukela kuba cwalo. Mi—mi ni ku mu utwisisa, kakuli ufita mwa nako yakuli mubili wa hae kaufela wa cinca, mi ulukela kuba yomunde ku yena ka nako yani.

<sup>33</sup> Ni sepa kona libaka kanti Bo Rockefeller hane ba ezize mafosisa a maswe maswe. Na latiwa ki naha, na lukela kuba yena mueteleli wa naha ya luna wa bubeli. Kono cwale musala hae hana tilo yema lupepo, mi akena mwa ku sa pepa kuyema lupepo, sa mu siya a yo nyala muñoli wa hae, mwa bona sene si ezahalile? Sani si bonisa kuli ku sa na ni ma American baba nahana hande.

Cwale, Na lata Bo Goldwater, kamba—kamba Bo [Muzwale Branham uliza minwana ya hae—Mu.] Rockefeller. Yena ki... Na lata Bo Goldwater ni bona; Ni lata mutu kaufela. Kono Hani—Hani bati kuli...Babañwi ba mina—babañwi ba mizwale ya hesu balwanisi ba Mulao kwani baba ni utwa ha ni bulela cwalo, Ni...

<sup>34</sup> Mulemuhe, kono ha Ni wa lipolitiki, Ni—Ni bata kuba Mukreste. Mwabona? Mi se ha ki sibaka sa lipolitiki. Mwabona? Taba yateni kaufela i icongile nihakuli cwalo, ka nzila yani, kono se lu bulela ka sona ki sa Kuyakuile. Ba tukuluho kamba ba Milao...Oh, ki busafa bo bu cwani; halikoni ku liululwa. Ku felile, kacwalo musike mwa kanana ni zeo. Taba ya kueza ki ku pilela mwa Mubuso wo. “Kakuli fa haluna munzi o ka ina kamita, kono lubata O sa taha.” Amen! Yeo ki niti. Eeni, sha!

<sup>35</sup> Kacwalo lipolitiki ki siemba silisiñwi sa lika, mi Na ni kwa neku leliñwi. Ni bulezi kuli, “Ni—Ni botile hañwi; fani ne ni botezi Kreste; Ni sepa kuli Ni ka wina.” Yeo ki niti. Mwabona? Muna ni boti yetaha. Mwabona? Mulimu na mi botezi, mi diabulosi na botile ka ku mi lwanisa. Cwale, nzila ye mubeya boti ka yona kona kona ko mu taha.

<sup>36</sup> Kacwalo he, Ni lumela kuli mutu yo fela usweli ku...Ni ka nahana kuli ki ku ikalelwa fela. Haiba hakuna se si ku nyaza, zwelapili ona cwalo mi ubulele kuli, "Zwa ku na, Satani!" Üzwelepili ku ya ona cwalo kwapata. Ikungele tuto fateni mi u pilele Mulimu.

**327. Cwale. Kana kuna ni buino bufi kaufela bo bu lumeleza kunyala simca kasamulaho wa telekano, kuya ka** (Cwale, Ni ka bona haiba taba ye ki... Ni sepa kuna ni lipuzo zepeli kamba zetalu fateni fa.)—**kuya ka Mañolo? Haiba ha Ni ezi cwalo—haiba ha Ni zwelipili kuina ni nyezi wa pili... kwa linako za kale sapili, mi...kana kuna ni mayemo alumeleza telekano kuli mane a ku lumeleza ku nyala hape? Ni kaba ya—Ni kaba ya (k-u-l-e...) ku...kuleka tepu (Eehe!) kuli ni be ni kalabo ye. Ni itumezi hahulu. Ni ka i bata la Sunda.**

<sup>37</sup> Kihande cwale, Ni bulezi cwana, mwa bona. Musike—musike... Ni—Ni... Ni tuhele fela puzo yeo (mwa bona?) konji ha lukaba fa sibaka sa kuli cwale... ko lu ka... ba ni ze kaufela ku otoloha hande. Mi cwale, mu hupule fela, fo ki haiba Mulimu wa lata, ha Ni ka yo kuta fela hape. Nako yetatama ha Ni ka yo kuta, haiba Mulena alata, Ni ka to kutaza fa tuto yeo. Mwabona? Mi cwale... Mi cwale, lu ka li tepiña ni lona. Mi haiba—haiba la holofaza, li ka holofaza; haiba lika utwahala hande, li ka utwahala hande. Kono mube fela ba batia lipilu. Mwabona?

**328. Muzwale Branham yomunde, kana kwa konahala kuli mutu abe ni kolobezo ya Moya o Kenile mi asina lisupo ze mu latelela, mane—mane konji ha kuba... nako yeñwi yetaha ni buino bo bu tomilwe ki Moya?**

<sup>38</sup> Cwale, yani ikona ku utwahala inge puzo yekopani zeñata mwateni, kono ki yende, ki yende luli. Mwabona? Cwale, fa si ni fa kolo nyana, ye Ni fumana ku beleka ni—ni lubasi lwa ka fa cwale (mwabona?), Ni talusa mina, lubasi lwa ka, ni lubasi lwa kwande mwa lifasi ko lu... ko kuya matepu aluna.

<sup>39</sup> Cwale, sikwata sesitura sa kopano ya ka ki sicaba sa Mapentekota, mi kakuli Pentekota kona liñusa le linca la cwale le luna ni mwa likalulo za likopano. Mi ku na, Na lumelelana ni bona hande luli kufita keleke kaufela ya kopano. Ni fumanehangha ni Mapentekota, kakuli ki...lona liñusa la maungulo. Mi bakwenuhi ba ka kaufela bo Ni tisanga ku Kreste, Ni lika kuba supezanga kwa keleke yeñwi ya Pentekota. Kono Ni ba nyazize mwa mukwa kaufela wo Ni ziba mwa ku ezeza, kuli ba fosize mwa Mañolo ka kuba kopano mi ba sa tabeli ku zamaya mwa Liseli foo Liseli ha li tiswa ku bona. Kono kanti, hane Ni kaba ni keto yaka kacenu kunga keleke kaufela mwa lifasi, Ne ni kanga ya Pentekota hane li ka taha ku za likopano. Kono hane li ka taha ku za mutu alinosi, kakuba baana ni basali, kuna ni Bakreste ba niti mwahala zona likopano zani kaufela:

Methodist, Baptist, Presbyterian, Lutherans, ni zeñwi cwalo. Kono Ni bulela ka milao yeo batu bani ba fumaneha ku yona, ha ki mutu a nosi cwale, kono ki mulao wo sili ku ona sicaba sani o si swasehile teñi mwa likopano za bona. Ba utwisisa hande sani cwale (mwabona?), kacwalo Ni—Ni sepa kuli sicaba... Haiba ki ba Katolika ya Roma, Jehovah Witness, Orthodox Jew, kaufela se bali sona, sani hasina taba ku na; kono ki batu bao Kreste na shwezi kuli a ba puluse.

<sup>40</sup> Mi cwale, Ni... Ni ku lumelelana ni milao ya bona ye bali ku yona... Ni lumela kuli kuna ni Bakreste ba bañata kwande kwani mwa Baptist, sina mo kubezi mwahala ba Methodist, kamba ba Presbyterian, kamba bao kaufela. Ki Bakreste, balumeli ba niti. Mane nihaiba mwa keleke ya Katolika ya ba Roma kuna ni batu ba niti mwahali mwani baana ni basali baba lata Mulena. Mi haba yelangi ku yo i kopanya kwa keleke kwani kuli babe baba maswe, ba ikopanya kwani kuli babe babande. Kono ki mulao wo li mwahali mwani o zamaisa minahano ya bona mwa nzila ye fosahalile. Mi haiba si taha kwa nako ya kuli Ni be ni kopano, Ni mi pumile mi ni mi tisize mwa mulao; zeo libe kwahule ni na. Mi Mulimu ani buluke mwa munahano o i ketile kuli ni mi ise ku Jesu Kreste, yena Linzwi. Mupile ni Lona. Mwabona?

<sup>41</sup> Kono cwale, mutu yo u buza puzo ka za kuba ni kolobezo ya Moya o Kenile kusina lisupo ze mu latelela. Cwale, ikana ya ba... Haiba mu pepilwe sinca, muna ni... Haiba mu pepilwe pili kakuba mutu mi ili mutu ya i ketile hande... Cwale, Ni alaba cwalo mwa—mwa mukwa—mwa mukwa wa bwanana wa kueza ka ona. Kono haiba mu pepilwe kuba mutu ya i ketile, mu ka eza lika za lukela kueza mutu ya i ketile. Kana ku lukile nji?

<sup>42</sup> Ha mu pepwa sina mutu, mikwa ya butu bo bu paka mutu sakata i ka mi latelela. Hamuna kupila mwa kota, ni kulika kufufa ka mafufa a mina sina nyunywani, kamba—kamba—kamba sesiñwi cwalo. Yani ha ki—yani hakoni kuba mutu ya i ketile, likezo ze swanela kuba za mutu ya i ketile. Kezo ye i ketile ya mutu i lukela kuba za ku beleka, kuba...ku nyala, kuba ni lubasi, ni kueza lika ze. Zeo ki za nama, kuluka... batu baba i ketile hande, kakuli mu pepilwe ona cwalo. Mi cwale ha mu pepilwe muli Bakreste, kupepwa ka Moya wa Mulimu, mu ikungela fela mihupulo ya Kreste. Mwa bona?

<sup>43</sup> Cwale, hane lukanga kakusasana cwana mwa kopano mo ko mina sicaba mubanga mo ni kuteeleza zazi ni zazi ni zeñwi cwalo kwa tuto, mu ka fumana kuli mwa shutana ku babañwi, kakuli mina—mina mwa shutana. Mina—mina mu bupilwe ka ku shutana; litakazo—litakazo za micelo ya mina za shutana; mina—mina mu ca ka kushutana; kono kaufela mina mucanga lico. Kono cwale, kuzwa fela... Ka mutu alimuñwi fela kuli abe sina yomuñwi, mwa shutana ku yomuñwi ni yomuñwi. Bakreste ba ezanga nto yeswana. Hamukoni kubulela kuli,

“Cwale kaufela . . .” Kana kaufela ba bulela mwa malimi nji, kana kaufela ba polofita nji, kana kaufela . . .? Mwabona?

<sup>44</sup> Muna ni ku tokomela lika ze, kakuli Mukreste uba—uba wa mikwa ya Mukreste; mi upila sina Mukreste. Jesu naize, “Lisupo ze li ka latelela baba lumela.” Mulemuhe: “Ka Libizo la Ka ba ka leleka mioya ye maswe; ba ka swala linoha kamba . . . kunwa lifanu; mi ba ka bulela ka malimi sili.” Mi—mi lika zeo luli li latelelanga fela Bakreste.

<sup>45</sup> Cwale, mutu yo una ni taba yende fa: “. . . kamba lu libelele kufitela nako ya kwapili kamba buino bo bu tomilwe ka Moya o Kenile?” Na lata sani. Mwabona? Cwale mwa lemuha taba yeo? Haiba i supilwe ki Moya o Kenile! Ki Mulimu ya ketanga lika.

Mi fani, Ni sepa kuli haiba sicaba sa Mapentekota baka lika (baba teezeza kwa tepu ye), mu ka ni utwisisa hamuka fita fakuli kiñi ha Ni shutana ni mina ka kubulela muhupulo wani kuli kaufela bona ba bulele ka malimi. Hani—Hani koni kubona seo ka kuluka, kakuli ikaba . . . Ni lata nama ye besizwe yena ni mbilimbili, kono hakuna tuso—mi Ni mutu—kono hakuna tuso kuli ni like ku mi bulelela kuli, “Haiba hamuci nama ya mbilimbili, ha mu batu.” Mwabona? Kono kuca nama ya mbilimbili ki iliñwi fela ya mikwa ya mutu. Mwabona? Mwa kona ku ni kananisa ka taba yani, kono—kono ki—ki niti. Cwale, yomuñwi u ka ca sa kuli, mi yomuñwi uka eza nto isili.

<sup>46</sup> Cwale, ki Moya o Kenile o supa liofisi ze, kono ha mu ka lika ku ikapeleza mina bañi ku zona . . . Hane Ni kali mu cange nama ya mbilimbili, kucwani haiba nama ya mbilimbili ika mi tazisa? Mi ibo, mwa lika katata kuca nama ya mbilimbili kono inge mu taza, mi . . .? . . . Mwabona? Musweli—musweli—musweli ku ikolofaza fela mina bañi, mi cwalo kona mo mu ka ezeza hamuka lika ku ikapeleza kueza nto yeñwi ye lwanisana ni Moya. U beile bupilo bwa mina ka ku tomahanyiwa mwa mukwa o muñwi. Kana mwa utwisisa cwalo? Mwabona?

<sup>47</sup> Mi mina, ha mu talizwe ka Moya, ki se fa sisupo silisiñwi sa zende ze Ni ziba: mukaba mwa lilato hahulu ni Kreste ni ku lumela Linzwi kaufela la Ka bulela kuli ki Niti. Mwabona? Bwani kona bupaki bwa kuli muna ni Moya o Kenile. Mi bupilo bwa mina butala tabo, mi—mi oh mawi, lika kaufela za shutana (mwabona?) kufita mo ne li belanga. Woo kwateni kona Moya o Kenile.

<sup>48</sup> Cwale, limpo ze li mwa Moya o Kenile. Cwale, haiba kopano ye kakusasana cwana, ye . . . ki keleke yena ni mbombolewa yende yetezi . . . (Ni libaka ze tezi batu, kuli, mane ya fufula.) Kono haili mwa . . . Fela ki . . . (Ha ki kuzibisa kuli ne luka alaba lipuzo ze, kono batu ba kona ba sa zo kena.) Mulemuhe, kambe mutu kaufela mwahali mo na kaba mwa kutwano yende ni Moya o Kenile, mutu ni mutu wa mina na ka tazwa ka Moya o Kenile mi ka swanelo hande mwa Moya o Kenile, lisupo ze ne li ka

ekezehanga fela mwahala mina ka nako kaufela (mwabona?); ne lika zwelapili fela kuzamaya. Kono ko kuna ni kulyangana, ko kuna ni lifapahano, ni ko kuna ni za kuñala, Moya o Kenile haukonni ku zamaya kwatensi. Mwa bona? Haukonni ku beleka mwahala sicaba. Mwabona?

<sup>49</sup> Mi fani, hane Ni ka li, “Cwale mina, mutu ni mutu wa mina, kana mukile mwa bulela ka malimi?”

“Eehe.”

“Kihande, muna ni Ona.” “Kana mukile mwa bulela ka malimi?”

“Batili.”

<sup>50</sup> “Ha muna Ona.” Cwale, Ni ikeza ili na kuba muatuli. Mulimu ki yena Muatuli wa lika ze.

<sup>51</sup> Kono mubone, Jesu naize, “Lisupo ze li ka ba latelela.” Mwabona? Likwata ze lumela, buino kaufela bwa Moya o Kenile bu buba mwahala zona, mi kaufela bona ba tala lilato, ni tabo, mi—mi iba sikhwata tuna fela sa—sa—sa—sa batu babande babatezi bumulimu. Mwabona, wani kona Moya o Kenile. Mi mwa—mwa mwahali mwani, ba bulela ka malimi kuya ka mwa tela malimi (kiñi), kamba ka swanelo ya zeo, ba bulela ka malimi. Mi haiba kuna ni sipolofita, sa bulelwa. Mi oh, ku banga ona cwalo ka kuluka kamita.

<sup>52</sup> Mubuze batu bani baba lishumi kaba ketalizoho kamba mashumi amabeli bene ba keni mwani mwa litaba za lipuzo ni likalabo kakusasana cwana haiba ne ku nani linzwi leliñwi kaufela, lene li mbwinjize ka mukwa ufi kaufela, mi kanti ki baeñi ba banca. Sikamañi... Moya o Kenile ki ona o katanga ka butungi mwahali mwani, ni kushitula lika ze, ni ku li longolela kwande, ni ku ba bulelala zona. Mwabona, mwabona? Hakuna mafosisa mwahala zona. Ku ba bulelala fela ona cwalo mo li inezi lika *cwana*, ni mo ne si inezi *se*, ni *sani* mo si inezi, ni mo si lukela ku ezahala sa *kuli*, ni lika ze cwalo, ni se ba ezize, ni se ba lukela kueza. Mwabona? Sani si swana... Ku si beya hande mwa sikuka. Cwale, bana ni kueza sesiñwi ka sona.

<sup>53</sup> Busihu bobuñwi ne Ni ambola ku mutu ni mufumahali wa hae, mi Ne nili fa—fa lapa ko ne luna ni mukopano, kamba fela—ne luinzi fela fa tafule inge lu ambola. Mi hañi hañi fela, Moya o Kenile wa suluha mwahala luna, mi se Nili ku yomuñwi fani, “Ni boni muuna yomuñwi *wakuli*, mi bona...na lyangani mwa booko bwa hae ka lika zeñwi,” mi se Nili, “inge ku lyangana mwa—ona mwa—mwa temuho.” Se nili, “Cwale, kona ona fa cwale.” Se nili, “Na ziba se mu nahana.” Mi se Ni yo hata hata fela kupotoloha ni ku yo kuta mi se ni alaba puzo kaufela yana nani muuna yani mwa munahano wa hae, kuli yena... Hakuna nihaiba yana ziba sene Ni bulela konji yena. Mwabona? Kono na utwile. Na zibile ze ne ambolwa fateni. Mwa bona? Mi sani neli sikamañi ku yena? Ku mu bonisa, ku mu bonisa kuli Moya

o Kenile no sweli ku patulula ku na sene sili mwa munahano wa hae. Mwa bona? Mi ne Ni si ka bulelela babañwi bani. Muuna yani usweli wa ni teeleza ona fa cwale. Cwale, yeo ki niti. Cwale, mwa bona sani mo si inezi? Bwani kona bupaki.

<sup>54</sup> Cwale, haiba keleke kaufela ikona ku beleka mwa kutwano ona cwalo, konakuli mwahala luna lwa kona ku leleka mioya ye maswe, ku swala linoha, kunwa lifanu, lika za mifuta kaufela za kona ku ezahala. Kono ha mulika ku hapeleza zeo mwa batu, konakuli mu ipumana mina bañi . . . Bwani ki Bupentekota hape. Konakuli muka ba ni Babilona, kulyangana. Hamukoni ku atula sani. Mwabona? Lipilu za luna litezi nyakalalo ni tabo, mi oh mawi, linyunywani za opela, ni . . . Lik a kaufela ki zende, mawi, kutala fela Moya wa Mulimu, mi lu mwa lilato hahulu ni Jesu, lu bata kulapela busihu kaufela.

<sup>55</sup> Cwale, Hanikoni ku swalelela sikuwata se, kamba nihaiba na kasibili ku mina. Kono Na komoka, hane Ni ka buza kakusasana cwana kuli ki mañi mwa sicaba se, kamba batu ba yana ni Moya o Kenile, ne i kaba nainte faifi pesenti ya mina bene ba ka nanula mazoho a mina kuli muna ni Moya o Kenile. Mi Na sikuluha ni ku mifa bupaki bwa Bibebe, bulibuñwi fela, bupaki bwa Bibebe; mi Ni kakanya hahulu haiba ne ku kaba nihaiba lizoho kamba amabeli a na ka nanuha. Mwabona, mwabona? Fela ikona kuba . . . ku si tama fela mwa sibaka se si cwalo, kono ha mu eza cwalo (mwabona?), mu sweli ku holofaza hape kopano ya mina. Kono muna ni ku ba zusa mwa bumbututu bwani ni kuba kenya mwa buuna sakata. Mwabona?

<sup>56</sup> Sina yomuñwi ya na ñozi puzo zazi leliñwi, neli ona kwanu, na bulez i kaza . . . na bulez i taba yeñwi ka za Muzwale Junior Jackson. Yomuñwi naile kwani, mi ki hali, "U shetumuka kwa 'manawa a shwile,'" kamba sesiñwi kamba nto yeñwi ye cwalo. Muzwale Jackson . . . Kakuli kopano ya Muzwale Jackson, ya ba lumeleza ku bulelanga ka malimi mwa keleke. Kaufela ko ba utwela Moya mi ba bata kubulela ka malimi, ba zwelapili cwalo ni kueza. Kihande, yani ki keleke ya Muzwale Jackson. Zeo li lukile hande. Hakuna se ni nyaza ka zona, ha ki sika. Junior Jackson ki alimuñwi wa balikani baka babande hahulu, mi ni muuna wa bumulimu hande luli, ya tezi Moya wa Mulimu, mi lu mizwale. Cwale, ha lukeli kuca nama yaka ya mbilimbili, Na kona . . . Kamba ha Ni lukeli kuca nama ya hae ye halikilwe hamoho ni apule (mwabona?), kono bubeli bwa luna luca nama. Bubeli bwa luna kaufela lu lumela Liñusa le ka swanelo. Yani kona swanelo ya keleke. Se nili, "Ni bata kuli keleke ya ka ilike kutaha hamoho." Se nili . . . Halu kala ku bokolola mo, Moya o Kenile kubulela ka malimi ni zeñwi cwalo, Ni li . . . Yomuñwi na ni buzize, mi nali, "Cwale, Muzwale Branham, kana zeo kaufela ki za niti nji?"

<sup>57</sup> Se nili, "Ha ni muatuli." Se nili, "Ni ku bulelele cwana, haku sitise fa sibaka. Ha luyeni fapili nyana mi lu sitise fa sibaka

fo Linzwi li ka tahiswa teñi. Kipeto mu si lemuhe. Haiba Ki Moya o Kenile, Si ka zamaeleta hande ni Linzwi; haiba ha ku cwalo, halina kuba.” Mwabona? Yani kona nzila fela ye mukona ku lemuha ka yona; mi kipeto za—za ikatula ili zona. Mwa bona? Kihande, si—si ka fufela mwa halimu haiba ha ki Moya o Kenile, si ka fufa ku tamuluha. Mwabona? Kono haiba Ki Moya o Kenile, Si ka latelela fela hande mwa sikuka, kakuli kona mo Si inezi ona cwalo; Ki Moya o Kenile o zamaeleta hande ka swanelo ya Ona.

<sup>58</sup> Cwale, ka za kubulela mwa malimi ni zeñwi cwalo, Ni lakaza kuli kambe mutu ni mutu wa mina na ka bulela ka malimi. Ni lakaza cwalo luli. Mi mane ka linako zeñata, Bakreste babande . . .

<sup>59</sup> Mwa bona, haiba Ni mi bulela kuli sani ne sili teni fa mukoloko . . . Ni fumani yomuñwi . . . Isiñi mukoloko, muni swalele, kwa litaba za lipuzo ni likalabo kakusasana kacenu. Mutu (Ni sepa u sa liteni mwa mayaho mo) kuli abe . . . Ka za kubulela mwa malimi . . . Mutu yani ki mutu ya sepahala, mutu wa maoyo, mi upilile ka kuluka. Mi u ni utwile ha ni bulela kuli bupaki bwa Moya o Kenile ha ki ku bulela ka malimi, mi ha ki zeo, kono Ni elelize mutu yani ku kupa Mulimu kuli akone kubulela ka malimi kamba kupolofita, kakuli kona buino bwateni.

<sup>60</sup> Taba ya pili, Ne niile ku mutu yani ni ku fumana sibaka kwa na pepezwi, ni sisupo sa na pepilwe ka sona, ni ku mu bulela kupepwa kwa hae mo ne kuinezi. Ili nto yeneli ka sibupeho sa hae mwa buino bobuñwi. Mi, ha sa pepilwe sinca, u kaba mwa sibupeho sesiñwi hape. Mi cwale, ha mu ipumana mwa sibupeho se, sani ki sa mwahali, sa lizwalo la mwahali, mwahala lizwalo . . . Lizwalo la kwande li mi zamaisa ka nzila yeñwi; sani kona sipepo sa mina sa butu. Mi, ku ezahala nto yeñwi kipeto li mi beya mwa sikamañi? Mwatasa sibaka sa bune, ni ku ba beya mwa buino bwa ku ikaba. Fo kipeto ha ba sa ziba sa kueza. Ba kali, “Mulena ubata kuli ni eze sa *kuli*.”

<sup>61</sup> Za mwahali, “Oh, Ni—Ni ziba fela kuli ki—ki—ki—ki ku zamaeleta hande ka Mañolo.” Mi bakala ku eza cwalo, mi taba yapili mwa ziba, Satani fande fa uka ba bonisa mifuta kaufela ya kusi nyaziseza. Mi kipeto ba li, “Kihande, Na sepa Ni . . .” Mwabona, mwabona? Ba utwela Satani. Mwabona? Muna ni kunga sika sani sa mwahali, sona sa mwahali sani sesili sa Mañolo. Mi musike ku tuhelela Satani kuyema kai kamba kai. Ki . . . Wani ki musebezi wa hae fani ni ku mi nataka ona cwalo. Kono musike mwa mu teeleta.

<sup>62</sup> Kono, mutu yani, Ne ni mu bulelezi. Mi yena ali, “Kihande cwale, kambe Ne ni ka ziba fela ka za Moya o Kenile.” Mwabona? Mutu ya munati cwalo yani, mutu ya ishuwile hahulu ka Moya o Kenile, kono ne kukaba fela hande kubulela kuli, “Ndate, aku ni fe fela nto yeñwi ye ni ka yema ku yona.”

<sup>63</sup> Cwale, haiba Ni kile na i luta cwalo, batu ne ba ka ikatazanga kusina kuba ni za nani mutu yani. Mwabona? Moya o Kenile wa bulelanga ka malimi, kono muna ni kuba ni Moya o Kenile pili U si ka bulela kale ka malimi. Cwale mwa utwisisa kana? Kacwalo, haiba mu i kataza ka za kuba ni mpo ya kubulela ka malimi kusina . . .

<sup>64</sup> Cwale muhupule, yeo ikona kuba mpo ya niti; wani ukona kuba Moya o Kenile o bulela ku mina mwa malimi asili, mi ne mu ka lateha ni kuya kwa lihele. Bibebe ibulezi ona cwalo. Mwa lumela cwalo? Kikuli mubata kuba ni Liñolo ka seo? Mu bata Liñolo, a mu nanule mazoho a mina. “Ni ha Ni ka bulela ka lipuo za batu ni za Mangeloi . . .” Ki niti yeo nji? Bubeli, bwa zekona kutolokiwa ni ze sakoni kutolokiwa, ki malimi a Moya o Kenile wa niti. “Ha ni sesiñwi,” mwabona, konji haiba zeñwi za zamaeleta ni zona. Mwakona kuba ni sa *kuli* (mwabona?), kacwalo musike mwa ya ku *sani* kusina *se*. Mube ni *se* pili, mi kipeto *sani* li ka latelela.

<sup>65</sup> Cwale, pula ya nelanga ku baba lukile ni baba si ka luka. Lizazi li monyehelanga baba maswe ni babande. Pula ya nelanga ku to buzwisa licalo; la buzwisa ni mufuka hamoho cwalo, yona pula yeswana. Moya o Kenile wakona ku wela mwa sikuwata sa batu, ni kubulela ka malimi, ni kueza kuba za niti ka swanelo, ni ku hasana mwahala sicaba, ni kueza kuli si polofite, mi iba niti luli. Yeo ki niti yetezi!

<sup>66</sup> Fokuñwi mwakona kuba mwa—mwa sibaka sa buñaka kamba bulauli, mi ba kona kubulela nto yeñwi yeli ya niti luli. Mutualime mulauli musali wa kwa Endore. Saule . . . Ne kubile ka niti luli; zani mane ha ki zona. Ki baloi. Kubulela ka malimi, Ni boni mioya ye maswe haibulela ka malimi, ni kuñola ka malimi asili. Sani ha si talusi nto ifi ni kaufela. Kono nto ya luli ki lona Linzwi lani hape. Kukutela kwa Linzwi lani!

<sup>67</sup> Kacwalo, mwa kona kueza ona lika ze isi ka Linzwi. Kono hamunga Linzwi, mi Li peta lika, konakuli mu litalime hande ha li ka to ezahala, luli ka nto yelukile. Mwabona? Konakuli fo mu mwa sikuka luli.

<sup>68</sup> Eeni, Moya o Kenile u itusisanga sicaba sani kuya ka mo ku tomezwi ka butali bwa Hae bwa Bumulimu. Kono nto ya pili . . .

<sup>69</sup> Cwale ki sikamañi? Mutuhele ni mife fela kakundukundu nyana fa muzuzu fela. Ni kali, “Ki babakai baba na ni Moya o Kenile?” Kaufela mina mu nanule mazoho a mina. Ni kali, “Ku lukile, Ni ka bona haiba muna ni ona.” Bibebe ibulezi kuli bene bana ni Moya o Kenile ne ba bulezi ni ku huwa musihali ni busihu bakeñisa bumaswe bo ne bu ezahala mwa munzi. Cwale, ki mazoho a makai aka nanuha? Ki babakai ba mina baba sa lobalangi busihu, kutala hahulu tabo, mata a Mulimu, ni kuswaba hahulu ka batu baba lateha, musihali wani ni busihu mwa bokolola ni kulila bakeñisa bumaswe nji? Hamuna kuba . . .

Mwabona? Ki mañi ya kaba cwalo mwa munzi? Ki babakai bao, babali mwa keleke? Sani kona se ibulezi Bibele kuli kona ponahazo ya Moya o Kenile.

<sup>70</sup> Na bulelezi Lingeloi le li swaya (Ezekiele 9, yeo ki niti), Na ize, “Inga... Zamaya mwa munzi mi ubeye swayo ku baba tonga ni kulila ka bumaswe bo bu ezwa mwa munzi. Babañwi ba bona, tuhela Lingeloi le li bulaya li ba bulaye.” Hakuna taba kamba ki ma membala baba cwani mo ne ba inezi mi ni kuli ki lika ze kai ze ba ezize, ali, “Ubeye fateni...” Mi muuna wa lunaka lo lutezi enge ya ku ñolisa, ya apezi ze sweu (ili nto yene yemela Moya o Kenile) ataha ku to beya swayo fa lipata za bene ba tonga ni kulila bakeñisa bumaswe bo bu ezwa mwa munzi. Cwale, mu li... Mi mutualime sa Na bulezi mwani hape. “U bulaye kaufela, bana ba banyinyani, basali bahulu, limbututu, u ba bulaye kamukana!” Bana ba banyinyani? Eeni!

<sup>71</sup> Fani Joshua ha na keni mwa naha ya Kanana, yena, naize, “Musike mwa lumeleza nihaiba alimuñwi wa bona apile. Haiba ki mbututu yomunde yomunyinyani, mu Amaleke yo munyinyani, kamba Muamori, mu bulaye! Mu hupule kuli, uka hula kuba mu Amaleke; uka silafaza kopano.” Mi cwale lika zenyinyani zani ha likuta inge ka ku sa lumeliana ni Linzwi la Mulimu, mubulaye lika zeo. Hanina taba kamba ki wa kopano ifi.

<sup>72</sup> Mu li, “Kihande, ki yo munde...” Hanina taba kamba mutu ki yomunde cwani! Haiba wa shutana ni Linzwi le, mu zuse nto yeo ku mina. Ki mu Amaleke yomunyinyani kono uka hula. U bonahala hande, u bonahala kuba ya lukile; a bonahale inge u lukile, kono musike mwaba ni sa kueza ni yena. Mu inele kwahule ni yena.

<sup>73</sup> “Kihande, Muzwale Branham, Ni—Ni ya kwa neku lani, kakuli... Kihande, Ha ni tokwi...” Mu hupule fela, mu Amaleke kaufela, sika kaufela se si latula Linzwi, muinele kwahule ni sona; mutokwe sa kueza ni sona ni hanyinyani! Ki babakai baba lumela kuli yeo ki Niti? Ka niti ku cwalo. Mwabona? Muinele kwahule ni zona!

<sup>74</sup> Baba tongoka ni kulila bakeñisa bumaswe bo bu ezahala mwa munzi... Ki kai ko mubona zani? Na kona ku mi bonisa baba kuma fa teni sauzande baba bulela ka malimi ni alimuñwi ya bilaezwa ka sibi... baba sakoni kulapela nihaiba hola. Kono kana mwa ziba kuli Bibele ibulezi kuli... swaya fela bani baba tongoka ni kulilela bumaswe bwa mwa munzi? Ki babakai baba kile ba bala cwalo? Luli! Wani neli Moya o Kenile o no tilo swaya sicaba, ni kubulela kwa Lingeloi lene li bulaya, “Zwela kwande mi u bulaye lika kaufela ze sina yona swayo yani ku zona.” Mi swayo ya Mulimu ki Moya o Kenile, kona Nombolo ya Mulimu.

<sup>75</sup> Cwale, bakai batu bani baba na ni ku i kataza kwani? Ni utwa mina sicaba baba tulakanga mwa halimu nifafasi ni kulila

mwa keleke; Na kona ku mi bonisa batu baba huwakanga ni kumata mata mwa muyaho; Na kona ku mi bonisa batu baba polofita, mi mane za ezahala; Na kona ku mi bonisa baba bulelanga ka malimi, mi—mi ni kumatela kwa ni kwa mwa miyaho, ni kubulela lika za kuli mane haba toloka li to ezahala; kono cwale ukai mutu ya ka bilaela ni kulila bakeñisa bumaswe bo bu ezahala mwa munzi? U kai moyo wani o imezwi? Mwakona kufetula matali amañwi ku zona. Mwabona se Ni talusa?

<sup>76</sup> Cwale, Ni likile mo ni konela ku—ku—ku mi bulelela ni ku mi eteleta sina ndate mwa kona ku zamaiseza bana ba hae. Mina mu banake; Ni mi pepile ku Kreste kuya ka Evangelie ye Ni kutaza. Mwabona? Mi Ni—Ni—Ni bata kuli mu pahame kuba banana babahulile luli, kamba—kamba bana. Mi Ni bata ku mi zibahaza ku Kreste ka zazi lani, sina Paulusi hana ize, “Mwalyanjo ya kenile.” Hakuna nto ni ye kana mwa Linzwi lani kono ki seo lipilu za mina lika bulela “amen” ku sona.

<sup>77</sup> Sibi ha sitokwi kuba . . . Kakuli mu ka eza lika ze fosahalile, kono cwale yomuñwi, yona taba ya pili ya mi nyaza, “Ndate, uni swalele.”

<sup>78</sup> Ni ka bulela se. Ni talimezi mutu yomuñwi cwanoñu nyana ka mizuzu yelikani yefelile. Ne ni buzizwe ki mushimani yomunde ka zazi leliñwi. Ne lu sweli kuzuma tumale. Kakusasana wani Ne ni sweli to tu ketalizoho; Ne ni sile kalikañwi musihali wani. Mukona fela ku swala to tu silezi mwa muleneñi wa Kentucky; kona fo ba feleza. Kacwalo mutu *yo* ato bulela kuli, “Ni sweli totu ketalizoho katotune.” Mushimani wa Mukreste, mucaha yomunde.

Se nili, “U fosize. U ezize mafosisa!”

Ki hali, “Kihande . . . ”

<sup>79</sup> Ni bulezi kuli, “Ne nina totu ketalizoho kakusasana wani, ne ni sile kalikañwi mwa musihali wani. Mi hane Ni sweli kamale kalikamu kani, na talima kwa kota, ni kubala to tu ketalizoho kamba silezi to ne tuinzi fani fo ne Ni kona ku talimela, na ikela ni ku tu siya.” Se nili, “Ne ni zamaya zamaya kwanu ha ki kale hahulu, mi ne kuna ni totu lishumi ni ketalizoho kamba mashumi amabeli to ne tuinzi. Ne ni ngile fela tikanyo, ni ku ikela, ni kusiya twani kaufela fateni.” Na li, “Ha Ni taha kwa naha ye, ku to kutaza ku mina bashimani ni mina sicaba kwanu lika ze lukile, Ni na ni kupila ka mutuala wani.” Bukreste ha ki so bulela, kono ki so pila, so eza; ki mutuala. Mina mu lizwai la lifasi. Ni iize, “Mi, mulao ubulela kuli . . . Jesu naize kuli, ‘Mufe Sizare ze li za Sizare.’ Mu sa lyanganisa fela mulao wani o zamaya kapili kwani, ki sikamañi se mueza? Mwa fosa; mwa eza sibi. Mufe Sizare ze li za Sizare, mi ni Mulimu za Mulimu.”

<sup>80</sup> Muli, “Kihande, mulao u maswe.” Hani koni ku toloka bumaswe bwa teni; ku maswe ku lwanisa litaelo za Jesu. Mi haiba mu sa fi Sizare ze li za Sizare, kona kuli mu eza sa na mi bulelezi

Jesu kuli musike mwa eza, mi kuloba mulao kona sibi. Ki niti yeo nji?

<sup>81</sup> Luna kaufela luna ni mulatu; lwa ezanga cwalo. Kono ha u ipona bufosi isali wena, kipeto tuhela! Batu ba ku bona; batu habana kuya kwa keleke, kono ba ka ku bala, ba bona so eza.

<sup>82</sup> Kacwalo, nga Kreste mwa pilu ya hao; yeo ki niti . . . Kreste ni Moya o Kenile ki nto yeswana. Moya o Kenile, *Kreste* i talusa “Ya tozizwe.” Mi Moya o Kenile kona yona Tozo yani, mi ki wena ya tozizwe. Mwabona? Mi ki Kreste ku mina ya mi toza. Mwabona se Ni talusa?

<sup>83</sup> Konakuli muna ni nto ye lukile. Konakuli Wa kona kuitusisa mina kwa sika kaufela Sa bata ku itusisa mina ku sona, kakuli mu mwa Mubili mi mu ikabela kwa limpo zani kaufela. Kono mwabona, ku ba ni iliñwi ya limpo kwande a Mubili, hakuna ku mi tusa ni sesiñwi. “Ni ha Ni ka bulela ka lipuo za batu ni Mangeloi, hani sina lilato, ha si nitusi sesiñwi. Ni ha Ni na ni tumelo mane ni utwisisa likunutu kaufela za Mulimu, ha li nitusi sesiñwi. Ni ha Ni ka fa mubili wa ka kuli u cisiwe kuba sitabelo, kufa bufumu bwa ka kwa babotana, ni ha Ni na ni tumelo ye shimbulula lilundu, Ha ni sesiñwi.” Mwabona? Musike mwa itinga fa lika zani. Moya o Kenile ki Mutu; Ki Mulimu, Mulimu ku mina, yena Mutu, Mulimu, ya tukisa butu bwa mina ka kutala. Mu cincizwe; se muli sibupiwa sesinca. Nto yenyinyani kaufela ye fosahalile, Uka mi bulelela kuli i fosahalile, konakuli mutuhele; musike mwa i eza. “Ndate, Ne ni sa talusi kueza cwalo, U ni swalele.” Mwabona? Mi sani—sani kona Moya o Kenile.

<sup>84</sup> Hanina taba kamba u bulezi cwani mwa malimi, mo matezi, ka mo utulezi, ka buñata mo ezelize sa *se*, *sani*, kamba *sesiñwi*. Mwabona? Kaufela so ezize, ha si talusi sesiñwi haiba nji Moya o Kenile ha u yo mwahali ku wena ku kunyaza ka lika zende ni ze maswe.

<sup>85</sup> Cwale, lani kona libaka mutu yoo ha li ya lukile. Mutuhele Moya o Kenile u eze lika. Kono cwale (mwa bona?), cwale, ki sikamafi se si eza zeo . . . Mutuhele ni bulele ka lilato, kufafalezwa ka lilato ni—ni kutoziwa ka Linzwi. Mwabona? Haiba nji Moya o Kenile wa niti uteni ku mina, hamukoni ku buza ka zeo. Mwa ziba cwalo mina bañi, ki nto ya mutu anosi mwahala hao ni Mulimu. Mwabona? Mu ziba kuli nto yeñwi i ezahalile kale. Mu ziba kuli kuna ni cincheho, kamba kuna ni sika kaufela—sika sifi kaufela, mina kasibili, ki mina cincheho. Mwabona? Ki wena ya cincizwe, mwahali ku wena, mi uziba kuli una ni Ona. Kamba u bulezi ka malimi, kamba u tulile, kuhuwa, kamba sika sifi kaufela, uziba kuli Mulimu upila ku wena, ni kuli ha uzamai ka mihupulo ya hao fela, ki muhupulo wa Kreste o ku zamaisa ka Linzwi lani, ona cwalo fela mo Li zamaela.

<sup>86</sup> Cwale! Kono Ni ka . . . Haiba batu bali, “Kihande cwale, Muzwale Branham, ha u lumeli kuli lu lukela kubulela ka malimi

nji?" Mwabona? Konakuli mu kutele fela kwa mulaho ku se Ni sa zo bulela. Luli, Na lumela mu swanela kubulela ka malimi. Mi babañwi ba mina sicaba . . . Mwabona? Kono muutwe ze, mi . . . Ni nga ze, sina fa mulaho nyana fa ka za limaili ze mianda ye lishumi ni ze ketalizoho (mwa bona?), kakuba kwanu kwa tabernakele. Fela, haiba ha mu li utwisisi, kipeto mu ni buze. Mwabona? Mu ni ñolele zona haiba ha mu utwisisi. Mu bulele fela ze Ni bulela kwanu. Mwabona? Mi Na . . . Ni mina . . . Sina Paulusi hana bulezi kuli, "Mu ni latelele sina ha Ni latelela Kreste." Mwa bona? Fohe ha mu kabona kuli Ni fosize, konakuli mube kwahule ni na, mwabona, ku felile, kakuli Nika—Nika ba mutu ya fosahalile. Mwabona?

### **329. Shangwe talusa. Batu ba bulela kuli Muzwale Branham ufta mutu, wa kona kubupa, mi ni Jesu ukona kubonahala fela mane inge Muzwale Branham.**

<sup>87</sup> Cwale, mu ni lumeleze . . . Mutu yo ubulezi cwalo. Yo ali yena kaufela, Ha ni zibi. Kono Na ni muzwale wa mina. Mwabona? Jesu ki Mupulusi wa mina. Na hani koni kuba Mupulusi wa mina, kakuli Yena u mi pilisize kale. Cwale, mu fakaufi hahulu ni Niti ona foo, mi hape mu kwahule hahulu ni Niti, yena mutu ya bulelezi mutu yo taba ye. Cwale, fela ki . . . Ku bonahala ku na inge muñolo wa musali, ki muñolo o munde luli. Mi Ni ka bulela kuli ki muñolo wa musali, ki muñolo o munde. Mi ha Ni zibi kuli ki mañi. Mwabona?

<sup>88</sup> Cwale, "Muzwale Branham, kana Jesu wa kona ku bonahala inge wena, kamba wena ube Jesu, kamba nto yeñwi yecwalo?" Neku leliñwi la linzwi, yani luli ki Niti; neku leliñwi la linzwi leo ki antikreste. Yani kona shutano mwahala bunde ni bumaswe. Ku ni eza kuba Mutu yena Mulena Jesu Kreste, ikona kuba antikreste (mwabona?), kakuli Mutu yani yena Mulena Jesu uinzi kwa lizoho la bulyo la Yamata kwa lihalimu, mi uka taha hape mwa mata amatuna ni kanya. Kono ka Bupilo bwa Hae bone buli ku Yena ha buba kuna, ni fahalimwa mina baba na ni Yena, ki yona Niti luli; mi mu ba Kreste.

<sup>89</sup> Muhipule liñusa laka ka Bumesia? Mwabona? Mina mu . . . Linzwi la kuli *Mesia* litalusa kuli . . . "Ya tozizwe." Cwale, ki mina, haiba muna ni Moya o Kenile, muba ya tozizwe. Mwabona? Konakuli yani kona mifuta kaufela ya baba tozizwe.

<sup>90</sup> Cwale ha mutualime, haiba ki batoziwa ba Bibele. Buñata bwa bona ki batoziwa . . . Mwabona? Taba yateni kaufela i mwa tamahano ye cwalo kuli . . . mufuta kaufela wa kulyangana; mi—mi wa . . . Satani ni butali bwa hae kaufela mwateni ni kulikanyisa fela cwalo mo liinezi, ka kuswana luli fakaufi. Kuna ni fela nzila iliñwi ye mukona ku ikolwisisa ka yona; ki kutatuba linzwi ka linzwi, linzwi ka linzwi! Yeo kona nzila fela inosi ye mukona kueza ka yona.

<sup>91</sup> Kono kuna kakuba—kakuba mutu, William Branham, kamba—kamba muuna ufi kaufela kamba musali kuli abe Mulena Jesu Kreste, Mupulusi wa luna, ao ki mafosisa. Kono kuba ya tozizwe ka Moya wa Hae, o tisa Mutu wa Hae luli ka Bupilo bwa Hae ku mina . . .

<sup>92</sup> Ne li swanisizwe hande ku Elia ni Elisha, fani Elisha ha na ngilwe, neli Elia, mupolofita wa kale, yana ya kwa Hae. Mi na katezi ni ku boteha; mi ne kuna ni koloi yene fungilwe mwa buse bwa nuka kwani, mi ki ha . . . kuli i muise kwa Hae ka lipizi za mulilo. Mi kana mulemuhile ona fani, fani Elia ni Elisha hane ba silile nuka? Sikolo sa bapolofita ne si liteni kwani inge ba ba talimezi. Mi Elia anopa kubo ya hae mi . . . kamba kunata fa nuka. Mi hana ezize cwalo, ya ikaba, mi a silela mwa buse. Mi sali ku mupolofita yomunyinyani, “Kiñi—kiñi ha u ni latelela cwalo? Kiñi—kiñi—kiñi so bata?”

<sup>93</sup> Mi abulela, “Kuli ni fiwe habeli kwa moyo wa hao utahe ku na.” Kabelo yeswana ya mupolofita ya mata yani ibe habeli fahalimwa ka?

Ki hali, “U kupile nto yetata; kono ha u ka ni bona Ni ya, konakuli Uka taha fahalimwa hao.” Kacwalo mwakona ku nahaniseza mwa na talimela mupolofita.

<sup>94</sup> Cwale, mwa lizazi lani, mupolofita yani neli Linzwi, kakuli nali yena mutalelela wa Linzwi kwa lifasi. Mwabona? Mi sa ziba kuli nekuna ni bulumiwa bo butuna bone butaha, kakuli ne ku tokwahala nto yetuna. Mi cwale Jesu hanali fa lifasi fa, Na li yena Elia. “Lika ze Ni eza ze ni mina mu ka li eza hape; zetuna mane kufita ze mu ka li eza, kakuli Ni ya ku Ndate Luli.” Cwale, mu ka eza cwani zeo? Mu Mutualime! Ki mañi Yani? Ki Linzwi! Mwabona? Mu Mutualime!

<sup>95</sup> Cwale, ha litaha kwa pupo ya lika, ki niti. Jesu na si ka bupa lika kaufela ni ku litisa onafo kuli libe teni. Na ngile lika pili. Na ngile mezi, aeza waine. Na ngile sinkwa ni kupangela fateni sinkwa sesiñwi. Na ngile litapi ni kupangela fateni litapi zeñata. Kono Na sepsize kuli lika zetuna kufita ze li ka ezahala. Mwabona? Mwa bona? Cwale, kiñi? Ki lizazi le li maswe hahulu kufita mo ne li inezi ha Na li fa. Mwabona? Isali Yena, kono u itusisa tabernakele ya mina. Mwabona?

<sup>96</sup> Mi yena mutu yali ku mina yoo, yeli kupepwa kwa mina . . . Ki wena John Doe; no pepilwe ka kweli *yeñwi*, mi no pepilwe mwataswa naleli *yeñwi*; no pepilwe mwataswa nto *yeñwi*, mi seo si nani sa kueza ni wena. Kaniti si nani!

<sup>97</sup> Na ziba Ne ni ezanga kuli . . . Bondate ne ba bulelanga kuli, “Hani koni kucala makwili ka nako ye, kakuli kweli haiyo hande. Haukonи kucala makwili ao, Billy.”

<sup>98</sup> Mi se Nili, “Hani a cali fa kweli, Ni a cala mwa mubu moo!”

Bali, "Ku lukile, muika ya butali, zwelapili! Uka ba ni misunya mwa toho kona uka ituta nto yeñwi." Ne ni banga cwalo. Ne ni banga cwalo.

<sup>99</sup> Na mi bulelela: munge libala ni ku li lobaza fa bucwani mwa lififi la kweli mi mu talime se si ezahala. Bucwani bwale bu ka shwela ona foo. Mu li beye fa liseli la kweli; mwakona ku li siya inge li lobezi fani ka sunda mutumbi; halina ku bu sinya ni hanyinyani.

<sup>100</sup> Mu talime liwate lani kweli yani ha i cinca kwani. Mi ni mañungwa ani... Mi kweli i ya kwa lififi, mañungwa alatelela ni ona, mi mane ki limaili ze lule lule kuzwa fa lifasi. Ha ki seo fela, muye kwani mwa muleneñi wa Kentucky mi mu tabe mulamu mwa mubu kufitela mufita kwa mezi a lizwai; kipeto mutualime fela mupaipi wani, mo utungezi haiba kweli... haiba mañungwa ateni mi mutualime mo i kenela kwa lififi, ku yo tibeleta mwa lifasi. Kaniti!

<sup>101</sup> Mu cale sika se si ka hasana fahalimwa lifasi. Mwa lififi la kweli mu si bone hanze si ya mwa mubu ni kupangeha inge sikoto sa nyanisi ya makoto. Mu si cale ka ku sifutula mi mubone mo si ka hasanela fa halimwa mubu. Luli, sina ni sesiñwi sa kueza.

<sup>102</sup> Kiñi Aruni hana nani fa sifuba sa hae licwe la sipepo sa bashemi bakale bani kaufela? Mutualime bashemi babasali bani hane ba bulela. Fani bashemi babasali bani ni basali bani ba Siheberu mwa makateñi hane ba bulela kwa bana bene ba pepwa bani, ne si paka libizo la bona; ne si bulela kupepwa kwa bona; ne si ba beya mwa sibaka mo ba pepezwi; ne si ba libisa kwa kuyakuile.

<sup>103</sup> Leliñwi la mazazi a ha Ni ka taha ku to ina fa nako nyana, Ni bata ku to nga tuto yani. Luli! Konakuli mutualimele Jakobo, fani hana shwa kwani, hana beile mazoho a hae fa bashemi ba kale ni ku ba fuyola, na ba bulelezi hande luli ko ne ba kayoba. Mi sani sibile hande kuya ka mabizo a bona, mi mane ka swanelo kuya ka kupepwa kwa bona. Mi luli, sina ni sa kueza ni mina.

<sup>104</sup> Cwale, yani ki nzila ya kupepwa kwa mina; sani kona se muli sona, muuna wa nama fela kamba musali wa nama fela. Kono cwale ha mu pepilwe sincia, lani ha ki lizwalo la kwande. Za kwande kona ze mu bona, kulwaza, kuswala, kununkelela, ni kuutwa, kono za mwahali mwani kona seo muli sona luli. Cwale, se kwande kwanu, Satani u mi lika fela ni ku mi bitela kafa ni kafa ka mukwa kaufela cwalo; kono cwale foo hakoni kueza sika konji hamu ka mu tuhelela ku si eza. Kakuli mwahali mo muna ni tumelo, mi tumelo ha i zweleli kwa lizwalo la kwande, lika kakanya. Kono mwa tumelo hakuna kukakanya. Muna ni yona ka kuzwelela ku Mulimu, mi muziba kuli iteni luli. Hanina taba kamo ibonahalela kufosahala, niteni muziba kuli i lukile; kakuli KISONA SA BULELA MULENA. Mwabona? Mi hakuna se si ka lyanganisa sani. Hakuna se si kona ku lyanganisa sani; ya

zamaya hande kuya kwapili. Butata ha butalusi sika ku yona; ya kasha katata mwahala zona, kakuli Yona ki Linzwi. Mi Linzwi ki Mukwale, mi Linzwi la pumaka . . . Mukwale wa pumaka Ona kasibili kuzwa kwa lika zeñwi kaufela. Mwa bona? Si lwala lizoho la tumelo fa kuswala Linzwi lani. Tumelo yani ina ni kuba cwalo . . .

<sup>105</sup> Cwale mubone, fani lizwalo la mwahali lani . . . Ki ze za mwahali; ki ze za kwande. Si patuluzwi mwahali mo, Niti kikuli; kwande kwanu, ki kukakanya. Cwale, kana ha ku bonahali kuba hande hane lu kali, “Kaufela luye fela lu yo ikopanya ni ba Assemblies”? Cwale, Na ba lata ba Assemblies of God, Na ba lata ba oneness, Na lata likeleke zani kaufela. “Kiñi ha lu sike lwaya kaufela luna lu yo ikeza sango ni bona, mwendi lika lueza hande.” Lani kona libaka, ki za kwande. Kono mwatasi mwahali mwani, mu si tokomele. Hamu bona kwande kwanu, se sika—se sika hana, mi . . . Mutualime ba Assemblies. Liki zeñata ze baeza ze Ni sa lumelelani ni zona ki—ki fa Mañolo, mi nakona ku ba bonisa kuli ha ki za Mañolo. Kono kuna ni ngana yeñata hahulu yeliteni mwahali mwani. Kuna ni mizwale ni likezeli babaeza bo lule lule ba kwa Assembly baba lumela se, lona Linzwi, mi mane haba lumeli se ba luta ba Assemblies kuba se si lukile. Kono ba mwa katwa.

<sup>106</sup> Ba Baptists, ba Presbyterian, ba oneness, ni babañwi babasiyezi ba bona, bainzi mwa katwa kani ko sikwata sa batu sikopani hamoho ni ku kakanya fateni. Mi kuna ni likute lelituna hahulu ka mutu yoo. Ki yo fa bishopu ya inzi fa, muokameli yomutuna; ha bulela sika, sa ka bulela mwanana ki sikamañi? Uka saba ku bulela sika. “Na lumelelana ni mina. Eehe, yeo ki niti! Uh-huh! Eeni, bo Bishopu, kamba—kamba bo Muluti, muna ni . . . yeo ki niti luli.” Wa lumelelana ni yena.

<sup>107</sup> Kifo, ha lu inweleni tucwala kwande mwa mukwakwa, kuli mutu wa mwa hae ha na ka fita mwa mukwakwa na kali, “Mukupi wa kale, hana sa hae.” Ku muisa kwatasi kwanu, ku mu beya mwahala mapokola, ni ku mu beya sisupo, ni tobolo ku yena. “Muzuhile cwani, John, ki hande ku kubona hape!” Mwabona? Likute ku yomuñwi ni yomuñwi.

<sup>108</sup> Jesu naize, “Mukona cwani kuba ni tumelo ha mu na ni likute?” Mufuta wani, mwa ziba, mu lutuse, kukuteka mutu . . . Ha ni sa hupula fela linzwi lani mo li bulelela fani. Kono, haiba tato ya hao ikuteka yomuñwi kufita yomuñwi. Mwabona? Hamukoni kueza cwalo.

<sup>109</sup> Mi cwale haiba mutu utaha hamoho mwa katengo, ba ina fafasi; mi mutu yani usaba kubulela sika, kakuli kuti ki bishopu ya bulezi cwalo, muluti wa ki yena ya bulezi cwalo. Kono musike mwa shwaula mutu yoo, mu mulumele kuba muuna yomunde; kono kamita muhupule, Linzwi la Mulimu li lukile mi zeñwi ze shutana kwateni li fosahalile. “Linzwi la Ka libe la niti, mi

linzwi la mutu ufi kaufela libe buhata.” Mwa si bona? Seo kona se lubata kueza, ki kulumela ona cwalo.

<sup>110</sup> Cwale muhupule, luna ha ki luna Linzwi, kono lu Linzwi. Uh-huh! Cwale muutwile kana? Jesu na si Mulimu, kono Na li Mulimu. Na li Mutu, ibo Na li Mulimu. Na lilanga, mi kanti Na kona kuzusa bafu. Na lila ha ku shwile mutu ni ku mu zusa hape. Nali yena Jehova-jaire, Jehova-rafa, Jehova Manasse; Na li yena Jehova, kamukana ka kutalelela. Nali yena Jehova, mi kanti Nali Mutu. Na luwile lifasi, mi abupa lifasi, mi na sina sibaka sa ku sameza toho ya Hae. Na ize, “Linyunywani ze Ni bupile lina ni liyaleto, kono Na hanina sibaka sa kusameza toho ya Ka. Mawawa, o Ni bupile, ana ni misima mwa mubu, kono Na mane hanina nihaiba ulimuñwi wa ka Kasibili, neba wa ku pumbekwa mwateni.” Yani ki niti. Na kupile libita la yomuñwi kuli apumbekwe mwateni.

<sup>111</sup> Na bupile zwalo kaufela yeneli ku musali. Kono yena na sina zwalo mwa kupepelwa; nana ni kukupa zwalo. Na bupile lifasi kono na sina sibaka mwa ku pumbekelwa; Nana ni ku kupa libi-... musima mwa mubu, kuli apumbekwe teñi, Josefa wa kwa Arimatea. Mwabona? Neba nani—neba nani ku—neba kupile sibaka, ibo Na li Mulimu, na bonahalize kuli Nali Mulimu.

<sup>112</sup> Cwale, mwa utwisisa? Luna ha lu... Luna lu ba ha Mesia, kono ha lu Jesu yani. Yena ki Ndata luna; lu tozizwe fela ka Moya wa Hae, mi lani kona libaka Bupilo bwa Hae... Mi sani si nga batu. Mwabona, haiba mu sa ini ni kunahana hande ka zona, si beya batu mwa kulumela kuli, “Kihande, mutangana yo wakona kuba Mesia.” Luli ki yena.

“Yo yainzi fa wa kona kuba yena.” Sibeli sa bona ba cwalo. Mwabona? “Kihande, ku konahala cwani kuba bababeli ba bona?” Kuna ni baba likiti mwahala bona. Mwabona?

<sup>113</sup> Kono mwa bona, Bupilo bwa Hae bu kauhani ka Lizazi la Pentekota. Fani Siita sa Mulilo sani ha si taha fafasi, Ne si kauhani sina malimi a to lula fahalimwa yomuñwi ni yomuñwi wa bona, Mulimu inza ikaba Iliyena mwahala sicaba sa Hae, kakuli Keleke ni Kreste ki Alimuñwi, inge fela muuna ni musala hae habali nto iliñwi.

**330. Muzwale Branham, kana Ni kona cwani ku bonisa musala ka kuli Na mu tokomela luli kono ni bapale...kamba kuina ni Linzwi (Zani)—kupila—kupila ni Linzwi, kono niteni nibe ni puzo ya kuli:** “Kiñi ha u sa ezi zo kutaza kamba kulumela?”

<sup>114</sup> Kihande cwale, haiba nji musala hao, haiba musala hao uku bulelela cwalo una ni...una ni tukelo ya kubulela cwalo, kuhande ube ya lukile. Mwabona, mwabona? Mi haiba musali uka—haiba musali uka bulela cwalo ka kuba ya maswe, muhupule, Bibele ibulezi kuli, “Ne kukaba hande kuli licwe li

tamelelwe mwa mulala wa hao ni ku nepelwa mwa buliba bwa liwate kufita kusitatalisa alimuñwi wa ba banyinyani bao, ba banyinyani baka.” Cwale, zeo fela ki . . . ? . . .

<sup>115</sup> Mi mwendi musala hao yani ha ki mufuta wa mutu yani. Mwendi ki ya shutana. Mwendi ki mutu yomunde. Mwendi u ku lika fela kubona mo kona kuezeza.

<sup>116</sup> Cwale, upile mwa lilato ni yena mi a bone Jesu ku wena. Mu eze cwalo. Mwabona? Mu zwelepili fela. Fokuñwi . . . Ni file taluso nyana kakusasana cwana ka mutu . . . Nako yeñwi musali yomunyinyani yo nasa—nasa amuhezi Moya o Kenile. Nali mutu yomunyinyani yomunde luli. Neba . . . Musali ali . . . Kihande, nana ni bupilo bwa manyando, mi muuna hae neli cakolwa. Mi cwale, a zwelapili fela; apepa ni yena. Muuna ali, “Ubata ku ya kwa keleke, Mulatiwa, nanuha!” Kono cwale, ki ha ya kwa kulukisa milili ya hae kwa saluni, kwani ku Brown Derby, ona kwanu. Azwelapili cwalo. Mi ba yanga ona kwani ka nako kaufela, neibanga bo Bonifer. Buñata bwa mina sicaba sa kale mo mwa hupula fani Bonifer hana li fa manganandila a . . . Ku bizwa Brown Derby cwale, Na lumela ku cwalo.

<sup>117</sup> Kacwalo, ne ba fumanehangana ona kwani, mi taba ya pili mwa ziba, busihu bobuñwi kwa zuha puzo ka za keleke ni Bakreste. Alimuñwi wa macakolwa yana inzi fani ali, “Hakuna nto yecwalo yakuli Bakreste ka nako ye ni hanyinyani. Mi hakuna sika se si cwalo. Ona sikhata se kaufela sa baipi,” bali, “wa ba bona kwanu ha basweli kuzuba, kunwa, kueza lika zeswana ze lueza, mi,” ali, “ba ipiza kuli ki Bakreste. Hakuna lika ze cwalo.”

<sup>118</sup> Ya kozwi fa ato yema ni kubulela kuli, “Fa muzuzu fela! Kuna ni alimumu ye Ni ziba.”

Ali, “Ki mañi?”

Ali, “Ki musala ka.” Mwabona? Na sa bile lizwai. Na nza li li tokomela ka nako kaufela.

Mi ali, “Ni sepa cwalo kambe na ka beiwa mwa katwa . . .”

Mi ali, “Batili, u sa li Mukreste; Ni ka mi bonisa.” Ali, “Ni ka mi bulelela sa kueza; ha lu yeni kwa ndu, mi Ni ka mi bonisa haiba ki Mukreste kamba nee.” Ali, “Ha lu yeni kwa ndu, mi cwale, halu kolweni za luli. Luka eza inge kuli lukozwi hahulu.” Ba yo ngongota fa munyako, bakena inge ba tatantalika ku itenga kwa lika kaufela mi—mi . . . “Kiñi ha mu sa ini cwana,” ni lika kaufela. Mi musali aba inisa mwa lipula kaufela bona (baenyi ba hae, mwa ziba)—ni kuba eza ku lukuluha mo ku swanehela. Ali, “Ni bata kuli u lu lukiseze mulalelo.” Mi kacwalo se ba . . . Ki ha zwela fande ku yo ba lukiseza zeñwi. Ali, “Lubata nama ni mai.” Na zibile kuli neba nani zona, ki ha ba fa nama ni mai. Ha na fitile fa tafule yani, aba talima fela ona cwalo, ananula mukeke wa hae, mi a yubulela licofafasi, ali, “Wa ziba,

Hani tabelangi mai aka ku atateha cwana. A liyen'i bashimani luzwe mo kanti," ona cwalo—ona cwalo.

<sup>119</sup> Se baya ku yo ina cwalo, mwa ziba. Mi musali azwela fande; mi ali, "Mulatiwa, mu Ni—Ni swalele ha Ni si ka tateha hande; Ni ka mi tatehela amañwi shaa."

<sup>120</sup> "Oh, bukuba, no ziba kuli Ne ni sa lati kuli u a tatehe cwalo ka kukala," ku tundamena fela cwalo. Se ba zwela fande cwalo, ni ku yoinafafasi, ni kueza inge kuli ne ba kozwi. Se ba mu utwa inge a i komba komba iliyena, inza opela ka linzwi la mwatasi ali:

Kana Jesu una ni kulwala sifapahano anosi,  
Mi lifasi kaufela lizamaye mukungulu fela?  
Kuna ni sifapahano sa mañi ni mañi,  
Mi kuna ni sifapahano sa ka.

Ona sifapahano sesinde se Ni ka si lwala,  
Kufitela lifu li ni kauhanya.

Cakolwa alimumu atalimela yomuñwi, ali, "Ki Mukreste; una ni zona!" Mi musali nyana yani aisa muuna hae, hamoho cwalo ni babañwi bani ku Kreste ona busihu bwani. Mwabona? Kiñi? Mwabona? Mube fela ya munati luli. Muhupule fela, Wa ziba zateni kaufela.

<sup>121</sup> Kacwalo, kezeli, kamba muzwale, yo ali yena kaufela, kamba muzwale, ki ye fa, kakuli na kupile ku musala haë, mube fela inge lizwai; ukaba ni linyolwa haiba kuna ni sika ku yena se si na ni kunyolelwa nto yeñwi. Haiba ha ku cwalo, muhupule, haiba mibile ni mutu ya maswe, mukaba ni yomunde mwa puso ya Mileniamu. Mu zwelepili fela kuya ona cwalo; mafosisa kaufela akaba a lukile kwani.

**331. Muzwale Branham, kana uluta kuli Munyaliwa ha lukeli kukena mwa keleke konji haiba ki wena ya kutaza, kamba kusi cwalo tabernakele, manzwi amañwi, ki tabernakele?** (Inani "kusicwalo," italusa kuli "ka manzwi amañwi.")

**332. Hape, kana uluta kuli ha lu lukeli kubuluka la—la Sunda kamba mazazi a pumulo, ka kubeleka, kuyamba, kamba zeñwi cwalo? Kamba...** (Ni ka bulela kuli leo ki la Sunda. Ika bonahala inge la Sunda ku na. Kamba kwatasi a yona ku bonahala cwalo... kamba la Sunda, Na sepa ki cona, mazazi a pumulo kamba la Sunda. Eehe, la Sunda, sani kona mo si bonahalela? [Muzwale Branham u ambola ni yomuñwi—Mu.] Mazazi a moonda—mazazi a moonda, la Sunda ni mazazi a moonda.)

<sup>122</sup> Batili! Mu fosize. Mwabona? Mutuhele ni kutele fateni mi ni i alabe ha Ni nze ni kutela cwalo.

**Kana uluta kuli Munyaliwa ha lukeli kukena keleke ifi kaufela konji haiba ki wena ya kutaza—ya kutaza kusicwalo, ka manzwi amañwi, kwa tabernakele?**

<sup>123</sup> Batili! Hani luti cwalo. Hani lumeli cwalo; Hani lumeli ku ze cwalo. Luna ni bakutazi kwanu baba hasani mwahala naha kaufela, mi Ni lumela kuli ki siemba sa Munyaliwa yani. Ni lumela kuli muuna kamba musali wakona kuya kwa keleke kaufela kwa tabelu kuya ko ba luta Linzwi. Mi Na lumela, haiba ha ba luti Linzwi ka kutala, mi hamukoni kuya kwa keleke kwa sibaka sifi kaufela ko ba luta Linzwi ka kutala, muyange ko ba luta licika la Linzwi kufitela mu ba ko ba luta Linzwi ka kutala. Muye kwa keleke se mueza kaufela. Mueze cwalo.

**Hape kana uluta kuli lu swanela ku—lu swanela ku...  
halu lukeli kubuluka la Sunda, kamba lizazi lifi kaufela la  
moonda, kamba—kamba kubeleka, kamba sina kubeleka,  
kamba kuyamba la Sunda?**

<sup>124</sup> Ni lumela kuli ki sibi ku yamba, ni kuzuma, ni kusebeza la Sunda ha mukona kuya kwa keleke. Cwale, Ni lumela kuli mwa loba milao ya Mulimu. "Kana kuna ni mulao ku ze cwalo?" Eeni, sha! Cwale, mwa Testamente ya Kale ne luna ni mufuta wa lizazi la Sabata. Kaufela zona neli... Mi Jesu na si ka tela kuli mubuluke mazazi a Sabata. Lizazi la Sabata ya kale ne ibanga la Pelekelo, yeneli mafelelezo a biki. La Sunda ki lizazi la bu eiti, kamba lizazi la pili mwa biki, lona la na zuhile Jesu ka lona.

<sup>125</sup> Hani lumeli kuli ku lukile kuli... Cwale, haiba mu kwahule hahulu inge mwa lihalaupa kokuñwi, mi muile kwani ku yo zuma, mi hakuna keleke kafoo, zeñwi ze cwalo, mi hakuna se mukona kueza; mi haiba mwa yamba, Ni lumela seo sa kona kuba hande. Kono haiba nji muteni mwa tolopo, kamba bukaufi ni ko kuna ni sebelezo kwa keleke, muna ni kufumaneha kwa keleke kupale kumane, kokuñwi.

<sup>126</sup> Mi Ni lumela kuli, kuya ka kusebeza, Ni lumela kuli haiba komu i mwa musima, kamba sesiñwi silukela kuezahala la Sunda, muzwelepili mu si eze, haiba ki se mu sa koni kuplicuka, sina ni kubelekiwa ona cwalo. Kono ha mu ka ikezeza fela, ni kulibeleta kufitela la Sunda kuli kona mu ka beleka, kamba ku ikezeza fela ona cwalo, mwa fosu. Mwabona? Ha lu lukeli kuezal cwalo, lu swanela kukuteka lizazi le likenile lani.

<sup>127</sup> Mi cwale, muhupule, myye kwa keleke kokuñwi, kwa sibaka sesiñwi. Haiba... Ni—Ni kona kubiza kopano yeñwi kuli keleke, kono ha Ni koni kuezal cwalo, kakuli keleke ye, taba fela ye Ni ziba kuli ba luta cwalo Ni lumela, kuli ba lumela kuli Jesu Kreste ki Mwana Mulimu. Kihande, Na eza cwalo. Lituto za bona zeñwi kaufela ki... Ba lumela mwa... ni swalelo ya libi ka mezi. Cwale, ha ki ba oneness; baezanga lika ze swana ni bona, kono ha Ni buleli la bona. Ba lumela kuli ona—ona kufetulwa kwani ka mezi, ni zeñwi cwalo. Mi ha Ni lumeli cwalo. Mi bona, oh, ba lumela kuli haiba sika kaufela sina ni foliso ya Bumulimu ku sona ki sa diabulosi. Mi ba lumela ku zona kamukana... Ki zona fela ba—ki zona fela zeliteni ku zona, mi taba fela yemuna

ni kueza ki ku ñolisa fela libizo la mina mwa buka yani. Mi haiba hamuna lona mwahali mwani, mu latehile. Cwale, Na hani lumeli cwalo. Kono kambe nekusina keleke yeñwi kwa kuya (Ne ni sike kuya kwani ka kukanana), Ne ni kaya kwani ka mulelo wa kubateni kwaka, mi ni yo ina bukaufi ni mutu, kuli yena Kreste yali mwa pilu yaka asusumeze yomuñwi kwani. Muye mwahala bona, kono musike mwa ikabela ku sa lumela kwa bona.

**333. Muzwale Branham, Ni bata kuamuhela Moya o Kenile. Ni bata kuziba sa kueza. Ni bilaezwa ki lubasi lwa ka kuli lu piliswe.** Mi ni kezeli uñola libizo la hae.

<sup>128</sup> Haiba ubata ku amuhela Moya o Kenile, tuhela ni ku bulelele nto yeñwi, Kezela ka yomunde, haiba uteni mo. Mi—mi—Ni . . . (Muzwale Neville, kana yo ki membala wa keleke kwanu nji? Kwa tasi . . . ? . . .) Hani—Hani mu hupuli nina bat. Kono haiba—haiba uteni mo, Kezeli B-o-u-g-h, haiba uteni mo, tuhela ni kubulelele. Bibele ibulezi kuli, “Bana ni mbuyoti baba na ni tala ni linyolwa la kuluka . . .” U fuyozwi hahulu ka ku U bata. Mwabona? Cwale, muhupule, isiñi seo mina—mina—mina muna ni Ona, kono ba fuyozwi bao baba na ni tala ni linyolwa la Ona, “kakuli ba ka kuliswa.” Mupile fela hande ka ona.

<sup>129</sup> “Ni lukela kueza sikamañi ka lubasi lwa ka?” Itusise tumelo yeswana yo itusisa ku wena muñi, ni kwa lubasi lwa hao. Ba beye ku Mulena mi ulumele ka pilu ya hao kaufela kuli mu ka piliswa. Tuhela kuli . . . Usike wa ituhelela fela kutaha ka minahano ya butu foo, tuhela kuli ikene mwahali mwani, mwa sibaka sa mwatasi sani, konakuli ki ba hao. Mulimu uku file bona ku wena una ni yona mwatasi moo.

<sup>130</sup> Kaufela so nani mwa pilu ya hao moo mi u si kupe, ha u lapela, ulumele kuli uka amuhela so kupa. Cwale, ha ulukeli ku kakanya ni hanyinyani. Ha ukoni kulumela ni ku kakanya ka nako yeswana. Ki babakai baba ziba cwalo? Ha ukoni kulumela ni ku kakanya ka nako yeswana. Una ni kulumela kuli so kupa, uka si amuhela, mi Na bulezi kuli kipeto si ka fiwa ku wena. Konakuli ulumele fela bakeñisa lubasi lwa hao, mi kipeto ba ka ipumanela zona.

**334. Muzwale Branham, kucwani he ka mwana luna wa mushimani kakuli—kakuli haluyo fa—ha u kutazi ka Litolombita? Hupula sepiso yo no ni file fa luwaile kuamana ka yena ni Litolombita Zesupa?**

<sup>131</sup> Hani hupuli zeo. Hani sa hupula kuli ne li sikamañi sani. Kono seo kaufela sili sona, mubone kuli Billy Paul azibe seo sili sona. Kaufela sene Ni sepisize, seo Ni ka si eza. Hani hupuli. Wa ziba, Ni . . . Fokuñwi Ni banga, mwendi ka nako ya busihu, ni alaba ze mashumi amalalu, lipizo ze mashumi amane ka nako iliñwi, mwa bona, kacwalo Hani hupuli busihu ni busihu, fokuñwi ha Ni liteni, kacwalo Hani utwisisi kuli ki sifi.

### **Kucwani he ka kezela ka wa Katolika ni muzwale? Ni itumezi.**

<sup>132</sup> Oh, mutu yo kanti uzwa kwabuse bwa tolopo, uzwelela kwani kwa Texas. Na... Kihande, kezeli, haiba u—haiba uzwelela kwa Texas mi u amuhela tepu ye, kamba haiba kuna ni tepu (Ni sepa kuli hakuna kuba ni tepu ka yona ye), kono haiba iba teni... [Muzwale Branham ubuza ka za ku tepiña sebelezo—Mu.] Kana ba rekoda tepu? Musweli ku ipanga nji? Ku lukile, haiba baeza cwalo... Tepu... Konakuli Ni mi bulelele cwale. Haiba mu... Fa tepu ye, hamuka i fumana, uhupule, “Kucwani ka mwana luna wa mushimani... ka za Litolombita Zesupa?” Hani hupuli ka zani, konji haiba Ne ni ka sepisa ku mu bona kamba nto yeñwi ka nako ya Litolombita Zesupa. Haiba Ne ni kaeza cwalo, Ni ka mubona; kakuli ha Ni sika kutaza ka za Litolombita Zesupa, Ne ni kutilize ka za *Mukiti Wa Litolombita*. Ne mu utwisisize sani.

<sup>133</sup> “Mi cwale kucwani ka kezela ka wa Katolika ni muzwale? Ni itumezi!” Ni ka ku bulelela, Musala bo C-o-r-n-i-l-s-e-n... Haiba kalibe yo uteni mo, ubone Billy Paul kakusasana cwana. Mi—mi haiba ha ku cwalo, kihande, Nika—Nika—Ni—Ni palelwa ku utwisia kuli ki sikamañi (mwa bona?); ki puzo fela. Hani—Hani hupuli hande (mwabona?), ki sikamañi sani, kakuli Neni sepisize nto yeñwi ku mushimani wa hae ni Litolombita ni ka za kezeli wa Katolika; mi Ni—Ni sa—hasiyo mwa munahano wa ka cwale kuli ni hupule. Mubone fela, Billy.

Ye ilukela kuba... Yani fela ki kupo ya tapelo. Ibulela libizo la mutu mi iize, “kuopa toho ni libelenge.” Kacwalo sani neli fela... Ku li lapelela fela, Na sepa. Ku lukile.

**335. Shangwe tatulula ka za linyalo ni telekano.** (Ni alabile kale yani. Ze seli lipuzo ze supa, lipuzo ze ketalizoho kazetaalu fa pampili.) **Shangwe tatulula ka za linyalo ni telekano.**

Ni tatuluzi kale.

**336. Mushe ni—ni Elia fa lifasi cwale? Kana Mushe ni Elia bateni mwa lifasu cwale? Kikuli bainzi mwa America?**

<sup>134</sup> Batili! Mwabona? Batili, habayo fa; habana kuba teni kufitela Keleke ishimbawa, kona cwale Mushe ni Elia... Ki babakai baba utwisia sani? Ku lukile. Mi aluboneni. Haba si ka ñola libizo lifi kaufela fateni, kacwalo... Ku lukile. Kamba kimañi kaufela ya buzize lipuzo ze... Ni sepa kuli ki zesupa mwahala zona; Ni file... ni lemuhile zesupa. Ku lukile!

**337. Tatulula shutano mwahala “Libizo la Jesu,” mi ni “Libizo la Jesu.”** (Mulibelele fa muzuzu.) **Tatulula shutano mwahala libizo “Jesu” mi ni “Libizo la Jesu.”**

<sup>135</sup> Kihande, sibeli sa ona akona kuba nto yeswana haiba abeiwa ka nzila yeswana (mwabona?), afiwa ku Mutu ya swana, lona libizo la kuli *Jesu*, mi ni *Libizo la Jesu*. *Libizo la Jesu* ni libizo—

libizo la kuli *Jesu* ki Yena yo Ali yena. *Libizo la Jesu* ki kubulela ka Mutu ya swana, konakuli ikona kuba nto yeswana... Ni sepa kuli seo cwale sikona kuba... Sani ha si utwahali hande? Mwabona? Libizo la kuli *Jesu* ki yena Mutu Kasibili, mi *Libizo la Jesu* ki wena ya swanisisa ku yena Mutu yani. Mwabona?

<sup>136</sup> Lubulele kuli, libizo la ka kina *William*. Yani ki na. Ku lukile. Cwale, mu li... Ni bulela... *Libizo la William*, konakuli mu swanisisa ku na. Leo ki libizo la ka. Mwabona? Cwale.

### 338. Kana Libizo la Mulena li cincize mwahala linako zeshutana nji?

<sup>137</sup> Eeni, eeni! Nako yeñwi ne li bizwa kuli—Na bizwa kuli YA LITENI. Na bizwa kuli Jehova, mi U cincize ka linako zeñata. Nako ya mafelelezo fo ne li cincelize neli fani Mulimu hana bile nama ni kunga libizo la butu.

<sup>138</sup> Jehova, YA LITENI, ni ani kaufela, ki malumbatina a Libizo. Mwabona? Ne mu kolobelizwe ka libizo la Jehova, ilukela kuba ka Libizo la Jesu Kreste. Ne mu kolobelizwe ka libizo la Jehovah-rafa, Jehovah Manasse, ni Jehovah-jaire, kaufela ao, ilukela kuba Jesu Kreste. Yena YA LITENI ki yena Jesu Kreste.

<sup>139</sup> Muhipule, na yemi fani zazi lani, mi Sali, “Mubulela kuli mucile manna mwa lihalupa...”

“Bashemi ba luna neba cile manna.”

“Kono ba shwile!” A bulela.

<sup>140</sup> Bona bali, “Kihande, luziba kuli Wa lyangana, kakuli Wena u mutu fela mi usika kuma nihaiba fa myaha ye mashumi a ketalizoho ya kupepwa, mi uli U boni Abraham.”

Yena ali, “Mane Abraham asikaba kale, NA NI TENI.” Mwabona? Nali yena YA LITENI. Mi malumbatina kaufela ni mabizo anali a Mulimu kaufela ona na cincizwe kuba Libizo lililiñwi la butu, lona la Mulena Jesu Kreste. Ku lukile.

### 339. Cwale: Haiba nako ifelile fani Maswayo ha na kwaluhile, konakuli ki... Haiba nako ne ifelile (muni swalele) fani Maswayo ha na kwaluhile, konakuli kanti Mileniamu ni yona hape—konakuli kanti Mileniamu ni yona ifelile, nji ha ki cwalo?

<sup>141</sup> Batili, batili! Nako ne i si ka fela Maswayo hana kwaluhile. Ha mu si ka utwisisa. Se ne si ezahalile, likunutu neli patuluzwi, isiñi nako kufela. Mwabona? Mutualime fela. Mutualime hande cwale, mi mulize tepu ya mina haiba mu i utwa kuzwelela fa tepu. Mwabona?

<sup>142</sup> Nako haisika fela fateni kufitela... Yo ulukela kuba ya lumela kuli mileniamu ifitelezi kale kamba nto yeñwi, ya buzize puzo. Kakuli mwabona? Luna ni myaha ye sikit kasamulaho Keleke imana kuya kwa Hae ni kukutela hape mwa lifasi. Fohe kipeto nako ika fela mwa Lihalimu le li Nca ni Lifasi le li Nca.

<sup>143</sup> Cwale, Mileniamu ha ki Lihalimu le li Nca ni Lifasi le li Nca. Kukaba sibi nihaiba kasamulaho wa Mileniamu. Mileniamu ki mufuta wa Nuwe yana keni mwa areka, ni kuzwelapili, ni kutisa Kama kwa neku leliñwi. Mane sibi sa zwela kwande a areka. Mwabona?

<sup>144</sup> Kono Enoke, ya na shimbilwe, neli mufuta wa Munyaliwa yana ngezwi mwahalimu, isiñi yana shimbuluzwi fela. Kacwalo sibi si kazwelapili kuba teni kasamulaho wa Mileniamu, kono isiñi ka nako ya Mileniamu. Mwabona? Ka nako ya Mileniamu ki kozo. Mwabona? Kono sibi si ka feliswa kwa buse bwa Mileniamu, mi nako kona ika fela.

<sup>145</sup> Mi cwale, kukwaluha kwa Maswayo Asupa kone kafilwe ka Moya o Kenile, Maswayo Asupa neli fela kuzibahaza sene si siyezi mwa linako za kwamulaho wa luna.

<sup>146</sup> Cwale, sina mututi yomuñwi wa za bulapeli hana likile kuni lyanganisa ka sani, na ize, "Muzwale Branham, wena... Mulimu zazi leliñwi uka kufa likunutu za Maswayo Asupa ani. Maswayo Asupa ani akaba sika so samba kuba uitute fateni, mi ikaba sika se si siyo nihaiba mwa Bibebe." Batili, batili! Haina kuba sani, kakuli haiba u eza cwalo, sani sika eza kuli... Haiba Ni mi bulelezi cwalo, Ne ni kaba mupolofita wa buhata, kakuli (mwa bona?) Linzwi le... Kuna... Lika kaufela zeli za-zeli za... Yona sinulo kamukana ya Jesu Kreste italelezzi mwahala Linzwi le. Mwabona? Mi haiba Maswayo Asupa ki a likeleke zesupa, ne ana ni kufela kale, kakuli lu mwa Lusika lwa Keleke ya Laodesia. Mi Maswayo Asupa na patulula fela sene si siilwe kwamulaho kwani, mi a kwalula sene si siyezi; sana siile Luther; sana siile Wesley; ni baongaongi kaufela, ni Mapentekota, mane ku to fita ni kwa nako ya cwale.

<sup>147</sup> Cwale, sika se si tatama se si siyezi ki kushimbululwa kwa Keleke, kukuta kwa Mushe ni Elia, yona Mileniamu mwa lifasi ikaba Munyaliwa ni Munyali ka myaha ye likana sikitii, mi kasamulaho ku ka tatama katulo, mi kona kutahe sinyeho yetuna ya sibi. Hakusana kuba ni zeñwi hape ka nako yeo.

<sup>148</sup> Cwale, ha ki... Kufela... Maswayo na si ka feza nako. Nako kamba myaha konji kasamulaho wa Mileniamu. Batili! Ikaba teni nako konji kasamulaho wa Mileniamu.

### **340. Kana Mileniamu ina ni za kueza ka za myaha ye sikitii? Kikuli haina kuba fela lusika?**

<sup>149</sup> Batili! Lusika lo lu beilwe mwa Bibebe ki nako yekuma fa myaha ye mashumi amane. Kono Bibebe ibulezi kuli, "Mi ba pila ni kubusa ni Kreste myaha ye eza sikitii." Ikaba myaha ye eza sikitii mwa lifasi, kakuli myaha ye eza sikitii mwa lifasi ibaliwa fela kuli ki nako, kuya ka nguli ya Mulimu, kuba sina lizazi lililiñwi. Myaha yelikana sikitii mwa lifasi ki lizazi fela lililiñwi ku Mulimu, sina Mulimu mwa balela nako. Ki babakai baba utwisisa seo cwale?

<sup>150</sup> Kacwalo, kona lizazi lani la Sabata fo Keleke haisike kutundana ni sibi ni kamuta. Mi Satani uka tamiwa fa nako nyana, ka myaha ye eza sikiti, kakuli bahabo yena kaufela bakabe babile mwa lihele, mi ha bae... Keleke yeli mwa lifasi ikabe ililuzwi mi ibe fa Pila Kreste, kacwalo hana sa kona kubeleka ku sona. Kacwalo, ha ki mundandwe, sina hane Ni bulezzi, mundandwe wa kota, ki mundandwe wa likezahalo; ha sana sa kueza. Ha sana tuso ni sepo, ulibelezi fela zuho ya ba hae; kona ba ka kauhanyiwa inge lingu kwa lipuli.

**341. Kana mulena wa musali wa kwa Sheba na si ka taha ku Solomoni ku to mulika—ku to mulika kuto batisisa haiba na—haiba libizo la Mulena neli la Solomoni kamba nee?** (Hani sepi kuli Ni utwisisize sani. Mulibelete fela.) **Kana mulena wa musali wa kwa Sheba na si ka taha ku Solomoni ku to mulika kuto batisisa haiba libizo la Mulena neli la Solomoni kamba nee?** (Na—Na palelwa ku utwisia mwendi ye. Fela... Muni swalele fa muzuzu fela. Mutuhele ni ibale hape.) **Kana mulena wa musali wa kwa Sheba na si ka taha ku Solomoni ku to mulika kuto batisisa haiba libizo la Mulena neli la Solomoni kamba nee?**

<sup>151</sup> Batili! Na si ka to lika kubatisisa haiba—haiba libizo la Mulimu neli Solomoni. Solomoni nali mulena. Sa na tezi, mi ki hali, yena—yena naize, “Kaniti Mulimu una ni mulena Hae ni sicaba sa Hae.” Mwabona? Na tile mi ato likiwa... Na tilo lika Solomoni ka limpo za hae, kakuli nana ni lika mwa pilu ya hae za na mu patululezi Solomoni, sene si bonisa kuli nali mulena wa Mulimu mwa lifasi.

<sup>152</sup> Mwa hupula kulo kwani, Na lumela, kwani kwa—kwa—kwa... Kwa na zwelela, kwani kwa naha ya—ya—ya—ya Sheba kwa na zwelela, sicaba ne si tahanga ona cwalo, mwa ziba, ni—ni ku to bulela lika zetuna zene sweli ku ezahala, kuli neba na ni Mulimu mwa lihalimu lani yana tozize mulena bona, mi ni... mane mulena mwa na tozelizwe ki Mulimu. Hani sepi kuli na nahana kuli libizo la Solomoni... kamba libizo la Mulimu neli Solomoni, kakuli haiba kona mwa na nahanelia cwalo, sani ne si ka mueza kuba muhedeni hape. Mwabona? Kacwalo, na—na ka eza cwalo. Mwa pilu ya hae na ka hupula kuli Mulimu neli Solomoni, Solomoni neli Mulimu, kakuli neli muhedeni ka kukala. Kono cwale Solomoni ha na ti lo mu patululela kunutu ya mwa pilu ya hae, ka—ka mpo ya temuho; yene bizwa ka nako yani, kuli, butali. Na lemuuhile sani. A ziba kuli Mulimu nali ni Solomoni, kakuli ka nako yani... Neba nani... Ato lemuha kuli... Haiba natile ni ze cwalo mwa munahano wa hae...

<sup>153</sup> Haiba kanti—haiba kanti mutu mo, yena mubuzi, ubuza kuli, “Kana na zibile luli kuli Solomoni... libizo la Mulena neli yena Solomoni mwa niti?” Mwabona, Solomoni ne si yena Mulena; na ka utwa kwa batu, kakuli ne ba lapela Jehova, mi nekuna ni areka yetuna, ni testamente yetuna, yona—yona areka

ya Mulena mone kuinzi milao. Mi ne ba mu kandekela ka za Lilundu la Sinai ni libaka ze shutana kone ba fitile. Mi cwale, na boni kuli Mulimu—kuli Mulimu wa testamente yani nali ku yena muuna yoo, kakuli na nani—na nani temuho yeneli fela ya Mulimu. Mwabona? Kacwalo na zibile kuli—kuli Mulimu nali ku Solomoni. Kono cwale, ne ika balwa cwalo kambe mubuzi na ka buza cwalo. Kono, “Kana na zibile kuli libizo la Mulena kanti neli Solomoni?” Mwendi ha si ka ñola fela ka mwa na hupulela. Mwa bona? Konakuli Ni nahana kuli na talusa kuli—kuli cwana: “Kuli Mulena nali ku Solomoni.” Eeni, luli neli ona cwalo. Kakuli haiba yeo kona puzo, luli! Na zibile Mulimu, kakuli na bulezi lipulelo zani. Mi na sike ku lapela mulimu usili. Mi Ni lumela kuli na—na bulezi kuli kamita yena... Na boni libaka... Na sina nihaiba manzwi mwahali ku yena; na sina nihaiba puzo yene siyezi ku yena. Solomoni na patuluzi fela kaufela kakutala, mi a ziba kuli Mulimu nali ni yena.

**342. Ne—ne lu nyalisizwe seli myaha ye mashumi amabeli ka iliñwi kwa mulaho ki muatuli wa kuta. Kikuli—kikuli ne ku fosahalile nji?**

<sup>154</sup> Eeni, ne lii mafosisa hane muezize cwalo. Linyalo ki la mwa ndu ya Mulimu. Kono kakuba kuli munyalani, fa kona muba baba nyalani hande: mwa nyalana ha mu fa buitamo ku yomuñwi ni yomuñwi, ha mu sepisana kuli mu ka... kuli mu ka shimbana. Muatuli wa kuta wa kona kumifa pampili ya tumelelano, ani ki manzwi a mulao, ya kupila hamoho sina muuna ni musala hae kusina kuba muuna ni musala hae baba si kaya ka mulao wa sinawenga. Kono ha usepisa musizana yoo, mi ni yena... u sepisa muuna yani kuli uka pila ka niti ku yena, mi umunga kuba muuna hao, ona fo kipeto munyalani. Mwa hupula, Ne ni tatuluzi seo biki ye felile, Na lumela neli yona. Mwabona? Ha mu mu sepisa. Mwabona?

<sup>155</sup> Neba mwa Bibele ya kale—kale, haiba muuna na beeleva kalibe, mi (mwa ziba mulao wa sani. Kiñi, neli fela nto yeswana sina boozwa. Kaniti neli cwalo!) mi ha na sepisa, sani ne si yema ona cwalo.

<sup>156</sup> Puzo ne ibuzizwe zazi leliñwi, “Kana kufeliswa—kufeliswa—kufeliswa kwa swana ni telekano?” Mwabona? Ha mu ni buza lipuzo zeo, mulikani, ha mu zibi kuli lieza sikamañi ku na. Nina ni balikani babañata babaliteni mo baba nyezi habeli kamba halalu. Kana mu lemihile kuli Ni ambola ni ku mwanake wa mushimani, Billy Paul? Kikuli Ni ka shemuba Billy Paul? Batili sha! Billy Paul na nyezi musizana yomuñwi yomunyinyani, mi ataha, ki hali, “Tate, cwale Na nyala.”

<sup>157</sup> Ne ni sweli kutapisa mota ya ka; Se nili, “Nata toho ya hao kwa limota,” na zwelapili kutapisa mota ya ka ona cwalo.

Mi ali, “Na nyala cwale.”

Se nili, "Oh, zwelapili cwalo," na zwelapili ona cwalo. Apotoloha ni kubulelela bo mahe, mi bo mahe ba mu seha. Mwa ziba sa na ezize? Amata ni musizana yomuñwi mwa sikolo mo ba nyalana. Se lu felisa sinawenga, bo ndatahe musizana ni na. Lwa felisa sinawenga, kono na nyezi ka kuswana. Ki mushimani wa ka uteni mo wa teezeza ona fa cwale. Cwale, yeo ki niti.

<sup>158</sup> Ataha ku na ni musizana ya pila ni yena cwale, mukwenyana ka wa musali. Muikulyange yomunyinyani . . . Ki hali, "Tate kana mu ka lu nyalisa?"

<sup>159</sup> Se nili, "Haku konahali." Yani ki mwanaka tota. Mu nahana kuli seo ha si ni utwisi butuku hane Ni mu nanulanga mwa mazoho ni kueza lika kaufela zene Ni kona kueza, mi ni bile zepeli cwalo ku yena kakuba ndate ni mahe ku yena? Mu nahana kuli sani ha si ni utwisi bumaswe ka ku bulela cwalo? Kono ki Niti. Kaniti! Mushimani wa ka uinzi mo mi wa teezeza . . . Mukwenyana ka wa musali ni muikulyange bateni ona mwahali mo cwale . . . Kono ne Ni mu bulelezi kuli ki mafosisa (mwabona?), kakuli Ni lukela kueza cwalo. Ni tamehile kwa Linzwi lani.

<sup>160</sup> Mi se Nili, ne mu nyalisizwe ki muatuli wa kuta? Ne mu lukela kunyaliswa ki keleke, ka mukutazi. Yani kona nto ye lukile kuli Mukreste aeze. Kono bakeñisa kuli ufile kale sepiso yani, ni buitamo, mi se munyalani myaha ye mashumi amabeli ka iliñwi kwa mulaho, Ni sepa kuli ku lukile.

Mu li, "Kihande Na . . ."

<sup>161</sup> Puzo ilukela kuba kuli, "Kana Ni tahe mi ni to nyala hape?" Haiba ulakaza cwalo. Musike mwaba ni sesiñwi mwa munahano se si kataza tumelo ya mina, haiba kuba sika mwateni, hamuna kukona kuya kwapata konji kufelela ona fani; muka yemela ona foo. Puzo yani ha i taha, ona fani kona fo mu ka feleza, ona fani. Kono cwale, kuna ikona kuba hande.

<sup>162</sup> Muuna yana ni kolobelize ka Libizo la Mulena Jesu Kreste mafelelezo a ni leleka mwa keleke, kakuli Ne ni sa lumelelani ni yena ka bakutazi ba basali. Sani ne sisika ni tiseza ku kolobezwa hape. Mwabona? Luli kutokwa. Mwabona? Ku lukile shaa.

<sup>163</sup> Kono muhupule fela, lika ze za ni pumaka ni na. Nina ni balikani ba fa sifuba baba liteni mo, baana ni basali babakona kunga . . . kubeya za bona . . . ku longola liito la bona ni ku nifa lona hane Ni ka ba kupa lona (eeni, sha!), mi se banyezi habeli, fokuñwi mane ki halalu, babaliteni ona mo cwale. Mi mushimani wa ka tota, muikulyange luli, muikulu- . . . ni mukwenyana ka wa musali ye Ni lata . . . Mutualimele Billy, mone Ni yemezi ni yena ni mwa na ni yemela, kono kubulela niti kamba niti, ki niti ya niti.

<sup>164</sup> Nina ni . . . Na kona kuzwela kwande kwani ku yo biza babañwi ba Assemblies of God kamba babañwi ba sicaba sani ni ku ba bulelela kuli, "Nina . . . Ni . . . ne ni fosize nina, Hanina kuina ni Linzwi lani, Ni ka ina ni mina." Ne ni kaba mutu ya

zibahala luli yana ni mpo ya Mulimu. Ku yumbela susumezo ya ka kaufela ku yeñwi ya likopano zani, Ne ni kaba ni libizo lelituna luli mwahala bona. Hanina taba ka libizo la ka mwahala bona. Na ba lata, yeo kona niti. Kono Nina ni kuba wa niti. Ne—Ne ni kaba muipi hane Ni ka eza cwalo.

<sup>165</sup> Mi Ne ni kaba muipi hane Ni ka yema mo kakuli mwana ka luli yaliteni ona mo yana sepi size musizana, mi se Nili... Haiba—haiba mane nasina nihaiba mukiti ono bulezwi ka yena, hakuna taba kamba na pilile ni musali yani, kulobala ni yena, yena musizana, kamba seo kaufela nesili sona, fani hana file buitamo bwani, u nyezi, Billy Paul kamba ha ki Billy Paul. Yeo kona fela niti! U nyezi ibile fela ufile ona sepiso yani. Haiba ki na, kinto ye swana.

<sup>166</sup> Lu lukela kuba baba sepahala. Haiba ha Ni koni kuba ya sepahala ni mushimani wa ka, Hanina kuba ya sepahala ni mina. Haiba ha Ni sepahali ni mina, Hanina kuba ya sepahala ni Mulimu. Mi Ni bata kuli mulumele se Ni mi bulelela kuli ki sa niti kuya ka busepahali bwa munahano. Musike mwa ipangela zeñwi ka sona, mubulele fela ona cwalo mo Ni si bulelela (mwabona?), kakuli Ni ka mi bulelela Niti.

<sup>167</sup> Cwale, Hani ambola ku mina cwana linako zeñata, kakuli mu bana ba ka, Ni mi biza cwalo. Ni mi pepezi ku Kreste kuya ka Evangel. Mi halusali mo hamoho, ki sikuwata sa luna fela sesili mo, Ni—Ni mi tamulule hanyinyani. Kono Ni bata ku mi bulelela: kono ha mu taha ku na ni ku to kupa sika kaufela, Ni ka mi bulelela zende ze Ni ziba! Haiba ki mwa Linzwi, Hanina taba kamba sa ni nyaza, Nina ni manungo amañata alukela alukela kutamuluha ku na. Kiniti!

<sup>168</sup> Kono cwale ha mu ka ni buza sika kaufela, Ni ka mi bulelela. Haiba Ni mi bulelela sika, ni ka mi bulelela Niti. Ni likile kupila ona cwalo kamita. Cwalo kona mo Ni batela kupilela ni kushwa ona cwalo, kuli ni sepahale fela ni mutu kaufela.

<sup>169</sup> Musizana yomunyinyani natile ku na ha ki kale hahulu; musali yani haayo mo cwale. Tom Simpson, buñata bwa mina mwa mu ziba. Tom ki mucaha yomunde; hakuna ni yomukana wa sicaba sa habo yena babali mo. Ni sepa kuli sicaba sani sikutile, konji haiba Fred uteni mo. Ni... Fred Sothmann, Ha ni zibi haiba uteni mo kamba nee, kono Ni—Ni nahana kuli bateni mo. Kono Tom Simpson, bona... u zwelela kwa Canada ni—ni Fred. Mi bona bao... Mwa mu ziba Muzwale Fred, musepahali wa luna.

<sup>170</sup> Mi Muzwale Tom, buñata bwa mina mwa mu ziba mo. Mi Tom ki muuna yomunde; yena ki mushimani yomunde; mi ona cwalo ki mwa inezni Musala bo Simpson. Kambe uka utwa fela se Ni mu bulelela, uka zamaya hape ni yena. Mi uinzi mwa sipula sa mawili sani inza li sihole. Uka zamaya haiba uka eza fela sene si bulezwi kuli aeze. Mi mutualime fela ni kubona haiba seo ha

ki sa niti. Mwabona? Cwale. Kono una ni kueza sa na bulelezwi kueza haiba ukulubela ku si eza.

<sup>171</sup> Mi cwale alimuñwi wa basizana ba hae babanyinyani, basizana nyana babande... Ni... Hane ba sa li fela babanyinyani, Ne ni ba nanulanga kuba beya fa mautu aka ni kubapala ni bona. Se ba hulile hahulu cwale; se ba bata kuba basali sakata, lishumi, myaha ye lishumi ka zepeli za kupepwa. Mi kacwalo, yomuñwi wa bona na tile ku na mi ali, "Muzwale Branham, Ni bile ni tolo." Mi sa ni bulelala tolo. Mi ki hali, "Kana seo si talusa sikamañi?"

Se nili, "Hani zibi, Mulatiwa. Ni ka lapela, mi haiba Mulena uka ni fa yona, Ni na ku bulelela."

<sup>172</sup> Mi ali, "Ku lukile!" Mazazi nyana a yo kuta, ali, "Uamuhezi tolo yani?"

Se nili, "Awa, Mulatiwa, Hani sikabe kale; Ha si ka ipatulula kale ku na."

<sup>173</sup> Mwendi ka biki kamba zepeli kasamulaho ayo kuta hape, ali, "Muzwale Branham, kucwani ka za tolo yani?"

Se nili, "Hani zibi." Kihande, abonahala inge kuli na swabile. Na...

<sup>174</sup> Mwa hupula, ha mu ni kupa sika kaufela kuli ni mi bulelele, mi ha Ni si ka si amuhela kale ku Mulena, Ni ka swaba nina. Kono ha Nina ku ba muipi, kamba lihata, Ni ka mi bulelala niti. Haiba Uka ni bulelala, Ni ka mi bulelala; haiba Ha ni buleleli, Hanina kubulela. Kona fela ze Ni kona kueza. Mi Ni ka tokwa kuli mu ni lumele ka nzila yeo.

<sup>175</sup> Mi cwale, Ne ni hupula kuli ne Ni ziba sene italusa tolo yani mwa munahano wa ka, kono ne Ni zibile cwani. Nina ni kubona sika seo nina hape. Mi hakuna nihaiba alimuñwi wa mina yakona kusupa munwana wa mina ka nako ifi kaufela kamba sibaka sifi kaufela, ko Ni kile na mi bulelala toloko ya tolo ka Libizo la Mulena kono konji fela ze ne kumbahalile ona cwalo. Eeni, sha! Nali kuba Ni mi bulelele sika kaufela ka Libizo la Mulena kono kaufela zona li ezahalile luli, ka nzila ona yani fela, kakuli Ni—Ni... Ki Yena. Mi fo konakuli ha ki musebezi wa ka cwale, ki Yena; ki musebezi wa Hae.

<sup>176</sup> Se nili, "Talima, Trudy, kucwani haiba lu ya kwa Arizona. Mi kucwani haiba—haiba Ni taha ku to mi bulelala hane muzwile kwani, 'KISONA SA BULELA MULENA, munyana hao wa mushimani wa ya...?' Johnny yomunyinyani, yena ye Ni ezanga lisheha ni yena ka nako kaufela." Se nili, "Kucwani haiba uka hatiwa mwa mukwakwa? Mi Ni li, 'Wa ziba se si ka ezahala? Ba ka muhata mwa mukwakwa.' Mi wena utaha ku na, mi—mi u ka bulela kuli, 'Muzwale Branham...' 'Zamaya, muise ku Muzwale Branham,' nitaluse. Mi kipeto uka mu batabata kafa ni kafa, mi uka ni fumana inge ni yemi fa mapahamelo, ku ambola ni mutu

ya tinile suti yesweu. Mi cwale Ni ka beya fela mazoho aka ku Johnny yomunyinyani; uka zuhela kwa bupilo hape.”

Cwale, ali, “Konakuli zamaya kwa Wiko, mi taba ya pili mwa ziba, zazi u ka utwa bomaho inge ba huwa, bo ndataho inge ba huwa, mi amubone, mi Johnny yomunyinyani ba mu hata. Ki sikamañi sene mu kaeza?” Mwabona? Mwa ni lumela nji. Mwabona? Mi Ni bata kuli sepo ye cwalo ku na. Ni ka mi bulelela Hanina ku ku bulelela fela za kunuha fela; Ni ka mi bulelela niti, kamba kutokwe ni sa ku mi bulelela. Mi se Nili, “Mi uka taha ku kuna ni kubulela kuli, ‘Oh, Johnny yomunyinyani . . .’ Batili, utahe ku bo maho, ‘Oh, Johnny yomunyinyani ba mu hatile. U shwile! U shwile!’”

<sup>177</sup> “Dokota ataha, aapula meto a hae, kutatuba pilu ya hae, mubuyelelo wa hae. ‘U shwile. Amu muise kwa mochari.’”

“Ki sikamañi sene mu ka eza? Mu ka bulela kuli, ‘Mulibelete fela fa muzuzu! Mulibelete fela fa muzuzu! Na mu nanula mwa mazoho aka; halu kale kuzamaya.’” Amen!

“Uya kai, Trudy?”

“Hani zibi.”

“Ki sikamañi so nanuzi?” U nanuzi muzwale wa hao mwa mazoho a hao. Zwelapili fela ku zamaya mwa mukwakwa. Sicaba sili, ‘Kana musizana yani wa lyangana nji?’ Batili, sha!” Una ni zeli KISONA SA BULELA MULENA. Ki sikamañi se si ka ezahala?

<sup>178</sup> “Taba ya pili mwa ziba, mu bulelela bo ndata mina ni bo maa mina kuli, ‘Mulibelete, luka fumana Muzwale Branham. Uka yema fa mapahamelو ni ku ambola ku mutu yana apezi suti yesweu. Ki yani ya yemi fani. Mutualimele se si ezahalile.’ Musike mwa kakanya mwa munahano wa mina. Kuya kwani ni ku bulela kuli, ‘Muzwale Branham, wa ziba so no ni bulelezi?’”

“Eeni, Trudy. ‘Johnny, zuha!’” Tula mi u shetumuke u zamaye mwa nzila.

<sup>179</sup> “Kono kucwani hane Ni ka akaleza fela ni ku mi bulelela lika zeñwi ze Ni nahana fela kuli li lukile, ni ku mi bulelela ka buino bwa kuli, KISONA SA BULELA MULENA, mi kanti ha ki sa niti, mi mane ha si ezahali, hasina kuezahala; konakuli ne mu ka saba kuisa lifu ku mushimani yomunyinyani yoo. Nemusike kuziba kamba mumu tusize kamba nee.”

<sup>180</sup> Mulimu na ni lumile kwanu ku to mi tusa, mi Ni bata kuba tuso ku mina. Mi hakuna taba haiba sa pumaka, kuholofaza kamba kaufela mo siinezi, Nina ni ku si bulela nihakuli cwalo.

<sup>181</sup> Kono cwale ka taba ya linyalo ni telekano, Ni mi kupa sina muzwale, amulibelete kufitela muutwa kuzwa ku na. Muutwile? Muzwelepili ona cwalo mo mu pilezi. (Ni kanga nako yeñata hahulu fani.)

<sup>182</sup> “Ne lu nyalani myaha ye mashumi amabeli ka ulimuñwi kwa mulaho (eehe) . . . muatuli wa kuta.” Kezeli yomunde, Muzwale yomunde, nako yeñwi mulekisi wa muuna na ni bulelela kuli na keni mwa keleke (nali Mukreste) kwani kwa Connecticut kamba sibaka sesiñwi kwa ñambamo kwani, keleke yeñwi yetuna luli, akena fela ku yo lapela. Ne si kuli . . . Na li wa Pentekota, kono nakeni fela ku yo lapela. Mi abulela kuli hana keni mwa keleke akubama ni kulapela . . . ali nataha inza coba njinga, na katezi, ka mukwa wa bulutu, ki mulekisi wa pisinisi, mi ulekisa libyana, mi abulela kuli . . . kwa libaka ko ku pangiba libyana. Mi cwale a kena mwahali mwani ku—ku yo leka lika kamba zeñwi cwalo, mi cwale ki ha taha kwa keleke, anahana kuli, “Ni ka ya . . . Ni kene mwahali ku yo lapela.” Munyako u kwaluhile; uli na ilo kena. Na si ka utwa mutu kaufela, kacwalo akubama ni kulapela. Kasamulaho afeza kulapela kwani, aina mwendi hola cwalo, ali, ona fani autwa likwalo ze kwaliwa cwalo kamba nto yeñwi; na nahana kuli neli mulibeleti kamba nto yeñwi ya keleke. Ali, kasamulaho nyana a lemuha, ki ha kuta . . . A utwa mutu ya na bulela. A telela fani ni katalima, a talima kafa ni kafa kubona haiba neli mulibeleti. Neli muuna ni musali bene ba yemi kwa katala inge ba swalani mazoho a bona, bali, “Ni ka kunga, mulatiwa, kuli ube musala ka ya nyewi kuya ka mulao.” Mwabona?

Musali ali, “Na ku nga, mulatiwa, kuli ube muuna ka ya ni nyala kuya ka mulao.”

“Kiñi,” ki hali, “ye ki nto yenca,” ali, yo wa Pentekota, ki hali, “muuna yo ni musali ba nyalana kusina mukutazi.” Mwabona? Mi kacwalo aina felafafasi ni kulibeleti; mi kasamulaho bafeza buitamo bwa bona kuli baka pila ka niti ku yomuñwi ni yomuñwi, konji fela lifu kona le li ka ba kauhanya, ba kumbatelana mazoho azona, ba tubetana, ba sikuluha ni kuzwa inge ba menya. Ki hali, “Mulibeleti fa muzuzu!” Ki hali, “Nali kuba ni bone ze; Ni muenyi.” Ali, “Mina kuti mwa nyalana?”

Bali, “Eeni!”

“Kusina mukutazi?”

Ki hali, “Batili!” Ali, “Lu nyalani myaha ye mashumi amane.” Ki hali, “Ne lu nyalanezi ona kwa katala kwanu myaha ye mashumi amane kwa mulaho, mi mwaha ni mwaha kaufela lwa tahanga ku to ncafaza buitamo bwa luna.” Wani ki mulelo o munde. Mwabona?

<sup>183</sup> Kono kuya ka ku nyalana, ha u mu sepisa, unga manzwi a hao; unga manzwi a hae; mi kipeto ni Mulimu unga manzwi a mina bababeli. Mwabona? Kono usike wa sepisa sepisa fela konji luli . . . [Hakuna manzwi fa tepu—Mu.]

**343. Haba i kuta mwa . . . Ki ye mitelele—kana issali milili ye mitelele haba i pumela fa pata?** (Cwale, mulibeleti fa

muzuzu, mutuhele ni utwisise se fa.) **Kana isali milili ye mitelele ha ba...**

<sup>184</sup> Kihande, Ni—Ni... Mwendi ba talusa cwana kuli: “Kana isali milili ye mitelele ni ha ba ipumezi fa pata?” Batili ha isaliyo cwalo, esi ba ipumezi kwateni. Mwabona? Kono inge muuna yani yana kile a puma bulukwe bwa hae halalu kono ni cwalo ne isali bo bu kuswani hahulu. Kuti sikamañi? Kuti sikamañi? [Muzwale Branham uba ni ngambolo ni yomuñwi mwahala sicaba—Mu.] Oh, kona se ba bulela seo. Inge mo Ni evezanga lisheha ku musizana wa ka yomunyinyani, ki hali... Ki “manungo” kona mo Ni li bizezanga, mwa ziba, mikule, kamba kaufela zeo lili zona, mwa ziba, ona kfa pata fa.

<sup>185</sup> Kihande, Ni nahana banana bani baba kutanga milili ya bona fa pata... Mina, mwendi bo maa mina ba mi bulelezi ka zona, mwabona, haiba babata kueza ka nzila yani. Ni sepa kuli ika bonahala ka mufuta—mufuta nyana inge musali ya talima mwa siiponi sa kwa mulaho sa mota hasa fitelezi myaha ye mashumi amabeli ni ze ketalizoho za kupepwa ha ka ipumela fa pata cwalo, kubonahala inge mwana yomuñwi cwalo. Mu talimele ko muya, kezeli, isiñi ko mu zwa. Mwabona?

<sup>186</sup> Mi cwale, kono haili kukuta milili, Ni—Ni—Ni—Ni ka mi bulelala nto ye. Ha nikoni—Ha—Ha nina mane—mane nihaiba Liñolo leli bulela kuli mu yo puma kwateni yekuma fa mi yehanisa zeñwi. Ha—Ha nina Liñolo la zeo, Ha—Ha nikoni ku mi bulelala cwalo, kezeli, kamba muzwale, kamba ki mañi kaufela.

<sup>187</sup> Ni bulele nto iliñwi. Ne ni lakaza kuli... Cwale, Ni ziba kuli banake baezize cwalo ni bona, Rabeka ni Sarah, Neni bonanga hane ba pumela milili ya bona fa pata fa, ni ku iota kwa mulaho cwana, ni kupanga lika zani fa pata, sina cwalo. Na—Na hani, Na—Na... Cwale, hani ba hanisi. Mwabona? Batili, sha! Ku na, Ne ni ka lakaza kuli mane ne ba sa lukeli kubeyanga nihaiba sikele mwa milili ya bona ni hanyinyani. Kono hane ibanga ya mitelele, ha ilepelela cwana, kipeto ba puma kwateni fa pata a bona fa meeto, banana babanyinyani ni... Ha—Ha ni koni kuziba kamba sani sikona kuba...?... Hani koni kunahana cwalo. Mwabona? Ni... kono hamu ba ni... Haiba mwa kona, Ni... ku mina likezeli, Ne ni ka ituhela fela ona cwalo Mulena mwa i pangezi. Mwabona?

<sup>188</sup> Mi kaniti, Ni ziba kuli basali ba lata kubonahalanga hande; sani ki sibupeho, mi sani—sani kona se ba lukela kuba sona. Mwabona? Ba lukela kuba ona cwalo. Mi kacwalo, fo ku lukile, kono fela musike—musike... kusicwalo inge cwana, musike mwa bonahala inge lifasi (mwabona?); musike mwa swana ni lifasi. Lika ze maswe... Mu bata ku ikutanga kwateni, ona cwalo, kono musike kukuta milili ya mina cwale. Haiba muna ni manyeze a lepelela, kamba—kamba kaufela sesili mwa milili ya mina, mu ituhele ihule kuba ye mitelele. Musike mwa ikuta

kuli ibonahale hape inge lifasi. Haiba musali fela basizana baba nyinyani bao . . .

<sup>189</sup> Bo malume neba banga ni musizana yomunyinyani mwa—mwa New York. Nana ni milili yeminde kufitisisa. Neli ye mifubelu kuya kwa bunsu mi na latanga ku iota . . . Boma ne konanga ku . . . Milili ya bona ha i otile ne inatanga kwa mulaho wa mañwele a bona. Mi ni yena musizana yo nana ni milili ye cwalo ha i otile; libizo la hae neli Jacqueline. Mi na kamunanga siemba sa yonafafasi cwana ni ku ipumela sina cwana. Mi ne Nili . . . Mwendi seli myaha ye lishumi ka ye ketalizoho, ye eitini, myaha ye mashumi amabeli kwamulaho. Mi ne Ni komokanga, kuli kiñi ha na sa ikamunelangi fela kwa mulaho, neika bonahala hande kufita ku i eza cwalo, neku le inge ma Beatles ba kacenu mo ba ezeza mazazi aa, mwa ziba. Mi ni . . . Oh, yeo ki niti, Hani lumeli kuli Ne ni ka eza cwalo. Sika kaufela se si bonahala inge ma Beatles bani, sani si bonahala inge sa lifasi, kacwalo halu . . . mutuhele fela ona cwalo. Eehe!

**344. Bo muuna ka ni Na halu lumelelani ka za Bibele, ka Niti, inge ona Niti yo kutaza ye. Bona haba utwisisi. Kana Ni no yanga ni bona kwa keleke niha Ni sa lumeli tuto ya bona? Ni kataziwa hahulu ka taba ye.**

<sup>190</sup> Eeni! Haiba u musala muuna yoo, mi yena ha ku nyazi, hau—hau swaneli ku mu nyaza (mwabona?), kakuli muuna ukeniswa ki musala hae. Mwabona? Mi Na lumela, haiba u yanga kwa keleke yeñwi ya kopano kamba nto yeñwi ye cwalo, uka bata kuli uey ni yena kwani . . . Mwa bona? Haiba nji ha u ezi cwalo . . . Mwabona, hakuna se si ka ku holofaza, kakuli hauna kuteeleza ku ze ba ka bulela niteni, kakuli ubulezi kale kuli ha ulumeli ze ba kutaza. Mwabona? Konakauli halina ku ku filikanya, kono ubonisa fela likute ku muuna hao. U ipa ili wena ku yena, mi mwendi ni yena u eza ona cwalo, uka—uka ba . . . Hiba ba luta ni kuba ni lika zeñwi kwani . . . Wena ulutilwe zetuna mane ni kufita zeo; ube fela sina lizwai; uka bona ni kutaha ku Mulena. Na sepa Ne ni ka zwelapili. Mawi ha ki bunde, mutualime fa nako mose iinezi!

**345. Kana Zakaria 4 ni Sinulo 11:3-12, ibulela ka mutu ya swana? Bona Zakaria 4:12-14 ni Sinulo 11:4. Ba ñozi libizo la bona fateni, ki muzwale ni kezeli wa keleke yee.**

<sup>191</sup> Halu boneni, Zakaria 4. Oh, eehe, zani kona likota zepeli za olive. Eehe, likota zepeli za olive ni Sinulo 11 ki . . . Oh, eehe, yani ki yona. Taba yeswana. Zani ki zona zepeli. Yani—yani ki—ki Mushe ni Elia, kona likota zepeli za olive.

**Lapelela muhaesu . . . Yani ki kupo ya tapelo.**

Muni swalele, ye ha Ni koni kuibala fapila . . . I amana ni silikani sa lubasi. Eehe, beya yani hamoho ni ye faale. Hanikoni kubala zeo fapila sicaba. Ki litaba za kwa mukunda zeo, kacwalo—kacwalo . . .

**346. Muzwale Branham, kana ku fosahalile ku—ku . . . (Kana ibulela cwani ye? Kufosahala sikamañi? la Sunda? Kubeleka?) Kana ku fosahalile kubeleka la Sunda?**

<sup>192</sup> Kona Ni sa zo tatulula zeo. Haiba komu imwa musima, amu izuse mwateni, kono musike mwa ikasheza mwa musima kabomu kuli mu yo izusa mwateni la Sunda!

**Muzwale Branham, kana uka to kutaza kwanu ka la Sunda yetaha?**

<sup>193</sup> Yani ki puzo fela. Batili, Kezeli, Muzwale, yo ali yena kaufela. Cwale, ze ki zeñwi fela zene liteni mo. Mwendibile—libile mwateni, kamba yomuñwi na libeile mwa sibulukelo.

Muzwale . . . Se ki sa hao, Muzwale Capps. “Kana wakona ku opela kuli, *Haluna Kuhula Kusupala?*” Ni luukela kuba ni yona mwa . . . Ni nani zeñwi za zona ze kopani kopani.

**347. Muzwale Branham, kuna ni ya bata kuziba kuli kiñi ha u sika (b-u-l-e- . . .) bulela kwa Bibebe. Ni sepa kuli ki wena Habakuki 2:1-4.** (Bala seo, Muzwale Neville, Habakuki 2:1-4) **Haba bale seo mi ba si balisize, kauhanyo ya 3 . . . unahane ka libizo ni mifuta yemine ya likauhanyo, kulumela—Na lumela ki wena.**

<sup>194</sup> Cwale, ha sa bata yani, ki Habakuki 2:1-4. Muzwale kamba Kezeli, kamba ki mañi kaufela ya buzize puzo (hakuna libizo fateni), ku lukile, Na—Na lata ha mu buzanga lika zani. Ni zibe ze mwa lipilu za mina (mwabona?), mi kona Ni ka mi bulelela. Batili. Mwabona? Hamulukeli kuba ni libizo la mina mwa Bibebe ona cwalo mo libizezwa, mwabona. Kono, mwa bona, ibile fela mu mwa Bibebe, kuna . . . Ibile fela mu ku Kreste, muteni mwa Bibebe; muteni ku Yena, mwa bona, mwa Bibebe. Mwabona? Ibile fela muteni ku Kreste, konakuli muteni mwa Bibebe kaufela. Mwabona? Muinzi mwa sibaka sa mina sesitezi handende ha mu li ku Kreste. Kaufela mwa utwisisa seo?

<sup>195</sup> Kana uifumanu, Muzwale Neville? Cwani? Eehe. Habakuki—Habakuki . . . Hani si ka ibala. Se sibeilwe fela mwateni mo, Na sepa, kakusasana cwana. Habakuki 2:1-4. Kona cwalo. Habakuki 2—Habakuki 2, ni 1 kuya fa 4:

*Ni ka yema mwa sibaka, mi u ni tome fa tawala, kuli ni tokomele ni kubona sa ka ni bulelela, ni se Ni ka alaba Ha—Ha ni . . . ha Ni ka omanyiwa.*

*Mi MULENA a ni alaba, mi ali, Ñola pono, mi i zibahaze fa matapa, kuli ya i bala a akufe.*

*Kakuli pono yeo itomezwi fa nako nyana, kono kwa mafelelezo i ka bulela, mi kusina kupuma: ni ha ika liyeha, u i libelele; kakuli Ni ka taha luli, mi Ha nina kuliyeha.*

*Amubone, moywa hae o u nunekile ha usika luka ku yena: kono ya lukile u ka pila ka tumelo ya hae.*

<sup>196</sup> Kihande, cwale, Ni—Ni nahana yena mutu yomunde yo ya buzize taba ye... Mwa bona? Ki mutu ya ni lata, kusicwalo nasike kuñola cwalo. Mwabona? Cwale, Ha nikoni kubulela kuli za... Bibebe ha i buleli libizo laka—libizo laka, kuli *William Branham*, kamba kubulela libizo la mina kamba mañi kaufela, kono lu ku Yena nihakuli cwalo. Mi ba...

<sup>197</sup> Mi cwale, mwa bona libaka zeswana ze amana ni zona, mwa Bibebe, ze bulela lika zeñwi. Mwa bona? Cwale, haiba mu lemuha, za i kale za kutakutelanga mwa Bibebe. Mwabona? Cwale, lu mife fela Liñolo la taba yeo cwale. (Ni bona kuli buñata bwa mina muswelí mwa ñiola.) Cwale, mwa kauhanyo ya 3 ya Muñoli Mateu, Ibulela kuli, “Mi cwale Mulimu hana bizize Mwana Hae kuzwa mwa Egepita kuli kutalelezwe sene si bulezwi kuli, ‘Kuzwa mwa Egepita Ni biza Mwana Ka’...” Cwale, haiba muna ni—ni Bibebe ya Scofield kamba yeñwi kaufela ye mi supeza litaba hande, haiba muka latelela zani ze swanisizwe ku yona kwani, miñolo yani yamwa matuko, ika mi kutisa fani ha Na bizeze Jakobo, Isilaele, kuzwa mwa Egepita. Mwabona? Kono Jakobo neli mwana Hae ya Na biziwa kuzwa mwa Egepita; hape Jesu neli Mwana Hae ya Na bizize kuzwa mwa Egepita. Kacwalo (mwabona?) Linzwi la Mulimu ha li felí. Mwabona, lu itibahaza ili luna mwa Bibebe ka ze shutana... Ki babakai baba hupula tuto yaka ka za kuitibahaza ili mina ni mikwa ya Bukreste, Phoenix, Arizona, kone Ni kutilize kwani? Eehe, buñata bwa mina muna ni yona fa tepu. Mwabona? *Kuswana ni Mikwa ya Bukreste.* Mwabona? Mwakona kuitibahaza mina bañi kwa sika kaufela se mubata mwa Mañolo ao haiba mu Bakreste, mi haiba ha mu Bakreste, mwakona kuitibahaza ili mina mwa Bibebe. Mwabona? Kacwalo ni sepa kuli mwendi sani si ka tusa. Ni bata kunga amañata a zona mo Ni konela.

**348. Muzwale Branham, babañwi ba bulela kuli sishemo sifelile mi hakuna ya kona kupiliswa. Cwale, kana ki niti yeo nji?** (Ni tabile Ni nopile ye cwana.) **Lu tone ni kulapela... Lwa bonanga mwa mikoloko ya litapelo, mi kubonahala kuli babañwi ba sa fumana sishemo.**

Cwale, yeo ki puzo yapili, muna ni zepeli.

<sup>198</sup> “Kana sishemo sifelile?” Musike mwa nahana cwalo! Mwabona? Muzwelepili fela kueza lika kaufela zemukona kufitela mu ngiwa. Mwabona?

<sup>199</sup> “Lwa bonanga mwa mukoloko wa litapelo kuli babañwi ba fumananga sishemo.” Luli! Sishemo, minyako ikwaluhile. Mwabona? Ni sepa ko mu zusize taba ye, muhupulo o ukona kuba mwahali... Mwabona, Hanina nako kuli ni fe Mañolo ku yeñwi ni yeñwi kaufela mwa libaka zateni zeswanelia, (mwabona?), yeñwi ni yeñwi ya lika ze imwa libaka za zona

ze swanelo. Lina . . . Mwa mukoloko wa tapelo mu ka fumana sishemo, kaniti.

<sup>200</sup> Ha Ne ni ka ziba Jesu utaha musihali wa kacenu, Ne ni ka eza fela ona taba ye Ni eza ona fa (mwabona?), kutundamena fela ona cwalo. Sishemo si kwaluhile nako kaufela. Mwabona?

<sup>201</sup> Mi cwale, fo Ni sepa kuli mu i utwile, ki ka za kufeza Masika a Keleke Asupa ni Maswayo Asupa kuli apatululwe. Mwabona? Maswayo Asupa, li bonisa ze ezahala . . . se si ezahalile. Lusika lwa Keleke ya Busupa, lu kwa mafelelezo a Lusika lwa Keleke ya Busupa. Ha Ni bulela kuli *mafelelezo*, seo ha si talusi kuli kona yona hola ye, ona muzuzu wo. Mwa hupula, Bibele ibulezi kuli, kwa mulaho mwa linako za—za Mulena Jesu, Paulusi naize, “Kakuli nako i fakaufi.” Kana mwa ziba kuli neli nako yetetele cwani yani mwa nako ya Mulimu? Fani neli maabani. Nako ya ka, seli myaha ye likiti zepeli. Mwabona? Nako i fakaufi. Mwabona? Seo Mulimu abiza kuli *ki fakaufi* ha si swani ni se lubiza kuli *ki fakaufi*. Mwabona?

<sup>202</sup> Kacwalo muzwelepili fela kulumela, mutundamene kulapela, muzwelepili . . . Mulimu u sa na ni sishemo se si kwaluhile; muzwelepili fela ku cimbauka mwateni haiba mwa kona. Mulimu ki yena yaka tuhelisa ha se ili nako ya kutuhela. Mwabona?

**349. Cwale. Muzwale Branham, kana ki niti kuli hakuna ya lukela kukutaza konji wena fela? Lu muboni muuna wa—lu kuboni wena u mutu ya beilwe fa bukutazi. Luna lwa—luna ha lu lumeli kuli no ka eza cwalo kambe nekusina . . . haiba na sa lukeli kuli akutaze.**

<sup>203</sup> Sishemo! Muzwale, kezeli, kamba ki mañi kaufela ya mi bulelezi kuli hakuna ya lukela kukutaza konji na, Na luli ne ni kaba mutu ya shebile hahulu ku Mulimu ka kuba cwalo. Batili! Muuna kaufela kamba . . . ya ikutwa pizo ya Mulimu mwa bupilo bwa hae, kena mwa bulumiwa mi ukale ku kutaza; lwa ba tokwa.

<sup>204</sup> Baana ba Mulimu ba tozizwe mwahala lifasi kaufela kuli ba kutaze Evangelii. Mwabona? Na ni licwe nyana fela le liinzi fa likamba mwahala macwe amañwi amañata. Mwabona? Kacwalo Na . . . Kuna ni fela babañata baba swanelo, baba swanelo kuli, baba kona kukutaza hande kufita na; Na ni yomunyinyani fela, mutu ya ikokobelize yaliteni kwanu. Na ni kabek fela kalikañwi ka buloto mwa sishete. Mwabona? Kacwalo sani fela ki . . . Mwa ziba ze Ni talusa!

<sup>205</sup> Mutu kaufela ya bizizwe ki Mulimu uswanelo ku kutaza Evangelii.

**350. Kana Mukreste ukona kukena cwani ka butungi mwa lilato la Mulimu?**

<sup>206</sup> Bala Linzwi ni kulapela. Bala Linzwi la Mulimu ni kulapela. Ni ka akufa, kuli ni alabe zeñata mo Ni konela.

**Neni ñozi puzo yeñwi, kono ne ibuzizwe ka (m-a-f-o-...) mafosisa. Ni bata kuziba haiba ukaba ni sebelezo ya foliso usika zwa kale mwa tolopo. Haiba haku cwalo...nina ni kueza...Ni be ni ngambolo ya kwa mukunda ni wena?**

<sup>207</sup> Cwale, ni bulele cwana, Ni sepa kuli mutu yo naliteni mwa litaba za lipuzo ni likalabo za kwa mukunda kakusasana kacenu. Kakuli, neluna ni sebelezo ya foliso; lubile ni sebelezo ya foliso hape.

**351. Muzwale Branham, shangwe aku tatulule Makorinte Bapili—Makorinte Bapili 11—11, ni timana ya 4 kuya fa 6. Kana ye ha italusí kuli (k-a-...) kauhano—kauhano (s-a-...) sapalo kwa milili, kamba milili yemitelele fela kona sapalo se lutokwa nji?**

<sup>208</sup> Amu ni apulele pili Makorinte Bapili 11. Halu boneni, Makorinte Bapili 11:4. Ibulela kuli, “Hamu lapela...” Oh, eehe, ha... U ifumanfa. U bulela kuli, “Ha ku lapelwa ni kupolofita, kana lube ni milili ya luna—kana lube...” Halu boneni, kuna ni mulaini o lalilwe fateni.

**Ha ku polofitwa—haku polofitwa, lwakona kuba ni milili ya luna ha lu...Haiba... Ubulezi kuli: Kana luno tinanga milili ya luna kamba ku i tubula kwateni ha lu polofita?**

<sup>209</sup> Haiba muna—haiba muna milili ya kushangela, mwakona ku, kono Ni—Nika...kamba kutina yeñwi ya milili ya ba Beatle yani, kamba nto yeñwi, kono... Hane Ni ka talima hande ku yeñwi, Ne ni ka tina yeñwi kambe ki na, kono ki...isiñi milili ya ba Beatle, kono kuwani—kuwani ya milili.

<sup>210</sup> Kono yeo ki niti. Haiba hamuna milili mi mubata kuli mube ni yona. Haiba mwakona kueza cwalo, fo konakuli kuiketile luli. Eeni, sha! Haiba musali, milili ya hae ha ki ye mitelele hahulu, ubata kushangela kwateni milili ku yona, Ni ka bulela kuli, shangela kwateni, Kezeli.

<sup>211</sup> Haiba muuna ukulanga katabi ni zeñwi, mi ubata...mwa nzila yeñwi...nihaiba kwa mubonahalelo ku musala hae, haiba ubata kutinanga kaemba sa milili kwa toho, haeze cwalo. Eeni luli. Hakuna se si fosahalile ni seo (batili, sha!) kuswana fela inge hane mukaba ni meeno a mina, kamba lizoho la kutina, kamba sika sifi kaufela. Haiba za taho li—mi amuhile nto yeñwi mi kuna ni se mukona kuyolisa konakuli kuiketile muzwelepili, seo si lukile hande.

Kono ibulela fa kuli, “Kana luno tubulanga milili ya luna kamba kutina ona cwalo ha lu lapela ni kupolofita? Kana se sitalusa sikamañi luli?”

<sup>212</sup> Ku lukile, bala, Muzwale Neville...neli 4—4 kuya fa 6, ku lukile, ku lukile.

*Muuna kaufela ya lapela kamba kupolofita, . . . ni toho ya hae inge i apesizwe, u shubula toho ya hae.* (Fo kikuli, haiba una ni milili yemitelele. Ku lukile.)

*Kono musali kaufela ya lapela kamba kupolofita ni toho ya hae ye si ka apeswa u shubula toho ya hae: . . .* (Yani ki muuna hae.) . . . *kakuli kuswana fela inge ha na ka beula milili.*

*Kakuli haiba nji musali ha sina sapalo kwa toho, konakuli a beulwe: . . .* (Haiba ubata ku pumela milili, konakuli a ikute kaufela yona kakoloti. Mwabona? Haiba ha na kuba . . .) . . . *kono haiba ha ki maswabisa kuli musali kuba—kuba maswabisa kuli musali abeule kamba ku kuta, konakuli a i kapese.*

<sup>213</sup> Hani boni butata ka za kutina kamba kutubula milili yeo, konji haiba musali ubata . . . Muuna ha ka li, haiba musali ukali ubata kubeula kwateni, konakuli hanti a ibeule kwateni kaufela yona kueza kakoloti. Mwabona? Kakuli haiba haezi cwalo, konakuli aipulukele milili ya hae; kakuli milili ya hae kona sapalo sa hae. Kono ku muuna kuli a apese toho ya ahe, ni milili ye mitelele inge musali, ali kuyema fa katala, uka bonahala inge musali fani. Mwabona? Konakuli ha swaneli kuba ni milili cwalo. Mwabona?

<sup>214</sup> Sani ki—sani si talusa kuli wa tinanga milili kamba kuitubula . . . Ni sepa kuli mutu yo mwendi u lyanganehile kuli sani si talusa kuli—kuli muuna ya polofita inza apesize toho ya hae, mi kipeto atubule kuwani ya hae. Mwabona? Batili. Fo ha kutalusi una ni milili yemitelele, ku talusa kuli, haiba u ikapesize . . . Cwale, mubale kushetumukafafasi nyana, mina baba buzize puzo ye, mi mu kafumana kuli toho ya musali ki muuna hae. Ki babakai baba ziba cwalo? Mi ni toho ya muuna ki Kreste; kabakaleo, muuna uswanelia kukuta milili ya hae bakeñisa Kreste, kakuli ku Yena kuna ni zepeli zeo ili muuna, musali, ni zeñwi kaufela. Yena ki ndate, ki me, ki kezeli, ki muzwale, kaufela. Kono ku muuna ki za buuna fela. Kabakaleo, uswanelia ku i beula kwateni bakeñisa Kreste; kono ku musali za busali fela, kacwalo wakona kutina sapalo sa hae; kakuli muuna hae ki yena yali fahalimwa hae. Ki yena mulena hae, mubusi wa hae; kacwalo he, uswanelia kuba ni milili yemitelele.

<sup>215</sup> Mi cwale haiba musali ubulela kuli uswanelia, una ni ku ibeula kwateni, konakuli mutuhele a i beule. Mi ibulezi kuli, haiba ki maswabisa kamba kashwau kuli musali, ya lukela ku bonahala bunde, ni kubeula kwateni millili ya hae kaufela, konakuli kanti abe ni sapalo sa hae kwa toho; konakuli abe ni milili yemitelele kanti. Mwabona? Kacwalo ki . . . Mañi kaufela . . . Kaufela li tolokilwe? Ni talusa kuli, kana ku utwahalile sha? Muli, “Amen!” haiba ku cwalo, kuli mu utwile. Mwabona? [Puteho ya alaba kuli, “Amen!”—Mu.] Ku lukile.

**352. Muzwale Branham** (Luna ni fela mizuzu ye lishumi cwale.)—**Muzwale Branham, luna haluna mukutazi ko lupila, kono lu banga ni sebelezo ya kuteelezanga fela kwa tepu busihu la Sunda. Kikuli luise bana ba luna kwa keleke yeñwi yena ni sikolo sa la Sunda? Kamba lisebelezo za tepu li likani ona cwalo?**

<sup>216</sup> Kihande, seo sibe kuya ka bana ba mina mo ba zamaela. Mwabona? Cwale, haiba muisa bana ba mina, ki ba banyinyani; mi ha mu ka baisa mwa sikhata sesiñwi kwande kwani, sika ba beya fela lika zeñwi za kuli—ze basa—ze basa lukeli kuziba; Na hanikoni kueza cwalo. Haiba ba bonahala—haiba ba bonahala kuli baituta hande kwa tepu ni zeñwi... Mi mina, muli, mu ba beya mwa keleke ya Katolika, mu ba isa kwa keleke ya Katolika, ku baisa kwa nto ye cwalo; Hanina ku mi eleza kueza cwalo. Mwabona? Haiba baeza cwalo...

<sup>217</sup> Kono cwale, haiba muna ni keleke yenyinyani yende kwani mwendi ha i lumelelani ni mina ka lika zepeli kamba zetalu, mi bana ba mina ba tabela kuya kwa sikolo sa la Sunda, ki batu ba Evangeli yetezi, kamba nto yeñwi, kihande, fo kipeto ku iketile. Kono mwabona, kono hamuka fita fa sibaka fa kuli... Ku itingile ka mo bangela lika bana ba mina. Mwabona? Mu tokomelange se baeza bana ba mina, sikamañi, mo ba ipeela kwa lika.

**353. Halu boneni. Haiba ha una keleke kwa ku ya, kana ulukela kuteeleza fela kwa matepu nji?**

Eeni! Yani ki... Nika li—Ni... Seo sikona kuba fela hande.

**354. Kana bana ba mina ba lukela kuba ni kutwisiso fa kuba ni Moya o Kenile? Haiba bao—haiba—haiba ba bona Liñusa la nako ya mafelelezo, konakuli bana ni Moya o Kenile nji?**

<sup>218</sup> Mañi ni mañi uswanelia kuba ni kutwisiso! Bana ba mina habakoni kuya ka nzila yeñwi haisi ka nzila yemu kaya ka yona ni mina. Mwabona? Ba lukela kupepwa sinca. Hakuna baikulu mwa Mubuso wa Mulimu; kaufela bona ki bana. Ba lukela kuba ni ona, ba swalena kuba ni kutwisiso ni Mulimu kuli ba yo kena, ona cwalo fela inge mina. Cwale Na sepa Ni nge ni ye. Ki...

**355. Mulatiwa yomunde:** (Halu boneni.) **Ka Liñolo la Maefese 4:11 kuya fa 13, kana kaufela luna** (Halu boneni.)—kana lwa fumana kupetahala ka kutala kwa baba kenile fa matepu, kamba luno banga kwanu, ili ko kuna ni limpo za Moya ze beleka ka liofisi ze shutana za keleke, ku lutusa kuli lupetahale? Lipilu za luna li lumezi Linzwi la Mulena kaufela.

<sup>219</sup> Cwale mutu yo uzwa kwa Oregon. Cwale, mulikana ka... Na sepa Na mu ziba yoo. Mwabona? Ki... Oh, eeni, Na mu ziba, kaniti Na mu ziba. Wena—wena mushimani wa hao... Haiba mutu yo uteni mo, Na ziba uteni... Haiba ha uyo, ikona kuba mwendi Sunda yefelile. Mwabona? Ye mwendi izwile ku

zene liteni la Sunda yefelile. Kono mwana mina—mwana mina u zamaisa za tokomelo ya lika, mwabona, mi ki . . . yena u zamaisa za . . . Ki wa . . . Ni sepa kuli ki yena yana ni melile ku yo zuma likwalata mwa Oregon, kwani . . . Mi Ni sepa kuli yeo ki niti. Cwale, Na mu ziba mutu yo ka liñolo la . . . mi kacwalo . . .

Batili! Ubata ku taha kwa keleke kwanu kwa ku petahalisa lika. Mwabona? Kuli lu—lu be ni kopano ku yomuñwi ni yomuñwi kwa keleke kwanu, kono kupetahala kutaha mwahala luna ni Mulimu. Mali a Kreste kona a lu petahalisa mwa Moya o Kenile.

<sup>220</sup> Cwale, mwa keleke bali, “. . . kuna ni limpo zebeleka.” Cwale, haluna limpo zeñata ze beleka kwanu, kono luna ni zeñwi za zona. Luna ni mpo ya malimi, ni—ni mpo ya sipolofita (zepeli kamba zetalu za zona).

<sup>221</sup> Ni sepa kuli Muzwale Higginbotham kwanu, kamba u inezi kai kaufela, una ni mpo ya kubulela ka malimi. Mi luna ni Muzwale Junior Jackson ni luna, mi wa bulelanga ka malimi. Mi hape luna ni batoloki bababeli kamba babalalu. Muzwale Neville kwanu hape, mulisana wa luna, wa bulelanga ka malimi mane fokuñwi ni kupolofita, mi ni Mulena u mutiseza zona fahalimwa hae . . .

<sup>222</sup> Ka zazi leliñwi fela na bulezi nto yeñwi. Na lizize luwaile mwa ndu mone Ni inzi, kwa na polofitezwi mutu yomuñwi, aba bulelela kuli muuna yani wa cakolwa naka—neku kaba cinceho yetuna ku yena ona fani kamba nto yeñwi ye cwalo. Mi muuna yani uwile mwa Bundalabangwana bwa Macwala a shutana, ka za kukolwa, mi ka mazazi a eza sikisite eiti ha si ka swala nihaiba ze kola, kamba mane kutokwa nihaiba mulyani wa nwile ka zona, kamba sika kaufela. Yani neli Muzwale Neville yana mu polofitezzi.

<sup>223</sup> Kacwalo lu na . . . Luna ni zeñwi za limpo ze beleka mwahala luna, mi lukaba baba tabile ka kukopana ni yomuñwi wa mina kaufela, yana ni nzila, ye mubeleka ka yona, kamba ya bata ku to lapela ni luna, sika kaufela se lukona kueza, lu tabile hahulu ka zona. Mwabona? Kono cwale ku petahalisa kuzwa ku Kreste.

Cwale, halu boneni, mwendi iliñwi fela kamba zepeli.

**356. Muzwale Branham, kikuli wakona ku tatulula siswaniso sene si kopilwe ki Muzwale Arganbright? Puzo yapili: ya bubeli ka za—ka za siswaniso fa limota, liseli leli ku potolohile, sikwenda, ni zeñwi cwalo.**

<sup>224</sup> Kihande cwale, Ni ka mi bulelela. Ba ñozi libizo la bona, mi ha bayo mo cwale. Lwa li utwisisa. Ki Muzwale ni Kezeli Jackson kuzwa kwa South Africa; ba kutile. Kacwalo lwa utwisisa zeo; lu tatuluzi kale zeo.

**357. Kana keleke ikaba lili . . . Kana keleke ikaba lili ki mañi yane . . . yana (e-z-i-z-e . . .) shwile ka nako ya nyandiso**

**ya balumeli ni zuh... baba ka zuha? Kana ni bona baka libeleta kufitela zuho ya ba bamaswe? Kana baka pila hape ni mwa nako ya puso ya Mileniamu?**

<sup>225</sup> Cwale, yani ki puzo yende. Itokwa nako luli kufita mo Ni kona kuba ka yona, kono bakeñisa fela kuli Ni kone kuba... Mwabona? Hani sikaba... Nina ni libunda nyana cwalo kuzene Ni kalile kakusasana cwana, neli lihola zepeli. Ki zeñata hahulu hamukoni ku lifeza. Mwa bona? Mi ni bata kunga zeñata ka mo Ni konela, hani li boni fela kuli likai. Ni ziba kuli kuna ni zeñwi zende mwateni hape ze lukela ku zibahala, inge peu ya noha kuli itolokiwe, ni zeñwi; kono Ni ka akufa ni kukena ku zona kapili luli.

<sup>226</sup> “Kana keleke bene ba shwile ka nako ya nyandisa ya balumeli (mwabona?) bakaba mwa zuho nji?” Zuho ya bubeli, zuho ya bubeli.

<sup>227</sup> “Kana kikuli baka ni bona baka libeleta zuho ya ba bamaswe?” Baba lukile ni ba bamaswe baka zuha ka nako yeswana.

<sup>228</sup> “Kikuli baka pila hape ka nako ya puso ya Mileniamu?” Batili! Mi bafu baba siyezi ne ba si ka pila kuisa mafelelezo a myaha ye eza sikit. Cwale, yani ki kuswani luli, kono Na ziba luli...

### **358. Kana fa Paulusi utalusa sikamañi hali tukuluho ni ku tamuluha ku Kreste? Kana tukuluho i shutaneli kai ni mulao?**

<sup>229</sup> Kihande, ha mu si ka tamwa ka mulao. Lubulele, ka mutala, ki nto yeswana; Ni ka tatulula ka nzila ya nama, kapili. Ka mutala, kwanu ibulela kuli, kuzamaya mwa mukwakwa, ka limaili ze mashumi zetalu fa hola ka mo ku konahalela. Ku lukile cwale. Cwale haiba Ni ya mwa mukwakwa ka limaili ze mashumi amane ka hola, Ni nyaziwa ka mulao. Kono haiba Ni ya ni shetumuka mwa mukwakwa ka limaili ze mashumi amalalu fa hola, Hani yo mwataswa mulao. Mwabona? Yani ki tukuluho ku Kreste (mwabona?), ki taba yeswana.

<sup>230</sup> Ha mu si ka ka tamwa ka mulao ibile fela... Haiba ha Ni uzwangi, kupuma, kuzuba, kueza boozwa, lika zeñwi kaufela zani, Hani yo mwa tamo ya mulao. Mwabona? Ni lukuluhile kuzwa mwa mulao; Ni inzi ku Kreste.

### **359. Kana u utwisisa sikamañi ka za kupepa bana kusina kutatamanisa?**

<sup>231</sup> Ne nina ni zeñwi zecwalo mwa lipuzo ni likalabo za kwa mukunda kakusasana kacenu. Ni ka tabela kuli ni ikambote ni—ni wena lu bababeli fa lika zeo (mwabona?), fa lika zeo cwalo, kakuli kuna ni manzwi ni lika zeñwi ze Ni lukela kubulela, zeo Ni... Ne ni ka tabela kubulela zateni fapila muuna ni musala hae...

<sup>232</sup> Mi kuna ni zibo yetezi kuli li ka ezahala ka nzila yelukile. Ni ka bulela, hape, ku bababeli kaufela. Kuna ni mazazi amañata hahulu mwa bupilo bwa musali ha siyo kwa kweli. Mwa utwisia? Ku lukile. Kiñi . . .

<sup>233</sup> Cwale, fokuñwi kwabanga kuli—kuli mwana uka bulaya musali; haiba una ni mbututu uka mu bulaya. Ni wena ubata kubona zani. Mwabona? Kacwalo mutokomele fela zani hande cwale. Mwabona? Mwabona, fani ki kutisa bupilo, kacwalo kisona se mu beezwi mwa lifasi kuli mueze.

<sup>234</sup> Haiba nji musala hao ki wa kukula kula, mi kipeto ni yomuñwi, mwana fateni, uka mu bulaya fela, Na—Na—Na hanikoni kueza cwalo. Hanisepi kuli Mulena ubata kuli mueze cwalo. Haili mina—mina kwateni mutahe kuna ka butu fa litaba zeo; mube ni zona kwa lipuzo za kwa mukunda. Aluboneni kuli ni ambole ni mina ka butu bwa mina (mwa bona?) mi Ni kona kutwisia . . .

<sup>235</sup> Mwabona, mutu ka lwa hae, Na kona kuziba haiba wa ni puma kamba nee. Mwabona? Bani bulelelanga lika zeshutana. Neku kaba hande kuli ni ku bone . . . Mwabona? Kakuli ha miu ka libeya fela cwana, hamu zibi. Kakuli ki mutu fela anosi ni lika zecwalo; Na kona ku ziba, haiba wa bulela niti kamba nee. Mwabona?

**360. Kikabakalañi cwale—kikabakalañi cwale Satani ha ka tamululwa fa nako nyana kasamulaho wa myaha ye likiti ya Sinulo 20 ni 3, ni Sinulo 20:27?**

<sup>236</sup> Kiñi za ka tamululelwaa? Ki kuya kwa ku yo kopanya sicaba sa hae mwa zuho ya bubeli, kakuli Satani una ni kuyema fa—fa pila katulo. Mwabona? Una ni ku atulwa.

Oh mawi, ye ki—ki buka yetezi zona fela. Hani lumeli kuli . . . Mi ki le fa liñolo leliñwi lelitezi zona. Aluboneni ninge yeñwi ka kuakuufa ka pili, luli, fa cwale.

**361. Muzwale Branham, shangwe tatulula Likezo 9 timana ya 7 ni Likezo 20—Likezo timana ya 22.** (Kana wakona ku ni fumanela yona, Muzwale Neville.) **Shangwe tatulula Likezo 9 timana ya 7.**

<sup>237</sup> Cwale, hasweli kubata sani, Ni ka bona haiba Ni ka kona kunga yeñwi kapili. Kana mwa katala nji? Naziba mwa katala.

**Shangwe tatulula kunutu ya kucinciwa kwa Munyaliwa. Mo ika ezahalela ni kuli ki kai, sibaka, ko kuya Munyaliwa.** Kana zeo ha ki lipuzo zende nji? Yani ki yende luli. Ne ni ka yema fela fa musihali . . .

[Muzwale Branham wa alaba puzo 361—Mu.] Fa muzuzu fela cwale, timana—timana . . . Likezo 9 timana ya 7 (ni itumezi, Muzwale Neville)—9 timana ya 7:

*Mi muuna ya zamaile ni na ayema kusina sa bulela, ha utwa linzwi, kono atokwa kubona mutu ni yomukana.*

<sup>238</sup> Cwale, Na ziba ko maya. Mwabona? Cwale, sibaka sesitatama ibulezi kuli neba...ka kushutanisa. Cwale, Ha—Ha ni zibi sene si ezahalile. Hani koni fela ku mi bulelela, kakuli sibaka se si tatama se ne ba utwile. Pili, ne ba si ka li bona, mi sibaka se si tatama, ne ba si boni kono ba tokwa ku si utwa. Ki babakai babakile ba bona fateni taba yeo mwa Bibe? Na ni iboni fateni, mi ha Ni koni ku itatulula. Mwabona? Na...Mulena uka ni patululela yona. Ni—Ni mi bulelezi fa nako nyana yefelile, Ni lukela kuba ya sepahala ni mina. Mwabona? Ha ni zibi. Muni swalele. Haiba Ni—haiba Ni palelwa ku itatulula, Ni kaba ya sepahala hahulu ni ku bulela kuli Ha ni koni. Kono Hanina—Hanina ku i swala hani—hani sa i zibi.

<sup>239</sup> Ha nikoni ku tatulula yeo, kakuli mwa sibaka sesiñwi ili ne ba boni Liseli kono ba tokwa ku utwa Linzwi, kamba nto yeñwi ye cwalo; mi sibaka se sitatama, neba boni fela...neba utwile fela Linzwi kono ba tokwa kubona Liseli. Ha nikoni kutatulula zeo. Mwabona? Hani—Hani zibi sene si ezahalile, mi ha Ni na kuziba kufitela Mulena aka ni patululela; mane inge mo Ni sa koneli ku mi bulelela ka za linyalo ni telekano. Ne ni sa zibi kufitela ha Na ni patululezi yona.

<sup>240</sup> Mi mane nihaiba kakusasana cwana, Mulena Mulimu, Mubupi wa lihalimu ni lifasi uziba kuli ye ki niti, kakusasana wa kacenu U felize taba yani kaufela, ka kuni buleleza linyalo ni telekano. Yani ki niti. Lani kona libaka ha Ni bulela kuli, mutuhele ni li nge kaufela lona. Kubatisisa...

<sup>241</sup> Iliñwi ya lika zani zeswana sina peu ya noha, hane i filwe ku na, Ne—Ne ni si ka ibona, hakuna; kono Ne ni tundamezi kulatetela sani, mi taba yapili mwa ziba...Konakuli muna ni kuya kwahule mina kasibili, mi cwale Moya o Kenile wakala ku li kwalula. Cwale, Ni bata kuli mutu alike ku si nyaza cwale. Mwabona? Hakuna yakona kueza seo.

### **362. Shangwe tatulula kunutu ya kucinciwa kwa Munyaliwa.**

<sup>242</sup> Ki cincheho fela, mwabona, mibili yaluna. Cwale, lu buleleni kuli ki *yaluna*. Mwa ziba se Ni talusa ha Ni bulela sani? Hani talusi kuba ya na ni kashwau ku za bulapeli. Hani talusi kubulela *yaluna*; Hani talusi kubulela kuli ki keleke ye; Ni talusa kubulela mulumeli ufi kaufela.

<sup>243</sup> Abrahama, Na libelela mwana wa sepiso, yana sejisizwe ku yena. Ki niti yeo kana? Mi ni Keleke ilibelezi Mwana wa sepiso. Munyaliwa (kana ki niti yeo nji?), Munyaliwa ulibelezi Mwana wa sepiso.

<sup>244</sup> Fani mwana wa sepiso asika taha kale ku Sarah ni Abrahama, mibili ya bona neina ni kucinciwa. Ki niti yeo nji?

<sup>245</sup> Musali na supezi hahulu kuli abe ni mbututu. Na sina misinga ya mabisi mwa mazwele a hae; mazwele a hae na sa omelezi. Mba ya hae ne i sa pepi; na li muumba. Nasakoni kuba ni mwana; pilu ya hae ne se isupezi maswe kuli a yemele butuku

bwa kupepa. Kacwalo kiñi se ne si ezahalile? Mulimu amu cinca kukutela kwa musali yomunca. Mi A eza cwalo ni ku Abrahama taba yeswana, kakuli Na bulezi kuli mubili wa hae no swana fela inge wa mutu ya shwile. Mwabona? Mi Na bile ni kucinca mibili ya bona kuli ba amuhele mwana wa sepiso.

<sup>246</sup> Mi ni luna halukoni ku amuhela Mwana wa sepiso ya sejisizwe ku luna kacenu mwa mibili ye yelupila ku yona; mibili ye ki sibi.

<sup>247</sup> Lizwalo la pili le li zamaisa mibili wo ka kubona, kulwaza, kuswala, ku nunkelela, ni kuutwa, mi li lu tibela hahulu kwa lika; lwa nahana ni lika zeñwi kaufela. Kono mibili o munca wani, o zwelela ku o pepilwe sincia (isiñi lizwalo la pili le, le lika fela) . . . Ki sani sa mwahali kona se si pila. Mañi ni mañi mwa utwisisa, muli “Amen!” [Puteho i alaba kuli, “Amen!”—Mu.]

<sup>248</sup> Haki za kwande ze za kubona, kulwaza, kuswala, ku nunkelela, ni kuutwa. Ha ki zeo. Li tamehile kushwa mi lika shwa, kono siemba sa mwahali ku mina, mwahali moo, mwahali, mwani kona luli, mokuna ni mutu ya sa koni kushwa. Mwabona? Mi yani ki yena mutu yo bupilo bo bunca bukala ku yena, kuzwa mwa kupepwa sincia kwa; mi li bupa mutu yomuñwi ya mwa sibupeho sa mutu yo muli yena, kupotoloha bupilo bwani. Mwautwa kana?

<sup>249</sup> Kacwalo mo kuinezi ki za mwahali mo, mi kana ki sikamañi? Linzwi leli sejisizwe kusikaba kale mutomo wa lifasi. Ni mwahali mwani, se fela si bonisa za kwande; sani si ka bonisa za niti, Linzwi. Mwabona? Mi taba yateni ki kuli. . . Kamba, kucinciwa kwa Munyaliwa ku kaba taba yeswana. Linzwi le li inzi ku mina, mibili uka tamahana kwa Linzwi lani, mi kona taba yeswana yene ezahalile ka Sarah.

<sup>250</sup> Kwamulaho. . . Mwa mibili wa kale wana nani wani, ona mibili wapili wani, nona ni kucinciwa kuli utahise mwana. Mwautwa kana? Mibili wani no si ke wa kona kupeta zani. Mibili wo haukonni kupeta zani, kona kuli una ni ku cinciwa ka nzila yeswana kuli u amuhele Mwana.

### **363. Kana li ka ezahala cwani, mi cwale ha ku . . . kikai . . . kikai ko ku kaya Munyaliwa?**

<sup>251</sup> Li ya kwa Kanya, kwa Lihalimu kwa Mukiti wa Linyalo, ka mufuta fela oswana ni Isaka ni Rabeka, fani Rabeka hanai lo kopana ni Isaka. Muhupule Eliezare, u yemela cwale liñusa lene li zwile ku Abrahama, Eliezare la ku yo bata munyaliwa wa Kre. . . wa Isaka. Na fumani Rabeka yomunde mwa nako ya manzibwana hase ku batile, musizana yomunyinyani wa litalo le li nsu, ataha ni ndondo ya kukela mezi fa toho. Mi Eliezare alapela, ali, “Mulena Mulimu, ni fe musipili o munde cwale ni punyuho ku mulena ka, Abrahama.”

<sup>252</sup> Mi ki hali, “Zamaya, usike wa mu zusa mwahala Mafilisita; usike wa mu zusa mwahala bao.” Uzwele kwa sicaba sa habo,

kubonisa kuli Munyaliwa wa Kreste ni Kreste kuna ni sihabo ka mali, kakuli Rabeka ni—ni Isaka nebali bana ba malumaa bona ya swana.

<sup>253</sup> Mi kacwalo ba shetumuka, mi yena Rabeka yomunde yo ataha ku to ka mezi; mi a lapela; ni kufa mezi kamele ni zeñwi kaufela. Mi cwale, muka lemuha kuli Rabeka nana ni... Keto ya mafelelezo neina ni kutaha ku Rabeka. Na kupile bo ndatahe ka musizana; na kupile ni bo mahe ka musizana; mi hakuna yana lumezi. Neba bata kuli aine ni bona fa nako nyana. Ki hali, "Musike mwa ni tibela fa musebezi wa ka."

<sup>254</sup> Mi Rabeka nana ni kupanga buiketelo, kakuli na bulezi kuli, "Ki ya hulile; ha i kezeze keto ya hae."

<sup>255</sup> Mi ona fani hane kubile cwalo ku yena, kapili muhupulo wa hae wa cinca; mi hali, "Na ya." Mi ki ha pamaha kamele ni ku yo katanyeza... Mutualime, yona kamele yeswana yana file mezi ki yona kamele yeswana yene muisize ku munyali wa hae ka bunde bwa hae. Mi yona kamele yeswana, ona mata aswana ani (sona sibatana sani mwa Bibele si yemela mata kamba puso)... Mi ona Mata a swana e lu fa mezi ni tumbo ku ona kuli (Amen! Mwabona?), mezi, bupilo, tumbo kwa, Linzwi, kona taba luli ye ka luisa mwa na ha ya Kanya ku yo katanyeza Munyali. Eeni, sha! Amen!

Ni libelezi kutaha kwa lizazi lani leli kanya la  
Mileniamu;  
Fo Mulena luna ya fuyozwi ha ka taha, ku to  
nga Munyaliwa wa Hae ya libelezi.

<sup>256</sup> Mi muhupule, Isaka na zweile mwa tende mi na yemi kwande mwa simu mwa musihali wa manzibwana. (Amen!) Fani ha bona Rabeka inza taha... Mi yena na si ka mu bona kale fateni, kono neli lilato ka mutualimelo wa pili. A ba mwa lilato ni yena mi ni muuna a mu lata, mi mane na ikapesize. Amen! Oh, mawi!

<sup>257</sup> Mi mutualime, fani hana mu boni, pilu ya hae neitezi hahulu tabo. Na sa zibi yana ka yo nyalwa ku yena, kono ka tumelo. Amen! Mi—mi—mi muhupule, Jesu uka siya Mubuso, mi haluna ku Mu katanyeza mwa Kanya, luka Mu katanyeza mwa mbyumbiyulu, mwahala lihalimu ni lifasi, ko ku bapukile kuli a lu liulule. Mi akatanyeza Rabeka fa halili hali, mwahala ndu ya hae ni ndu ya hae. Amen! Amuisa mwa ndu ya hae, ni ku mu nyala, ni kuyola lika kaufela za na nani ndatahe. Amen! Oh, kupetahala, ki kupetahala fela. Ku lukile.

**Puzo: Kana Mulimu wa kauhanyanga muuna ni musala hae mwa...**

<sup>258</sup> Ni—Ni sike ba i bala ye. Mwabona, mwabona? Ki ya—ki ya... nikona kubulela linzwi. Mwa bona? Na mi ziba mina kaufela, kono ze—ze—se sa tepiñiwa (mwa bona?), kacwalo Ni—Ni sike na i swala. Ki nito yeñwi ka za... Mutu ya na i ñozi, mwa ziba seo ili sona; mi Ni—Ni tabela ku mi bona mwa lipuzo

za kwa mukunda. Mwabona? Ni sike na i swala... Hanisepi kuli ikona kuba hande ku i bala yani. Mwabona? Ku—ku lukile, mutu, hakuna se si fosahalile ka yona; u buzize puzo ye swanelu luli, kono Ni—Ni sepa kuli neika ba hande kuli ni talimane ni yona mwa lipuzo za kwa mukunda. Nji ha muboni cwalo? Kamba ki mañi kaufela... Mwa ziba yo ali yena kaufela, kaufela yo uli yena.

<sup>259</sup> Oh, mawi! Oh, se lu fitelezi kale nako ya luna, balikani. Lu—lu eze fela lu kwale ni kuya—kuya kwa mulalelo wa luna. Mubata kuli ni yeme fa cwana... nako yekuma kai? [Yomuñwi uli, "Musihali kaufela."—Mu.] Oh, mawi, mawi! Fela ki—fela ki... Eehe, fela ki... Mwendi fela hanyinyani fela. Haiba kaufela yalukela kuya kapili, musike mwa tuhela kuli mulalelo wa mina u cele. Kono haiba mu—haiba mu... Mi—mi hakulata Na ni ka cela kwa Blue Boar, kamba kwa ku Pryor, kamba kokuñwi mwa libaka zani, mi kaniti habana ku mi kataza. Haiba muna ni kuya, Mulimu ami fuyole; Na utwisisa. Mwabona? Mi Ni ka nga fela mwendi... Ni ka beya fela ze ona fa, mi ze kona ze Ni ka alaba kwatensi. Mi Ni ka—Ni ka... ona ze... I kaba mwendi... mwendi lunge mizuzu yeñwi ye lishumi ka ye ketalizoho, mi Ni ka, ni ka funduka.

**364. Ni na ni bana ba basizana bababeli baba nyezwi ku muuna mwa d-e-a-v... mi ba lumela Liñusa le. Ba... likopano, (Yani ki niti.), mi ba lumela Liñusa le mane babile ni mayemo ka Lona, mi ba amuhezi... Ki sikamañi se ba lukela kueza? Ba amuhezi twaniso. Lu ka eza siakamañi?**

<sup>260</sup> Muyeme ona cwalo! Kaniti. Mubonise mibala ya mina. Kona ona cwalo; musike mwa kena ku zona. Batili, sha! Ha ni buleli kuli, musike mwaya mwahala bona, kukopana, kamba nto ye cwalo, ibile fela mu ka kena kukopana ni bona; kono haba ka cinca mufuta wa lico za bona, mwa ziba, nkwilimba haikoni kuca ni maankoli.

**365. Muzwale Branham, kana kikuli uka tatulula Mareka 13:27? Hape, Muzwale Branham, kucwani he ka batu mwa Sinulo 20:7 ni 9, kucwani... baba ka lwanisa ba bakenile? Kana ba zwelela kai? Kana kukaba ni kuzwelapili sina mwa—lubasi lwa Nuwe?**

<sup>261</sup> Sinulo 13 kamba... Batili. Mareka 13:27, Muzwale Neville. Sinulo 20. Una ni Bibele ya hao foo, Muzwale Capps? Sinulo 20, mi ibonahala inge 7 ni 9. Ni sepa Ni, hanze ba sweli ku i apula... Kwanu, u i fumani kwanu. Sinulo, neli sikamañi cwale? Mareka 13:27, 13:27.

*Mi ki ha ka luma mangeloi a hae, ni...kukopanya hamoho baketwa ba hae kuzwa kwa mioya yemine, mi baka... mi ni kwa mafelelezo a lifasi ku to... ni kwa mafelelezo a lihalimu.*

*... mafelelezo a lifasi kuisa kwa libaka za mafelelezo  
a lihalimu.*

<sup>262</sup> Yeo ibulela ka zuho, kufetulwa kwa mibili, kuya mwahalimu. Uka luma mangeloai a Hae ku to kubukanya. Kana mukile mwa nahana kuli mangeloai ani a cwani? Huh? Balumiwa. Uka ba kubukanya hamoho, kuba kopanya hamoho (mwabona?), kuba tisa, kuba tama hamoho kuzwa kwa libaka za kwahule kwa mafelelezo a Lihalimu, Linzwi lene liliteni, ne li bonahalile mwa lifasi. Mwabona? Mwa utwa nji? Linzwi li bulezwi; fa Li bonahalile. Mwabona? Ku lukile, Muzwale Capps. Halu boneñi.

*Mi cwale myaha ye eza sikit hane se ifelile, Satani  
na . . . tamuluzwi kuzwa mwa tolongo ya hae,*

<sup>263</sup> Ku lukile. Kona ni feza fela kutatulula sani, nji Cwani, ka mwa ka tamuluelwa mwa tolongo ya hae kasamulaho wa myaha ye sikit?

Ku lukile, Nina ni yemu hape fa. Fa muzuzu fela.

**366. Muzwale Branham, kana neli ka Mulimu, kamba neli  
fela ka likezo zaka ka lika zene ezahalile, fani (k-u- . . .)  
kulikiwa . . . Kana sani . . .** (Bona haiba wakona ku utwisisa seo hande. Ki muñolo omunde, kono tuto yaka ki ye kwatasi hahulu. Kana ibulela cwani foo? . . . ? . . . Hani—Hani sepi kuli Na kona ku i alaba yani. Muzwale Capps kamba Hani i utwisisi hande . . . Ili,) **Kana neli . . .** (Kwanda kuli neli—neli kuli . . . haiba neli nasi. Ki sesiñwi ka za bunasi.) **Kana neli  
za Mulimu hane Ni tuhezi bunasi, kamba kana neli mulatu  
wa ka nji?**

<sup>264</sup> Hani koni kuziba. Ni ka tabela kubonana ni yona mwa lipuzo za kwa mukunda. Mwabona?

Cwale, bunasi ki nto yende, kuba fela nasi. Ni ka li . . . Cwale, mutu yo asika beya . . . Hani si ka iyumbela kwatuko kuli ni si ke na ialaba, kakuli yani italusa zetuna hahulu ku musali yoo inge puzo ya mina mo iinezi ku mina kamba ya ka. Mwabona? Kono cwale, haiba ki—haiba ki—ki nasi, kuli utuhezi fela bunasi kakuli no hupula kuli ha ulukeli kubeleka . . . Kihande, Ni sepa bunasi bulukela kuba hahulu ka makeke. Mwabona? Ulukela kunahana kueza lika zisili, inge kuba dokota.

<sup>265</sup> Dokota yali dokota yomunde, uka kona kutusa mutu kamba hakuna taba kamba una ni masheleñi kamba nee, dokota wa niti. Mwabona? Mi Ni sepa kuli mukutazi, mutu kaufela, sebelezo ya luna ilukela kuba ku yomuñwi ni yomuñwi, kakuli ki ku nolofaze nyana bipilo ku mañi ni mañi.

<sup>266</sup> Ni . . . Hane ba ni bulelezi kuli Ni no holanga ma dollar a mwanda ka sunda kuzwa mwa keleke mo kuba lituwelo la masheleñi aka, kiñi, neli swana kuna inge—inge za ni bulaya. Cwale . . . Musala bo Wilson, Na ziba, mi mane ni mwana hae wa mushimani, ni bona ba ba inzi kwanu, mwa hupula myaha ya

kwa mulaho, Ni kutalize mo myaha ye lishumi kaye supa kono nali kuba ni kupe masheleñi ni hanyinyani mwa bupilo bwaka. Pene yenyinyani kaufela, lika kaufela zene Ni kona ku eza, Ne ni libeya mwateni. Mwabona? Mi hane ba ni bulelezi kuli Ne nina ni ku iamuhela kuli nibangé mwa mikopano ye, ne si batile ku ni sinya. Mwabona? Kakuli, Ni sepa kuli ku lukile, kono kuna fela (mwa bona?), Hani lati sika sifi kaufela, hanina taba ni masheleñi, taba fela ye Ni bata ki—ki bulikani—bulikani bwa mina ni muhau wa Mulimu ni luna.

<sup>267</sup> Na—Na mi lata (mwabona?), Na mi lata, mi Ni bata kuli mube baba lukile; mi Ni bata kuba ya lukile nina. Mi Ni—Ni bata kuli mu ni kolwa; Na mi lumela. Mi haiba mufita fa puzo hamoho nina, Ni bata kuba ya sepahala ni mina. Mi haiba Ni—Ni mi bulelela ka Libizo la Mulena, Ni bata kuli mueze fela ona cwalo mo Ni mi bulelezi kuezeza. Musike mwa keluha kwatensi ni—ni hanyinyani, mo Ni nahana kuli lu ka zamaeleta hamoho ona cwalo. Mwabona? Mi cwale, babañwi . . .

<sup>268</sup> Mi he cwale, haiba ki bunasi . . . Mi Ni sepa kuli haiba wena, mwa pilu ya hao ubata kuba nasi . . . Haku konahali kuli mutu kaufela abe nasi. Nasi ki mutu ya ishuwile mi ki ya musa kwa batu, mi oh, Ni sepa kuli nasi wa luli . . . Haiba mukile mwa kula mwa sipatela, kamba nto yeñwi, mukabona nasi yomunde hakalo ya ka to mi beya mwa mbombolelwa, kamba nto yeñwi fela cwalo . . .

<sup>269</sup> Neni bile ni kupazuliwa hane Ni kunupilwe ka nako yeñwi; Na ya kwa sipatela. Nekuna ni nasi yomunyinyani kwatensi, Ne ni mu bizanga kuli “Liwickaka Lelimunati,” kakuli na fumanehanga ni liwickaka nako kaufela mwa mulomo wa hae, inza sweli kuca. Sani neli nako kaufela ona cwalo. Mi Ne ni li fela wa myaha ye lishumi ka ye mine ya kupepwa, mi Nenili fela yomukuswani. Mi yena nali fela mutu wa sanana fela cwalo, mi na na . . . ni mautu amakuswani cwalo, amakima mane inge a ka panca, mi na beyanga musamo *fa* ni pilo *faní*; mi nako kaufela kaufela na nza ni tusanga. Mi Ne ni hupulanga kamita kuli (Ne nili fela mwanana yomunyinyani)—Ne ni hupuzi kuli Ni ka inyalela fela yena, kakuli nali ya—nali ya musa hahulu ku na. Kihande Ni . . . Sani . . . Mwa bona, sani sitalusa nto yeñwi (mwabona?) kueza sika sesiñwi.

**367. Ni bata kubuza puzo. Ka kukala: Kana pajama ya musali . . .** (Cwale, mulitele fela fa muzuzu; mutuhele ni ibale. [Muzwale Branham wa ipalela puzo anosi—Mu.] Batili, se sikaba hande.) **Kana pajama ya musali ya swana ni ya muuna?**

<sup>270</sup> Mushimani, usike wa ni bulelela kuli habana kumi kupa za ku mi cisa. Ha ni zibi. Ni ka mi tuhela kuli muiketele ka zeo. Hamu lukeli kuyemanga bukaufi ni batu baba tinile ze cwalo; Na—Na ziba cwalo. Kacwalo ku kaba cwalo, kono haili ka . . . za

kuya kwa musiyo Ha—Ha—Ha ni zibi. Ni kaba ni ku kutela ku yona ye hape.

Ni mi bulelezi kuli Ni kaba ya sephahala haiba ha Ni zibi. Hanina kubeya muhupulo wa ka fela ku zona (ku lukile), konji haiba kuli mubata fela muhupulo waka. Haiba mubata zeo, Ni ka mi bulelela. Mwabona?

Cwale muhupule, ha ki...ika—ika... Fo—fo kipeto ikona limaili ze lule ka mafosisa. Ni sepa kuli kwakona kubonahala hande kuba ni sapalo sa kutina busihu. Kono—kono haiba mina—kono haiba mina... Kono cwale zeo kuitingile ku mina. Cwale, Hani koni—Hani koni ku mi bulelela sani, kakuli Hani koni ku li yemela. Cwale, yani—yani—yani ki na, ha ki Yena, muhupule. Mwabona?

### **368. Kana ku fosahalile ku pumela milili ya musali nji?**

Ni sepa kuli kona lu sa zo fita ku ze swana mizuzu nyana yefitile (mwabona?), ka bunyinyani... Ni sepa kuli ba li biza kuli—kuli zani ze lepelelangafafasi cwalo...

**369. Muzwale Branham, iliñwi ya matepu a Linako za Likeleke Zesupa no bulezi kuli Judasi na ezizwe ya lukile, kukeniswa. Kana zeo neli za niti... (Yani ki yende...) ... tatulula... zibo, zibo ya niti ya muhau wa na amuhezi? Mi hape no bulezi kuli Judasi libizo la hae neli ñozwi mwa Buka ya Bupilo, kono kanti, luziba kuli naile kwa lihele mi a lateha. Kana mutu ukaba cwani ni libizo la hae mwa Buka ya Bupilo mi kuzwa foo kipeto alatehe? Kamba kana kikabakalaní Mulimu hana ka beya libizo la mutu mwa Buka ya Bupilo kono inge A ziba kuli mutu yani uka lateha kwa mafelelezo?**

<sup>271</sup> Cwale, yani ki yende, nji cwani? Cwale, ya kona kuba yende. Cwale, Ni kaba itinga fela ku Mulena kuli ni alabe ye, kakuli Ni sweli fela kunanalela, kulika kubatisisa, nitaluse. Mutualime! Pili, mwahali mwa... likeleke za luna, Ne ni bulezi kuli Judasi nana ni libizo la hae mwa Buka ya Bupilo. Yani ki niti. Lwa ziba cwalo, kakuli Jesu na ba bulelezi cwalo fani kaufela bona hane ba lumilwe mwa (Mateu 10), ku yo leleka mioya yemaswe, ku yo kutaza Evangeli, mufilwe mahala, mufane mahala; mi ba yo kuta inge ba nyakalala, kakuli mioya ye maswe ne i ba saba. Kana ku cwalo nji? Mi Jesu aba bulelela ali, mi A biza mabizo abona (bao bene bali bona, ki babakai bene ba lumilwe); mi ba yo kuta ni Judasi Isikariota ili yena yana Mu betekile... Mwabona? Ba yo kuta inge ba nyakalala, kakuli mioya yemaswe ne i ba saba. Cwale, mwabona, mubonelo wa lika no fosahalile fani. Mwabona? Ha mu lukeli ku nyakalala kakuli Ni na ni mata aku leleka moyo o maswe. Mwabona? Hamu lukeli kueza cwalo, mu lukela ku nyakalala kakuli mu amuhezi muhau o muñata wa ku piliswa. Mwabona, mwabona? Hamu lukeli ku nyakalala... Cwalo kona batu mo ba ka...

<sup>272</sup> Hañata batu babana ni limpo ki batu baba sa li tabeli limpo. Mwabona? Paulusi na likile kumata kusaba ku zona, ni Mushe neli cwalo. Baeteleli babatuna inge bani neba lika kumata kusaba musebezi; ba ziba se si fapila bona. Mulimu . . .

Mwabona, haiba munga mutangana wa kuli yena kamita ki, “Oh, Mulena, ni taze ka mata, mi Ni ka zwela kwande kwani, mi Ni ka leleka myoya yemaswe.” A koni kueza cwalo. Mulimu wa ziba hande mwa kuezenza kufita kusepa mutu ya cwalo. Mwabona? Hakoni kueza cwalo.

<sup>273</sup> Kono ki mutangana yani ya sa latu kueza sika ka zona. Mwa bona? Yani ki yena mutangana yo Mulimu akona kunga ni ku mu luta sika ka nako yeñwi. Mwa bona?

Kacwalo he, Judasi a yo kuta inza nyakalala, mane kaufela bona, kuli mabizo . . . Na bulezzi kuli, “Musike mwa nyakalala kakuli mioya ya mi saba, kono mu nyakalale kuli mabizo a mina añozwi mwa . . . mwa Buka ya Bupilo.” Cwale, haiba muka lemuha ni kunga Daniele hape. Bi- . . . Mwabona?

Kakuli libizo la hao li mwa Buka ya Bupilo (kakuli li mwa Lihalimu, libizo la mina li zibilwe), sani niteni ha si talusi kuli mu pilisizwe. Mwabona? Ha mu si ka fetulwa, kufitela mu amuhela Moya o Kenile. Muhupule seo. Fo kikuli ma manzwi amañwi kwa konahala kuli mu fetulwe. Mwabona? Kono mwali kuba . . .

<sup>274</sup> Haiba—haiba mu ni kupa ka za—ka za kota ya oke mi Ni mifa singandi sa yona, ka manzwi amañwi muna ni kota ya oke, ka manzwi amañwi kwa konahala, kono ha i si ka hula kale. Ki kabakaleo Ni lumela mwa silelezo ka mo Ni lumelela.

Haiba Ni—haiba Ni kupa simu ya mbonyi, mi Ni bona mbonyi ki yani mwendi butelele sina cwana, ka manzwi amañwi, Nina ni simu ya mbonyi. Ha ki kuli ha i si ka hula kale, sesiñwi sa kona kuezahala. Mwabona?

Cwale, mu mwa musipili wa mina kuya kwa kubeiwa ya lukile ni kukeniswa kuli muye kwa kolobezo ya Moya o Kenile. Kono ha mu kolobelizwe ka niti ka Moya o Kenile, mu mwa Mubuso. Cwale, mu li, “Muzwale Branham, kana ki niti yeo?”

<sup>275</sup> Cwale, Hanina nako ya kuli—kuli ni mife Mañolo; mu yo ibata fela ha mu fita kwa malapa, kakuli Hani zibi . . . muhupulo wa ka. Ni na ni kubatisisa mwa litaluso za manzwi za ka kuli ni ifumane. Jesu na bulelezi Pitrosi, yana pilisizwe hamoho cwalo ni ku keniswa . . . Na lumezi ku Jesu, na kenisizwe. Muñoli Joani 17:17, Jesu naize, “Ba kenise, Ndate, ka Niti; Linzwi la Hao kona Niti.” Mi Yena ni Linzwi za swana. Neba ke nisizwe, ka manzwi amañwi, kuya ka Niti, lona Linzwi, yeli Niti. Mi cwale, Jesu na bulelezi Judasi . . . kamba—kamba Pitrosi busihu bwa kubetekwa, Naize kuli, “Ha so fetuhile, u tiise bana bahenu,” kasamulaho ha so fetuhile.

<sup>276</sup> Muuna yani na Mu latelezi ka myaha ye milalu mane nana ni libizo mwa Buka ya Bupilo ya Ngunyana, mi na lelekile mioya ye maswe, ni kueza misebezi yemituna, mi na folisa, ni kueza lika kaufela za mufuta wa . . . na kutalize Linzwi, ni lika kaufela, kono ni cwalo na si ka fetuha kale. Mwabona kuli . . . Muya kwa ku fetulwa. Mwabona?

<sup>277</sup> Mbututu yani . . . Kezo haiezahala mwahala—mwahala lii ni mata a buuna, kamba kokwani ya bupilo . . . Kono cwale ha li kaba . . . Ka manzwi amañwi, mbututu ukeni mwani kezo ha i ezahalile. Mi cwale kipeto mubili wa bupwa, kalulo ya bubeli; kono mbututu una ni kupepwa fa, mi kipeto u amuhela moyo wa bupilo. Ha si ka ba kale moyo wa bupilo haisali. Mu li, “Oh, wa pila!” Batili, ha ku cwalo! Yani ki misinga yenyinyani yesweli ku nyanganya, mata. Mwabona? Mbututu yani ha si ka amuhela kale bupilo konji ha sa pepilwe. Mi mwa kona kutula ni ku njanja, kono mwali kuba . . . Mwabona, mwabona? Mu lukela ku pepwa. Mwa ziba ze Ni talusa? Ku lukile.

<sup>278</sup> Cwale, cwale, na bulezzi cwale kuli munge . . . “No bulezzi kuli Judasi nana ni libizo la hae mwa Buka ya Bupilo, kono kanti, luziba kuli naile kwa lihele mi a lateha. Kana kukonahala cwani kuli mutu, he, abe ni libizo la hae mwa Buka ya Bupilo kono niteni a latehe?” Cwale, mutuhele ni nge nto iliñwi hape nife mutu yomunde yo fa.

<sup>279</sup> Cwale mulemuhe, Bibebe i bulezzi kuli fani Daniele hana boni . . . Na—na ñozi Buka yapili ya Sinulo, Daniele. Mi lu lemuha kuli, mwa pono na Mu boni inza Atezwi ki mazazi ni milili ya hae ye misweu inge boyo bwa ngu. Ki babakai baba hupula sani? Mi kana mu lemuhele, Joani mwa Sinulo natile ku ze swana, Sinulo 1? Mi A yema fani; milili ya Hae neli ye misweu sina boyo bwa ngu, mautu a Hae ni mo ne abonahalela—Ya atezwi ki myaha ya hulile. Ya atezwi ki myaha, fani ki kuli, nasina nako; Nali wa Kuyakuile. Mi Aba ya . . . Cwale mutualimele! Mi babakenile ba taha mwa lifasi ni libuka za apulwa, mi Buka yeñwi ya apulwa, ili Buka ya Bupilo, buka iliñwi. Ba taha kwa katulo, mi haili . . . Na tile, mi ku Yena kwataha likitikiti ze mashumi aeza likitikiti. Kana ki niti yeo? Kuto Mu sebeleza, Munyaliwa, yena Mufumahali ni Mulena . . .

<sup>280</sup> Ki mañi mufumahali wa mina mwa ndu? Ki ya ku sebelezanga lico. Kana ki niti yeo nji? (Se mu liyehile cwale.) Kono cwale musali—cwale musali a ku sebeleza. Sani kona sa eza Munyaliwa kusebeleza Kreste, yena Linzwi. “Mutu hana kupila ka buhobe fela, kono ka Lizwi kaufela.” Mwabona? U sebeleza Linzwi yena Mulena, inza bonahaza sepiso ya Hae ya Linzwi mwa lusika mo Apila ku lona. Amen! Ah, Ni bulezzi nto yeñwi fo, ha mu si ka utwa nji, kono . . .

<sup>281</sup> Mulemuhe! Oh, mawi! Yani neli yende. Mwabona? Kusebeza mwa lusika lwateni, lona Linzwi. Cwale mulemuhe! Mi Musali

ataha... Ki ha taha, ni likitikiti ze mashumi ha li alulwa ka likitikiti ze mashumi za taha ku Yena; mi katulo ya tomwa, mi ni libuka za apulwa; mi ni Buka yeñwi ya apulwa ili Buka ya Bupilo; mi ba atulwa ona cwalo. Ki mañi yo ya na tile? Ki Munyaliwa yana sa tokwi kutaha kwa katulo, U lukuluhile kwa katulo.

<sup>282</sup> Kwa apulwa ni buka yeñwi yeneli Buka ya Bupilo, mi bene bana ni mabizo a bona mwa Buka ya Bupilo ba atulwa ka yona Buka yani. Mi Judasi Isikariota na ipapata kuba mulumeli, mi nana ni libizo la hae kuñolwa mwa Buka ya Bupilo. Kana ki niti yeo? Na ipulezi kuli nana ni Bupilo Bobusafeli. Mi libizo la hae neli ñozwi mwa Buka ya Bupilo. Kacwalo una ni ku... Kiñi, una ni ku atulwa mi ni kubona kuli kiñi hana lwanisize Linzwi la Bupilo ka nako yani, ku mu lekisa ka lishekele ze mashumi amalalu za silivera. Babañwi ba mu lekisa ku ba Methodist, Baptist kamba babanwi kaufela. Na lekisize siemba sa hae kuzwa mwa Buka ya Bupilo. Mi uka atula... uka ba ni ku... yema fani ni ku atulwa ka sani, ka Linzwi. Mwabona? Kona libaka Judasi hana ezize sani. Mwabona? Judasi nana ni kutaha kwa katulo. Libizo la hae neli beilwe mwa Buka ya Bupilo, kono sani ha si talusi kuli u pilisizwe. Una ni kuyema mwa katulo.

<sup>283</sup> Mwalyanjo ya lobezi uka yema ni yena mwa lika zeswana—zeswa zani. Mulemuhe, Jesu na bulezi cwalo ku Muñoli Joani 5:24, "Ya utwa Linzwi la Ka." Yani ki yena yakona ku Li amuhela; ha ki ya Li utwa ha li kutazwa ni kuzwelapili kubulela kuli, "Bukuba." Mwabona? "Ya amuhela Linzwi la Ka, Ya utwa Linzwi la Ka ni kulumela (isiñi kulikanyisa kulumela, kono ki kulumela ka niti) ku Yena ya Ni lumile (ili yena yanali Linzwi) una ni Bupilo bo busafeli mi hana kutaha mwa katulo; kono seli kale" (tensi yakale) "uzwile mwa lifu kukena mwa Bupilo." Mwabona? Kona cwalo.

<sup>284</sup> Kacwalo Judasi nana ni libizo la hae mwa Buka ya Bupilo (yeo ki niti luli), kono na nyazizwe, kakuli ki sikamañi sana ezize? Na lekisize tukelo ya sipepo sa hae.

Esau na pepilwe mwa lubasi lwa sepiso ya Mulimu. Mwana mushimani wa mweli nabanga ni tukelo ya sipepo. Ki babakai baba ziba cwalo? Ka sepiso ya Mulimu, libizo la Esau nelili mwa buka kuli ukaba ni tukelo ya sipepo (kana ki niti yeo?), kono a i cincanisa ni malaka, kamba manawa. Na lapile kuli afep mba ya hae, tikiti ya hae ya sico, a cincanisa tukelo ya sipepo sa hae ni tikiti ya sico mi na si ka fumana sibaka sa kubaka.

<sup>285</sup> Matwela bani bene baile ni... kwa ku yo twela naha, ba taha mane ba to ca magilepu ao Joshua ni Kalebu neba tisize. Mi kanti, ki sikamañi sene ba ezize? Neba lekisize tukelo ya kupepwa kwa bona.

<sup>286</sup> Jesu naize, kamba Paulusi na bulela ka susumezo ya Kreste mwa Maheberu kauhanyo ya 6: "Kakuli haku konahali kuli baba

bonisizwe liseli, mi ba ezizwe bo muca sanda sa Moya o Kenile, mi ba lazizwe kwa Mata a lifasi le li taha; bona bao habaka wa, kutata ku ba ncafaza sinca kwa kubaka, kaku bona kuli ba ikokotelela isali bona Mwana Mulimu, mi ba talima Mali a bulikani, ili kone ba kenisizwe ka ona, kuba nto ye masila, mi baeza ka kuhatikela misebezi ya muhau . . .” Kutata kuli mutu yacwalo akone kukuta.

<sup>287</sup> Bale, mañi ni mañi kwanda Joshua ni Kalebu, ne ba shwile ni ku yunda mwa lihalaupa, ibo ne bali balumeli, kono mabizo a bona nali mwa libuka.

<sup>288</sup> Mi fa, Paulusi wa bulela, haiba mutu utaha fa sibaka sa kuli u pilisizwe, ni ku keniswa (Mali a mu kenisa; Maheberu 13:12 ni 13 ili Mali a kenisa), mi kipeto utaha fa munyako wa kolobezo ya Moya o Kenile, mi bakeñisa kukutekiwa kamba kopano ika hana kukena ku Zona, uli, “Mutu yo u latehile mi hakoni kupiliswa” (mwabona?); kakuli u hatikezi misebezi luli ya muhau ye ne mu biziye ku to fita fa sibaka sani ni ku mu bonisa sona, mi kipeto a fetuhe, azamaye kuzwa ku sona. U talima Mali a bulikani ao kaona na takisizwe . . . Kreste na takisizwe kuba sina nto ye masila. Kakuli Mali ana mu pilisize, ni ku mu beya ya lukile, ni ku mu kenisa ku mu tisa mwa kolobezo ya Moya o Kenile. Yo kipeto aikele kusili ni ku zwa kwateri . . .

<sup>289</sup> Cwale, mulemuhe mukwa woo. Ni ya ka kuiketa luli fa nako yetelele, kono mutualime! Judasi Isikariota na latelezi mihato yeswana yani. Na beilwe ya lukile ka kulumela ku Mulena Jesu mi ni ku Mu amuhela kuba Mupulusi wa hae. Na kenisizwe ni kufiwa mata a kuleleka mioya; libizo la hae neli beilwe mwa Buka ya Ngunyana ya Bupilo. Kono cwale ha li taha ku za Pentekota ni kolobezo ya Moya o Kenile, mutalelela wa Linzwi, a bonisa mibala ya hae. Ona cwalo fela kona mone ba ezelize matwela ba Kanana; sani kona sana ezize Esau ona cwalo.

<sup>290</sup> Ona cwalo kona mwa na ezelize Satani ku Eva mwa simu ya Edeni: “Kaniti Mulimu ha na ku . . .”

Kono musali ali, “Mulimu uize . . .”

Mi ali, “Eehe, Na ziba ibulela *cwalo*; Na ziba ibulela *cwana*, kono kaniti . . .” Mwabona, taba yeswana kukalela kafoo kutaha ona cwalo, mi kona mo kuinezi ni kacenu.

<sup>291</sup> Keleke ilatelezi kukalela kwa Kuluka, Martin Luther; kutaha ku za Kukeniswa, Wesley. Kono cwale, ha si taha mwa nako ya kolobezo ya Moya o Kenile, ba bonisa mibala ya bona; hakuna se babata kueza ka Sona. Nazarene, Pilgrim Holiness, Church of God, kaufela bona kwani baba lumela mwa kukeniswa, hamukoni ku supa munwana ku yona; ki niti. Kono ha li taha ku za sihali-hali, kutaha fa sibaka sani sa ku amuhela Moya o Kenile wa kupepwa sinca, konakuli ki sikamañi sa ka eza diabolosi? Uka taha bukaufi ku to li lyanganisa. Oh, yena ki . . .

uka eza lika kaufela ze zibahala mwa mata a hae kuli aise batu kwade a sani.

<sup>292</sup> Ne ba tisizwe bukaufi, ni kubulela kuli, “Muna na ni kubulela ka malimi. Muna ni kuba ni maikuto mwa mubili. Mu lukela kueza sa *kuli*.” Mu lukela kupepwa ku zona. Musike mwa lumela mutu ku mi bulelela kuli kukeniswa ni Moya o Kenile ki nto yeswana, kakuli ha ku cwalo! Batili ha ku cwalo!

Muteeleze ba Nazarene bani kwa mulaho kwanu ha ba sweli kuhuwa, “Ha ku cwalo.” Mwabona? Wa ziba kuli kuna ni shutano mwahala zona, kakuli luli ku cwalo. Muzwale Capps, muzwale wa hesu ya ipitezi. Mwabona?

<sup>293</sup> Luli, Nazarene... Hakuna mutu yakona kubulela linzwi la kunyaza sicaba sesinde sani sa bulapeli; ki babande fela mo ba kona kubela. Church of God, Nazarene, Free Methodist, batu bani ki ba bande, kono cwale ha li taha ku za misebezi wa Moya, ba li, “Oh, oh, yani ki diabulosi.” Mi ki sikamañi sene ba ezize fani? Ba nyefula Moya o Kenile. Hane ba eza sani...

<sup>294</sup> Cwale, bunyefuli ki sikamañi? Hakuna swalelo. Ki niti kana? “Yena yakile a bonisezwa liseli, kueziwa bomuca sanda, ni kutamuna kwa limpo za lihalimu.” Kut... Tatuba—tatuba kwa kukeniswa kwa Mulimu: kukeniswa kuzwa kwa kwai, ni basali baba masila, ni mifuta kaufela ya bupilo bwani. “Ni ku tatuba kwa lika za lihalimu.” Ku bona kuli ba tahe kwa siemba sa sihali-hali sani inge matwela bani mo ne ba ezelize kwa kalulo kaufela ya magilepu. Kono ki sikamañi seba nani kueza? Neba ikabile mwa kopano ya bona kutaha ku yeñwi ye. Mwabona? Kuli... Mwabona? “Kutatuba kwa mpo ya lihalimu; ka kubona kuli ba ikokotelela ili bona Mwana Mulimu sinca; ni kuhatikela Mali a bulikani ao kaona ne ba kenisizwe kuzwa kwa lika ze si ka kena.”

<sup>295</sup> Kukeniswa ki foo libizo la mina haliya mwa buka sina kuba mulumeli. Linzwi la hao... Libizo la hao li ñozwi mwa Mali a Hae. Mwabona? Kukeniswa kona ko ku beleka sani; mi kipeto mwa taha, cwale Ha mi sepile ku to fita fa, mi kipeto ni kutaha cwalo... Ba li, “Kihande, kana Uka ziba njí?”

<sup>296</sup> Eeni, Na li zibile. Na ziba kuli hamuna ku li eza isali kwa makalelo. Na zibile kuli Judasi nasike kueza cwalo. Na mu zibile isali kwa simuluho; nali mwana wa sinyeho. Kono lika zani lina ni ku talelezwa. Mwabona? Linzwi lina ni ku talelezwa, kaufela, niha liba ka mifuta ni miluti. Oh, mawi! Ne luka ineleta fo ka lihola.

**370. Muzwale Branham, fani hano kutilize liñusa ka za likeleke za lisunda ze mashumi asupa... lisunda ze mashumi asupa (Muni swalele.) za Daniele, Ni lumela kuli no bulezi kuli kutalelela—kutalelela kwa sunda ya mafelelezo kamba myaha ye supa ya mafelelezo ika kala Munyaliwa ha sa shimbilwe mwa kungelwa.**

<sup>297</sup> Batili, batili, batili, batili, batili, nee, nee, nee! Ne mu si ka utwisia hande sani (mwabona?), haki lisunda zekwanile zesupa. Ki—ki sunda yateni neikalile fani Jesu ha na tile fa lifasi. Abulela kuli, “Mesia, Mulena, uka taha ku to polofita, mi mwahala lisunda zesupa, Uka bulaiwa.” Mi Jesu na kutalize fela myaha ye milalu ni licika, ili fona fahala lisunda zesupa, mazazi asupa, sunda—mazazi a mwa sunda. Mwabona? Mi kuna ni myaha ye milalu ni licika ye siyezi.

<sup>298</sup> Cwale, fani Mushe ni Elia haba ka taha mwa lifasi, ili yona Sinulo ni Zakaria . . . (Muzwale Coomer za puzo ya—ya hao ni Kezeli Coomer yani neli yeswana.) Cwale, hane ba . . . Fani Zakaria 4 ni Sinulo 11, zona likota za olive zepeli zani ni zeñwi cwalo, ili yena Mushe ni Elia, ha ba ka taha mwa lifasi ba ka polofita ka mazazi aeza wani sauzandi tu handeleti ni sikitite fo. Ki sikamañi seo? Ki myaha ye milalu fela ni licika. Yani neli fela nto yeswana. Isiñi . . . Mwabona? Kamba mutu yomunde yo ki mañi. Ki bunde, luli, bunde, iñozwi—iñozwi fa pampili ka toho ya bulapeli iñozwi—ka mibamba yateni ni zeñwi, mi ki yende luli. Mi luli ki puzo yende, kono (mwabona?) ha mu si ka utwa, mo ne Ni bulelezi. Nina nali kuba Ni lumele kuli lisunda ze mashumi asupa kaufela likaba fa. Mesia u bulailwe. Ki babakai baba hupula cwalo hane ni kutalize kwanu? Kaniti! Mwabona? Lisunda zesupa.

**371. Kuzwa nako yani, ku bonahala inge kuli myaha ye milalu ya makalelo ne italelelizwe mwa nako ya bulumiwa** (Kihande, fa mu inopile hande.) **ya—ya Jesu, kono mubulelelo, “mwahala lisunda” kubonahala kuzamaelela fela ni antikreste ha lyanganisa bulikani bwa hae ni . . .** (Batili, antikreste yani ulyanganisa bulikani bwa hae kwa mafelelezo a silimo sa mafelelezo a lilimo zetalu ni licika. Mwabona?) **Sina Ha ni utwisia tepu ya Daniele, lisunda ze sikisite naini za makalelo ne lifelile fani Jesu ha kena mwa Jerusalema inza pahami pizi ka A.D. 30, ili kuli myaha ye milalu ni licika leliñwi la myaha ya bulumiwa bwa Hae ne ika beiwa mwa lisunda ze sikisite naini; mi ni lisunda za mafelelezo ka kutala—mi ni sunda ya mafelelezo ka kutala kamba myaha ye supa ika talelezwa mi ika kalela mwa nako ya kuungelwa. Shangwe aku ni tatululele taba ye.**

<sup>299</sup> Mwa ziba, muzwale, kezeli, yo kaufela ya buzize puzo ye. Kihande luli (mwabona?), kono Ni lumela kuli mu lyanganinyana mo ne Ni bulelezi. Mwabona? Cwale, haili . . . Fani Jesu ha taha mwa Jerusalema (yani kwateni ki niti luli), ani neli mafelelezo a . . . Mwabona? Naile ona cwalo kuzwa kwani mi a takiswa. Mwabona? Mi Yena—Yena na polofitile licika la lisunda ze mashumi a supa yeli zetalu ni licika. Cwale, A bulaiwa, mi moyo wa Hae wa eziwa sitabelo. Mi cwale, ne ku ka taha cwale . . . Mwa lizazi la mafelelezo le, kuna ni myaha ye milalu ni licika ye sepisizwe kwa—kwa Majuda. Mi ni . . . mwahala nako

ye neli ka nako ya kukopana kwa ba bakenile kwa kuungelwa, ili yona Keleke.

<sup>300</sup> Cwale, Hanina kunga ze kaufela zona, Muzwale—Muzwale, Kezeli.

**372. Kana shangwe uka tatulula Makorinte Bapili, kauhanyo ya 7, timana ya 1 ni 9?** (Ki yeo, Muzwale Neville, Makorinte Bapili, kauhanyo ya 7, timana ya 1, cwale.)

**373. Mi kana mulumeli wa niti kaufela uka eza misebezi yana bulezzi Jesu, sina ha kuñozwi ku Muñoli Joani 14:12** (Ha ki cwalo. Batili!): **kufolisa bakuli, ku leleka mioya ye maswe, ku zusa bafu** (Hani sepi kuli zani li ku Muñoli Joani 14, kono ku lukile. Ki Mareka 16.), **kamba—kamba ki bo...** **kana yo ulukela fela kuba Elia?** **Kana mulumeli una ni kueza kaufela... za kuli... kana luli... ku ya lumela luli?** **Mi haiba kaniti ki mulumeli wa niti, kikuli uka zusa bafu nikueza limakazo zetuna?**

<sup>301</sup> Cwale, sani si mwahala balumeli. Mwabona? Ha ki mutu kaufela yana ni limpo zani, mi hape ha ku talusi kuli ki mutu alimumu fela yaka li eza; ku kaba likwata za batu. Sina ka mutala, kucwani kambe—kambe luna ni musizana yomunyinyani mwa keleke mo, kamba mushimani yomunyinyani, kamba mutu yomuñwi yo lu lata hande luli, mi bupilo buzwe ku yena. Keleke kaufela ne ika kubukana hamoho, mi ne ba ka lapela ni kuitima lico: “Mulena, kuba ni makeke ku mwana yani.” Mwabona? Mulimu na ka mu zusa.

<sup>302</sup> Ki babakai baba kile ba bala za ba *Nicaea Fathers* ni babañwi bani? Mwa bona, kona mo ne ba ezeza mwa keleke yapili. Kaufela bona ne ba kopana hamoho, mwa bona, mane nihaiba ku yemisa mulisana wa bona linako zeñwi ni babañwi baba shutana ona cwalo, haiba Mulimu na bona kuli kwa swanelia; kono ne ba ezanga ona cwalo.

**374. Haiba keleke i pilisizwe ni ha i sa ipumaní mwa kuungelwa, sina ha Ni lumela kuli kona mo lutezi, i lukela kufita mwa nyandiso ya balumeli kuli ikeniswe. Kono kucwani cwale ku baba shwile, bona ba ka keniswa cwani?**

<sup>303</sup> Ku lukile. Bao babana ni zeo... Munyaliwa hatokwi kukeniswa; Yena u kenisizwe kale. Mi bani baba se—ba se—ba se ba shwile kwa mulaho kwani, bani baba ka ya kufita mwa... Mwabona? Neba si ka amuhela Liseli leo likeleke ze li amuhezi kwanu; neba pilile mwatasa Kuluka, Kukeniswa, ni zeñwi ze cwalo. Neba pilile mwa Liseli lene ba nani, mwendi mwa—mwa nzila yene ba nyandile ka yona, ni sene ba fitile ku sona kaufela, mwa kunyanda kwa bona. Kono cwale, mwa nako ya kuungelwa ye sina cwana (mwabona?), kuka taha nako cwale kuli munyaliwa yo uka (yena ya hanile siemba sa Toho ya Munyaliwa) ukaba ni kunyanda bakenisa kuhana kwa hae, kakuli Evangeli ne i si ka patalazwa ku bona kwa mulaho kwani,

sina mo i patalelizwe ku mina kacenu. Mwabona? Mwa ibona fo kusweu luli. Mobile ni myaha yani kaufela ni mitala, Maswayo a kwaluhile, Lusika lwa Keleke lu yalilwe hande, ni zeñwi kaufela ona cwalo. Za iponahaza fela hande hamukoni ku li mbwinja. Mwabona? Mi cwale, haiba mu li hana, kuna ni fela nto iliñwi ya kueza, mu li nyandele.

<sup>304</sup> Kana uifumani yeo Muzwale Neville? I swalisana kwa sikamañi? Na fela... Ni lukela fela kuya cwale, kakuli seli busihu luli. Mwa bona? Ni... Sebeni—sebeni, naini... Halu boneni.

*Kono haba palelwa kuiswala, ba nyale: kakuli bunde  
ki kunyala kufita kubulaiwa ki takazo.*

<sup>305</sup> Ku lukile. Zani ki za kupila ka masila. Kufita kuli muuna, mushimani, musizana, kamba nto yeñwi kamba isili ha ba zamaya hamoho mi—mi ba ziba kuli balukela kunyala, ba zwelepili mi ba nyale. Ni sepa kuli mwa—mwa utwisisa se Ni talusa, nji cwani? Mwabona? Musike mwa pila fela bupilo bwa masila kwani, kakuli ha ki hande. Mwa bona? Yani ki kezela mina mwa mubonelo omuñwi, fo ki haiba u Mukreste. Cwale, haiba ki lifasi, ki lifasi: nja ica nja. Kono musizana yo zamaya ni yena yoo, yo kwateni ki kezela hao cwale. Yo ikaba yena mahe wa—wa bana ba hao ba ba ka taha. Usike wa pila bupilo bwa masila ni yena, ubonise kuli u mutangana yomunde wa Mukreste wa niti. Upile sina mutangana wa Mukreste mwa lukela kupilela. Mwabona? Mi umunge sina kezela hao, mi cwale ha mu ka nyalana, niteñi umunge ona cwalo.

<sup>306</sup> Na kona ku alaba se cwale. Na hani lumeli mwa kupila ka masila mwahala sicaba sa Mapentekota, sicba sa ba kukena, ni ko ba nyezi. Ha ni lumeli ku zani. Batili, sha! Zeñwi za lika za masila ze—ze sabisa hahulu cwalo... Ni kenanga ku zona fokuñwi... Isiñi kakusasana cwana cwale, batili, Ha ni buleli cwalo. Kono Ni talusa kuli ka linako ha Ni banga kwa California ni libaka zeshutana ze cwalo. Ni kopananga ni bakutazi kwande kwani, kwa neku la temuho, Ni ikutwanga inge Ni ka ba fetulela fa liñwele la ka ni kubafa “Evangeli ya maikuto amande.” Eeni, sha! Mawi, ku bona muuna yaka lika kunga musala hae yomunyinyani, ni masila, busafa, yani ki... Mwa utwisisa se Ni talusa. Ni sepa kuli mu lukela kuikutwa maswabi ka kuba muuna wa Mulimu kuli... Ube fela muuna ya nyezi mwa lapa; ube mulatiwa yomunde. U mukuteke sina mo mu kutekelanga kamita. Usike wa iseza ngana ku ze, litaba zeñwi za... libuka za butanya, kamba bulyangu bo buinzi mwa libuka za butanya ze, ni lika ze mu balanga zani, ni zeñwi ze kaufela, ni zeñwi kamukana ze cwalo. Mu zuse lika za masila zeo mwa minahano ya mina.

<sup>307</sup> Bibele ibulezi kuli kusike kwa fumaneha lingambolo za masila mwahala mina ha mu ipulela kuli mu ba bakenile. Unge

kezeli yomunyinyani yani kuba mulatiwa wa ka pilu ya hao. Haiba una ni myaha ye mashumi a silezi ya kupepwa, ube fela yaswana. Wena ube fela mucaha yani wa mayemo a mande; muhupule, mu cwalo.

Musike mwa lika zeñwi za litaba zenza ze, mi Na ziba ze Ni bulela . . . Kono wena ube fela muuna ya nyezi hande, muzwale ya sephala, Mukreste ya sephala.

Ni ziba kuli sani sa utwahala . . . Kono haili . . . Mina mu banake. Nina ni tukelo ya kubulela se Ni bata kubulela ku mina. Mwa bona? Mina mu banake; mupile ka swanelo.

<sup>308</sup> Mi ni mina basali, mupile ka mukwa o munde kwa baana ba mina. Hape ni mina baana, mupile ka swanelo ku mina . . . kwa—kwa—kwa basali ba mina. Mube ba niti, ba niti luli mi babande mi mu kutekane mwahala mañi ni mañi inge ka . . . Mi ni—ni bahabo mina mwa lubasi ni zeñwi kaufela ze cwalo, libe fela ka likute, ni ka bumulimu, ni ku lumelelana hande mwahala mina ni lika zeñwi mo likona kubela. Musike mwa kashana, ku sundululana, ni—ni kuba ni masila ni mashendo.

<sup>309</sup> Muutwisise, muamble ni musala mina. Haiba—haiba sibupeho silisiñwi si ku mina mi sesiñwi si ku yena, mu ambolisane ni yena. Mu—mu like kueza nto yeswana ku muuna, kezeli. Mi ka nzila yeswana . . . Mu utwisisane mwahala mañi ni mañi mi mube—mube mutangana wa Mukreste wa niti ni kalibe wa Mukreste wa niti, mi—mi muzwale ni kezeli ku yomuñwi ni yomuñwi. Kamita mu hupule, kuli mu bana ba Mulimu, mi muzwa kwa Lubasi lwa Silena. Mina mu mali a silena; hakuna mali amande mwa lifasi kufita a mina. Mi yeo ki niti! Mi mali a silena aiponahazanga ili ona. Sani kona mo siinezi, ki a silena. Kaufela baba lumela cwalo mubulele kuli, “Amen!” [Puteho i alaba kuli “Amen!”—Mu.] Eeni, sha! Mubonise seo muli sona. Na ni . . . Ni wa . . . Ni mwana Mulena, Na ni mwana Mulena. Musala ka ki mwana musizana wa Mulena. Ni ka munga cwani mwana musizana wa Mulena yani? Yena uka nga cwani mwana musgimani wa Mulena yani? Mwabona se Ni talusa? Mube ba niti luli.

### **375. Kana kukaba ni muzamao wa Moya o Kenile, lisupo, ni zekomokisa, ni limakazo ze ka eza ki Munyaliwa A si ka ngiwa kale, kamba kana lu libelezi fela ku bonahala kwa Hae kipeto?**

<sup>310</sup> Nika kwala ka yona ye, Na sepa, kakuli Ni na ni fela zeñata hahulu fa kuli ni fite ku zona. Mi sekuya kuba busihu luli. Seli mizuzu ye mashumi amabeli kuli ibe wani cwale, mi Ni na ni ze mashumi amalalu kamba mashumi amane fa, mwendi. Ni ka alaba ye ka bunde bwa nako yaka. Ni . . . ninge fela mizuzu yemilalu ye tatama. Ni ka talimana ni ze ha Ni ka kona. Mwabona? Ha ni zibi fo Ni ka li talimela; Nika eza zende mo

Ni konela. Kana mwa ikola zona nji? Ni... Za ni tusa nina. Mwabona?

Kutaha kwetu ku to li nga sina cwana, mane mu si ka litalime kale (mwa bona?), munga lika ze mu sa koni kualaba, mi—mi Ni—Ni bile ni sepo kuli ne Ni ka nopa... Na ziba kuli kuna yeñwi mo ye bulela ka za peu ya noha. Ne ni bata ku italima ha butuku luli; Ne ni bata ku itatulula. Mwabona? Kono Ni bona kuli Ni ilatehisize fela, kacwalo Ni kaba ni... Mwendi Mulena halati kuli li ezzwe ka nzila yeo, kono neli ka za peu ya noha. Hakulata mutu yomuñwi fa matepu ani na kali, "Kihande, na ezize, uifitelezi yani." Ki babakai baba ka itiisa ka mizuzu yemibeli fela ka yona? Huh? Ku lukile.

<sup>311</sup> Cwale mulitele, mutuhele ni nge ye pili. Halu boneni! "Kana cwale—cwale..." Batili. Puzo ye ki ye fa: "Kana kukaba limakazo ze ka ezwa ki Munyaliwa nji?" Eeni, sha! Lisweli za ezahala ona fa cwale. Yeo ki niti! Mwabona? Kono musike mwa bata nto yeñwi yetuna... kamba kutisa mahalimu ni kukwala mahalimu, kuli isike ya nela. Sani siya kwa—kwa Majuda cwale. Mwabona? Sani ha ki sa kwanu nihanyinyani; yani ki Mushe ni Elia kwa Majuda, ha ki kwa Keleke ye nihanyinyani. Mubale likauhanyo zetalu zapili za Sinulo; muka fumana kuli Keleke iteni ona mwani. Kona fela ona zeo kwa Keleke. Mi cwale ha ikayo kuta ni Munyaliwa, ha ikayo kuta ni... Mubale... Haiba mubata kuziba ka za Keleke, se si zamaelela ni Yona, mubale Sinulo likauhanyo zapili zetalu, mi kona mu ka ya mwa kauhanyo ya 19 mi mukale kubala mwateni. Kona muka fumana Munyaliwa. Zeñwi zateni li mwahala Majuda kwani.

<sup>312</sup> Cwale, kwa peu ya noha. Ha ni iboni mwateni mo, kakuli (mwa bona?) ki libunda tuna la zona. Kono mutu yani naize kuli, "Haiba noha—haiba peu ya noha (mwabona?)... Musali, na—na amuhezi mwana mushimani kuzwa ku Mulena, na bulezi cwalo."

Kihande, Na lumela la Sunda yefelile, Ne ni tatuluzi mwa na mu amuheze ku Mulena. Haiba na filwe cwalo niteni, na filwe cwalo kuzwa ku Mulena (mwabona?), kakuli nana ni kuzwa ku Mulena. Kakuli mulao wa Mulimu una ni... Uka—uka utwela Mulimu. Luli.

<sup>313</sup> Na tomile kuli lizazi li monyehange, mi mane lizazi la monyehanga. U tomile kuli pula ika nelanga kuba balukile ni baba si ka luka; ya ezanga ona cwalo. Mi lipeu ze cezwi mwa simu ifi kaufela, kamba ki zende kamba zemaswe, lika mela; ki peu. Mi haiba peu i cezwi, hakuna taba...

Mi mukwa fela o noha ye neikona kucala peu, neli yona fela folofolo yeneli bukaufi ni mutu. Kakuli mwa muzamao wa libupiwa za batu, fani mutu... Mulimu na bubamela fa halimwa lifasi... Mi A kala kutisa linyunywani, mi... kuzwa kwa linyunywani Ataha kwa lika ze shutana, kutuha fo ataha kwa pombwe, mi kuzwa ku pombwe ataha kwa noha.

<sup>314</sup> Cwale, Na cincize noha yani mwa mukwa wa kuli (neina ni kucinciwa ona cwalo) kuli alyanganise lusika lo, ku baba lika kubata lisapo leli bonahala inge la folofolo neku leliñwi ki mutu hape neku leliñwi ki folofolo, ku bulela kuli kwani kona ko mutu . . . Ba li latehisize kuzwa kwa pombwe; konji fela pombwe ki yona yesina ngana. Pombwe haina moyo; ha ikoni ku nahana. Yona inani fela . . . Ina—yakona ku . . . Ina ni fela—fela lilata, mi ya kona ku . . . Mbongolo, “eshee,” “kwee,” kamba nto yeñwi ye cwalo. Nja, “Taha kwanu, Fido, eza makilikicani. Kifo tula!” Ni kubeya masitina ni lika zeñwi cwalo, liezanga cwalo ka maikuto, ni ka kuutwa, ni lika ze cwalo, ki kezo; kono ka kunahana ni ku utwisia, ha li koni. Hali zibi kuli li mapunu, hali zibi za muuna ni za musali, kuziba shutano, ze cwalo. Halina mulao o cwalo . . .? . . . Mwabona? Ha likoni kueza cwalo. Mutu fela ki yena anosi.

Mi ya tatama ku mutu neli yena noha yoo. Bibele ibulezi kuli nali yena ya butali hahulu mwahala libatana kaufela za mwa simu. Ya talifile, yena—yena—mane nabatile kuba ni moyo. Nana ni sibaka sa moyo, kono ki sikamañi sana ezize? Alekisa ku Satani kuli apume Mulimu, alika cwalo. Ki babakai baba utwisia seo cwale fa?

<sup>315</sup> Satani, yena noha, bukaufi luli nabatile kuba ni moyo. Mulimu na ziba kuli ne ba ka bata masapo ani, mi hakuna lisapo kwa noha leli bonahala inge mutu. Nali ya . . . Sani ki sikuto sa yona. Ne i yemanga ka mautumane inge mutu.

<sup>316</sup> Mulemuhe, cwale peu yani, yene sutelezi kwa peu ya batu . . . Satani yena kasibili, ali moya, na zibile kuli yani neil yona peu inosi yene kona ku fa mba musali, kakuli pombwe kwateni haiokoni kueza cwalo. Ba li kopanyize fateni ni lika zeñwi kaufela; lipalile ku pepana. Kono na zibile kuli kokwani ya bupilo yeneli ku pombwe neisike kutaha mwa lii la musali; kono na zibile kuli peu ya noha yona ne ika kona kupeta cwalo, kacwalo aitusisa noha yani.

<sup>317</sup> Mi Adama na sika ziba kale kuli kezo ye yakona kuezahala. Mwabona? Musali na bupile kuba musali. Kaniti, na ka to li ziba kasamulaho; kono mwa bona, buicemeli bwa Mulimu bwa kuiponahalisa Iliyena kuba Mupulusi ni—ni zeñwi cwalo, sina ha Ni talusize kale linako zeñata. Kono Satani na zibile taba ye, kakuli na tile ku yena mwa sibupeho sa noha tuna ye, yeneli sibatana; mi ki—ki sibatana, ni kutaha ku musali. Mi afiwa mba ki Satani pili.

<sup>318</sup> Mi haiba muka lemuha, nekuna ni fela likezo zepeli zene ezizwe, mi sikuba ni bana babalalu bene ba pepilwe. Mubale Mañolo. Na pepile mambile. Alimuñwi wa bona neli peu ya noha; yomuñwi neli Abele. Na shemaetile muuna hae ni kubulela kuli . . . Mwabona? Mi ki ha bonisa muuna hae seo ne sili sona, mi cwale ki ha pila ni yena hape, mi apepa mwana yo. Mi Ni bata

mina . . . kubonisa kuli natilo itwala mba ya mambile ka zepeli ze shutana . . . Musali nali wa . . . Yani ki musali wa mwalyanjo.

<sup>319</sup> Ki ba, mwabona, ba tiile. Inge cwana mutualime kwanu. Abrahama na nyezi kezela hae luli. Kiñi, haiba mutu na ka nyala kezela hae kacenu, bana ba hae bakaba likuba. Mwabona? Kono za butu . . . Mi fa Jakobo . . . kamba—kamba Isaka na nyezi Rabeka yanali mwana bo maluma he, wa mali a bo maluma he kasibili, sihabo sa mali, mwabona, mwana munyana Abrahama wa muuna.

<sup>320</sup> Mulemuhe, mulemuhe cwale, ku se, mwabona, kuna ni . . . lusika lwa batu neli lo lu tiile hahulu. Cwale, haiba mu ka lemuha neibanga mambile ka nako kaufela. Neku na ni . . . Kaine ni Abele neli mambile, mi Esau ni Jakobo neli mambile. Jesu ni Judasi neba zwile kwa mushobo o swana ni mwa keleke yeswana. Mi ni . . . Nihaiba Moya o Kenile ni antikreste una ni kuba mambile, “Bukaufi hahulu kuli mane lika puma nibona ba Baketilwe haiba ku konahala.” Kana mu utwile nji? Ku lukile.

<sup>321</sup> Cwale kwa kubonahaza se, Ni bata kuli munge Juda . . . Ni lumela mwa timana ya 17, kamba timana ya 14 ya Juda iize . . . Cwale, cwale, mulemuhe seo. Cwale, Ni ka kwala. Mulemuhe. Ka kupuma taba kwateri kuli ibe ye lukile, sibaka sa pili U iize kuli, “Ni ka beya toyano mwahala peu ya hao ni peu ya noha.” Mwabona? Cwale, musali hana peu. Kabakaleo, mwa na amuhelezi peu yani neli ka peu ya Satani. Kaine nali mwana wa Satani. Musali na sina peu, konakuli na i amuhezi ka kukopana kwa kusomana. Mi cwale hana ezize cwalo, ne ifilwe ku yena ka sila sa Mulimu. Mi he, mi Mulimu hana mufile Peu, Ne isina kopano ya muuna ni musali ku Yona. Mwa utwa nji? Musali wa muzike ni mwana hae ba lelekiwa, kakuli habana kuca sanda hamoho ni musali wa muzike hamoho ni mwana hae.

<sup>322</sup> Mi mulemuhe, mi musali afiwa Peu yeneli yena Kreste. Kutokwa nihaiba lii la hae . . . Cwale, Baipanguli babata kulumela kuli neli mwana yana pepilwe ka mali a mwalyanjo, ani neli Mali ana bupilwe a Mulimu kone kupila kokwani ya bupilo, kono bali neli lii la hae. Batili, sha! Lii lani halikoni kutaha mwatasii kufita mwa lila lani kukena mwa mba ya musali kwanda kuli kube maikuto a mubili. Mi mu ka beya Mulimu, ka—ka Moya, kuba ni kukopana ka kusomana ni musali. Zeo likona ku ezahala cwani? Neli sibyana se si bupilwe sa Mulimu ni sona, sibeli sa lii ni kokwani ya bupilo.

<sup>323</sup> Mi Yena nali Mwana Mulimu, na si mwana Maria, kakuli Na si ka mubiza fateni kuli ima. “Musali,” ali kuba A mubize kuli ima, kwali kuba abize kuli boma. Ne si yena me wa Hae. Na li Mwana Mulimu, mi Mulimu ki Alimumu. Mwautwa kana?

<sup>324</sup> Cwale, taba yeñwi ye paka se ni ku si utwahalisa hande, kuli haiba mutu ufi kaufela uka kanana ni mina, mukutele mwa Buka ya Juda ye, Ni sepa kuli ki timana ya 17 (timana ya 14 kamba

ya 17), abulela kuli, “Cwale, Enoke . . .” Mwa bata kuli ni ibale nji? Kana muna ni nako yeñata nyana? Haku—halu . . . mi Ni ka shimba . . . Mi Ni ka ziba, kakuli tepu fa isweli ya pikuluha, mi lwa—lwa kona ku li lyanganisa mwahali—mwahali mo cwale. Halu boneni haiba nto ye ki . . . timana ya 14:

. . . *Enoke hape, wa bu sebene kuzwa ku Adama, na  
polofitile ka lika ze, kuli, Amubone, Mulena utaha ni  
likitikiti za ba bakenile ba hae,*

<sup>325</sup> Cwale, mukutele mwa kauhanyo ya 5 (Na sepa ki yona) ya Genese, mi hape ni kuya hape, mwa Buka ya Luka (kambe Ne ni ka i fumana; Ne ni iñözi fa, haiba Ni kona kuifumana mo) mi muka fumana kuli mwa masika, hakuna sibaka mwa Bibebe . . . Haiba . . . Mutualime! Haiba Nuwe . . . Haiba Enoke ki yena wa bu sebene kuzwa ku Adama, Bibebe ibulezi kuli, “Adama mi kuzwa fani ki mwana hae Seta,” kakuli Kaine ne si peu ya Adama. Neli Adama yana pepile Seta, mi Seta apepa . . . Jaredi; Jaredi apepa, kushetumuka cwalo kupunya ni ku Enoke; mi Enoke nali wa bu sebene kuzwa ku Adama. Hakuna nihaiba fo i bulezzi kuli Kaine na talimwa kuba nto ni yekana mwahala masika a Mulimu.

<sup>326</sup> Cwale, mutualime fela mi mubone haiba ha ku cwalo; mu batisise. Mi Luka wa taha ni ku to ibulela hape, ni kukala ka Adama. Hakuna nihaiba nako iliñwi fa bulezwi Kaine mwa taba yateni kaufela. Mi haiba Enoke (mwabona?) nali wa bu sebene kuzwa ku Adama, cwale kanti Kaine na zwile kai? Kakuli Bibebe ibulezi kuli, mwa masika, kuti Adama apepa mwana hae, Seta. Mi Seta apepa Jaredi, ni Jaredi apepa *Cwalo-ni-cwalo*, kushetumukafafasi; mi hakuna nihaiba nako iliñwi fa kile a bulelwa Kaine. Konakuli na si ke kuba mwana Adama. Kacwalo nana ni kuba mwana noha, mi ne kusike kwaba mwana kusina kukopana kwa kusomana. Amen! Haiba na si cwalo, konakuli na mu pepile sina mwalyanjo, konakuli na ka ba mwana Mulimu. Ni bata kuli ba zwe ku zeo ka nako iliñwi.

<sup>327</sup> Cwale, yena Mulimu yaswana yana patuluzi sani, ki yena Mulimu yaswana ya ni bulelezi ka za manyalo a mina ni telekano. Mi Ha bulela lika zani, Muzwale wa ka, Kezeli . . . Na ni muzwale wa mina, ni mutu. Kono cwale Ha bulela sani, mi seo sikena hande mwahali mo, Hanikoni ku si tatulula ku mina. Hakuna mukwa kuli ni like ku eza cwalo, kakuli ha Ni koni. Kono hakuna nihaiba nako iliñwi fo likile za fosahala. Nihakuli cwalo, Ne ni si ka ibona nina mane, Ne ni si ka i bona, kono Ni swalelezi fela ku yona; mi cwale ki Ha kala ku ni patululela yona, mi ki ha se Ni—za ni kusufazanga fela. Neli ka yona nako yani fani, mi ne Ni si ka ibona. Haili za—za haili tuto ya mina i kwahule ni zona, mi ni minahano ya mina i kwahule ni zona, ni lika zeñwi kaufela; kona mwa na fitelezwi ni Kaine.

Cwale, kambe luna ni nako ya kukutela mwa Genese ni kukala kubala . . . Haluboneni haiba Ni kona ku inopa ni

kuifumana kwatasi kwanu. Hani zibi luli mwa niti kamba—kamba Na kona kamba nee. Musala bo Wood, kana mwa hupula hane Ni mi bonisa sani zazi leliñwi? Ona cwalo . . . Kana yanineli kauhanyo ya 5? Ya 5, uh, huh. Ku lukile.

*Ye ki buka ya masika a Adama. Ka mazazi ao Mulimu hana bupile mutu, mwa sibupeho sa Mulimu aba . . . eza bali;*

*Muuna ni musali a ba bupa; ni ku ba fuyola, mi aba beya libizo la Adama, ka lizazi lene ba bupilwe.*

*Mi Adama apila myaha ye mwanda ka ye mashumi amalalu mi apepa . . . bashimani—mi apepa—apepa mwana ka kuswana kwa hae, mi—mi ni ka sibupeho sa hae; mi amu beya libizo la . . . (Kaine? Ha-ha-ha-ha-ha! Na mubeile libizo mañi? Kikai—kikai kone kuna ni mweli yana banga ni litukelo za sipepo kanti? Mane ha ku si ka bulelwa za hae. Seta nali mwana hae.)*

<sup>328</sup> Cwale, lutaha fa hape mi lu fumani fo i bulezi kuli . . . Mi Eva a fiwa mwana, kakuli Kaine na bulaile Abele. Cwale mulemuhe halunze lu ya kwapili. Adama ni mazazi abupa . . .

*Mi Adama a pila myaha ye mwanda ka ye mashumi amalalu—a pila myaha ye mwanda ka ye mashumi amalalu, mi apepa mwana—apepa mwana ya mu swanile, ka sibupeho sa hae; mi amu beya libizo la Seta:*

*Mi—mi mazazi a Adama kasamulaho wa . . . kupepa Seta neli myaha ye myanda ye ketalizoho kaye milalu mi . . . myaha: mi apepa bana ba bashimani ni basizana:*

*Mi mazazi kaufela a pilile Adama ki myaha ye myanda yeketalizoho ka yemine—ni mashumi amalalu ni . . . myaha: mi a shwa.*

*Mi Seta apila ka . . . myaha ye mwanda ka ye ketalizoho, mi apepa Enosi: . . . (Mane kushetumuka ona cwalo, mi yena ki wa bu sebene, Enoke ki wa bu sebene ku Adama.)*

Cwale, Hani sa hupula fela kuli kikai mwa Luka. Kana una ni yona yeo iñozwi njí, Musala bo Wood? Yena ni Na . . . Ne ni sweli ku mu bonisa yona ka zazi leliñwi kwani kwa . . . Kuti cwani sha? [Muzwale Branham uikambota ni Kezeli Wood—Mu.] Na sepa ubulela niti, Kezeli Wood. Ne luiñozi mwani mwa buka ya hae, kone luinzi, Bibeleya hae, kone Ni sweli kubonisa. Ki le fa, eehe, ki masika. Ku lukile.

<sup>329</sup> Cwale, haiba lu lemuha fa . . . Mwa kauhanyo ya 3 mwa Luka lufumana taba ye swana. “ . . . ki bana bafi ni zeñwi cwalo . . . ni Nuwe, yanali Lameki, hape bene bali bana ba Metusela, yanali mwana Enoke hape, yana li mwana Jaredi, yanali mwana Mahalalele, yana ki mwana Kenani, yana li mwana Enosi, yana li mwana Seta, yana li mwana Adama, yana li mwana Mulimu.”

Cwale kanti Kaine nazwile kai? Kaine ukai, nali mweli nji? Tukelo ya sipepo ku yena; na zwile kai he? Nali peu ya Satani, mi isiñi ya Mulimu. Mane na si nihaiba wa Adama, kakuli libizo la Adama neli—neli Seta. Kaine, peu ya noha, abulaya mwana hae wa pili yana li mufuta ni muluti wa noha hape ni yena, Jesu. Mi Seta anga sibaka sa hae mwahala masika, yene yemela zuho, kuli masika a Mulimu azwizezwe pili.

<sup>330</sup> Ni bata kubona mutu amu beye mwani cwale ni kubulela kuli na si peu ya noha. Ne isika lemuhiwa mwa masika a Mulimu, kamba nihaiba mwahala masika a batu, masika a Adama, yomuñwi wa bona kaufela. Kana ki niti yeo? Ki babakai baba lumela cwalo, muli, “Amen!” [Puteho ialaba kuli, “Amen!”—Mu.] Luli. Na si yena; nali peu ya noha isiñi peu ya Adama!

<sup>331</sup> Musali nabulezi kuli yani neli mwana Adama. Na si mwana Adama. Na ize kuli, “Ni mu amungile ku Mulimu.” Mi nana ni ku mu amuhela ona cwalo, ne li peu. Ne li peu, kono neli peu ya noha. Mwabona?

<sup>332</sup> Mi Na na ni kukuta ka mwalyanjo kuli akone kufelisa kezo yani ya kukopana yene ezahalile. Adama na beilwe fa lifasi le, kono na—na si ka ipumana kuli na kaba ndate. Mwa utwisisa se Ni talusa. Satani ka kuziba se, na tile ku Eva mane Adama a si ka fita kale ku yena. Mi fani kona fo kuinzi taba tuna kacenu. Mi muzwale, sani kona se sipanga linyalo ni telekano ni lika zeñwi kaufela kuba butata mo bu nezi kacenu. Ki ze maswe luli. Mwabona? Kono Ni... Mulimu upangile nzila, yeo lu itumela ka yona.

<sup>333</sup> Kana mwa Mu lata nji? Ha Ki yomunde nji? Cwale, kana peu ya noha i utwahalile? Ni hupuzi kuli mwendi mutu yomuñwi fa tepu uka... nahana kuli Ne ni saba ku talimana ni yona. Mwa bona? Kona mo ba ka bulelela, “Kuli kiñi, u ifitelezi habeli. Wa saba fela ku i swala.” Luna ha lu ze cwalo. Haibile fela Mulena umwateni ku zona, fo kipeto kulukile.

Mwa ziba kana? Sina ha Ni bulezi, ka za mbande yene Ni buha nako yani, ne ni utwa mafufa a yona, mwa ziba. Na hupula kuli, “Kikuli ha uni sabi?” Ne nina ni tobolo yaka yene beilwe cwalo fani; Se nili, “Na kona ku ku kunupa.” Ne iziba kuli Ne ni si ke ku ikunupa; Nenili kwahule ni tobolo yani. Se nili, “Kana wa saba?” Ya lutula fela meeto ayona amatuna ni ku ni talima. Nekuna ni kamale ka mibalabala kene kainzi fani inge ka zamaya, “Cha, cha, cha, cha, cha, cha; Ni ka ku pazaula mwa liemba emba, ku kupazaula mwa liemba emba!” Ne isa beeli ngana kwa kamale kani, kono ya katala ku teeleteza ku kona. Kacwalo kasamulaho nyana, ya to kambela fela ka mafufa ayona ka butuna, ni kuikela ona cwalo, ni ku namulula mafufa a yona. Mi ne iziba mwa ku zamaiseza mafufa ani, ya to fufa fela kuya

kwahule ku zwa mwa meto. Mwabona? Ne ni to ibona haiya iba bunyinyani ona cwalo, kuba fela katowati kakanyinyani.

<sup>334</sup> Muzwale Fred, Na lumela ne Ni ku bonisize. Ni boni Muzwale Fred kwamulaho kafo cwale, ha huwile kuli “Amen!” fa nako nyana. Na—Na lumela Ne ni kubonisize katowati kani mwahalimu mwale, mi Muzwale Wood, kaufela ko u inzi, kuya mwahala malundu ani kafani, kone ku ezahalezi sani. Kone ni boni mbande yani. Na... Ya kashiwa mwatasi ki liñungwa, mi Ne ni yemi kwatuko a kota ye.

<sup>335</sup> Ne ni sweli kuzuma likwalata (mi kasamulaho wa nako nyana), mi neli mwa kweli ya Yenda, ni mbundu ni zeñwi cwalo. Muzwale yo fa naliteni kwani ka litabula lelifelile, Muzwale John ni babañwi, ona fa Ngo ya Lilundu kona fone iiло ina.

<sup>336</sup> Na yema fani, mi Na yema kwa mulaho wa kota ye. Se kuwa puka nyana ni kufafaza nyana kwa pula, mi Ne ni yemi fela fani. Mbande yani inge iyemi fani, mi se i kashezwa mwatasi. Ya fufela fateni hape, yetuna, nei bonahala inge sipuku, yetuna, mbande ye fubelu. Ya ina fani ni ku talima kafa ni kafa, Na hupula kuli, “Kihande...” Ne—Ne ni na ni—ni nako yende luli. Ne ni sweli kuhuwa, “Kulumbwe Mulena! Haleluya!” Kupotoloha ni kupotoloha ni kupotoloha macacani se Ni ya, inge ni huwa ona cwalo. Na talimafafasi kwani; Ne ni utwa luwawa lwani ha lu lila. Mwa ziba mwa lilelanga.

<sup>337</sup> Nohola ona kwani, hane... isika kala kale kunela, na kalanga kulila; neli luwawa lwa mwana, mwa ziba. Na lata fela ku autwanga.

<sup>338</sup> Mi Ne ni utwa kwalata fahule nyana cwalo, kuli “Whee hoo,” kukalumuka. Mi fahule nyana cwalo kwa alaba loluñwi. (Sunda yetatama, sunda yaale yetaha, Ni ka yo li zuma, haiba Mulena alata.) Kacwalo he, inge a huwa ona cwalo kwani, oh, ki bumulimu fela ka kuba kwani. Oh, Na—Na fela... Zani—zani kona libaka zaka kwa kulaapelela kwani ko Ni bulelanga ni Yena, mi kutaha fafasi ku to ambola ku mina. Mwabona?

<sup>339</sup> Mi fahalimu fani, oh, kinto yende hahulu, ku yo katuluhanga fela. Kuyema fela kwani, Na hupula kuli, “Oh, Mulimu...” Na talima, mi kwataha pula, mi macacani kaufela na kwahezwi ki puka, ni nambwamutalati ya wela fahalimwa Ngo ya Lilundu ku shetumukela fa Lilundu la Ngu, kutaha ona cwalo, kupumahanya ona cwalo. Mi Na hupula kuli, “Oh, Mulimu, talima fani. Umm,” Na hupula, “ki Wena yo faa, Alfa ni Omega, wa Makalelo ni Mafelelezo. Ki yeo inge ishetumuka kwanu, kwani. Wena uya swana maabani, kacenu, ni kuyakuile, Masika a Likeleke Zesupa, Makandela a Gauda a Supa. Ki Wena yo fa, Mulimu, Wena u yomunde cwani.”

<sup>340</sup> Mi Ne ni sweli fela kuhuwa, Na to beya tobolo yaka fafasi; Na ya kwabuse bwa kota inge ni huwa, “Kanya ku Mulimu! Kulumbwe Mulena,” kupotoloha ni kupotoloha kota ona cwalo.

Ne ni sweli fela kuba ni nako yende kwani ni nosi, neli fela Mulena ni Na, mwa ziba.

<sup>341</sup> Mi kasamulaho wa nako nyana mbande yani yazwa mwahala macacani ani mi ya ni talimela fela. Na hupula kuli, “Kihande, ha ulati cwalo?” Se nili, “Mushimani tuna, Ni lapela Mulimu yaswana yena yana ku bupile.” Mwabona? Ya to kobya fela meeto a yona amatuna a maseta ni ku ni talimela, mi na inge ni huwaka ona cwalo.

<sup>342</sup> Fa nako nyana, kamale kakale cwana (haiba kuna ni yakile a zuma mwa malundu, kani—kani ki kapolisa mwa mishitu), mi ya tulela fateni (neli kanto kaka nyinyani fela, isiñi kuba nto yetuna kuli sikamañi kaufela, kono oh, ha ki lilata ni leo)—ni kutulela fani, kutula mwahalimu ni mwatasi, mwa ziba, “Yah, yah, yah, yah, yah, yah—yah, yah, yah, yah, yah, yah,” kuzwelapili fela ona cwalo.

<sup>343</sup> Mi mbande yani neisweli ku ka buha fela; ni ku keculanga kuna. Na hupula, “Mawi, Mulena, kihande, kiñi ha No ni yemiseza fa sibaka se si cwana?” Mwabona? Se nili, “Kakuli, Mwa ziba, Ne ni Ku lapela. Ubata kuli ni bone nto yeñwi fa mbande yani?” Se nili, “Ni ka ibalisisa, kamba ki ka za kamale nji?” Na yema fani ni ku li talimela; Na hupula kuli, “Ni ka balisisa za kona fa nako nyana.” Se nili, “Nto iliñwi yene Ni lemuhibe ku yona, neisa sabi.” Na lata sani, ku sa saba. Ya yema fani, ona nyunywani tuna yani; Se nili, “Wa ziba kana?” (Tobolo yaka ne iyendamezi kwa kota.) Se nili, “Wa ziba Na kona kuku kunupa?” Ne iziba hande ka zona; ne iziba nto iliñwi: Hani koni kueza cwalo; Ne ni ibuhile fa nako yetelele. Mwabona? Ne iyemi fani, kusina kusaba nihanyinyani.

<sup>344</sup> Mi Na hupula kuli, “Nakona ku ku kunupa.” Cwale, Ne ni ibona; ne ini talimela ona cwalo. Mi neitundamena kunamulula mafufa a yona, mwa ziba, ku akutisa kwa mulaho. Mwa ziba mo li ezezanga cwalo, mafufa a zona, mwa ziba. Mafufa amatuna luli amatelele *cwalo*, mwa ziba, mi yona neli ngunga yetuna. Ne inzi fani, mi Na i talima. (Kwani neli kwa kale Ni si ka ziba kale lika ze; zani neli myaha ni myaha kwamulaho kafoo, mwendi ki myaha ye mashumi amabeli kafoo.)

<sup>345</sup> Mi Na i talima. Fa nako nyana, Na i bona; Na hupula, “Kisikamañi se—kisikamañi se... Ha i sabi, kacwalo Na ikumbuta sani. Kono kisikamañi sa bumulimu ka mbande yani?” Ka kubona mulomo wani, o mutuna, o mutelele cwalo, ni meto a matuna ani, Na hupula, “Mushimani, yani ki nyunywani yetuna luli.”

<sup>346</sup> Cwale, mutu kaufela... Maankoli, haiba ika lika ku ilatelela, ika panca. Hakuna ye kona ku ilikanyisa. Batili, batili! Konji mwendi fulai kona yekona kueza cwalo. Eeni, sha! Hakuna nyunywani yekona ku ilatelela, kacwalo, iya mwahalimu hahulu.

Mi he, ina ni meeto; yakona kubona nifafasi hape, inge iinzi mwahalimu mwani, ibonela kwahule.

<sup>347</sup> Cwale, Jehova uswanisisa bapolofita ba Hae kwa limbande (mwa bona?); Ukaba nanula ona cwalo. Ba lukela kubupiwa hande ka buipiteli. Halu boneni. Ba zibilwe kale, ba pepezwi musebezi wani (mwabona?), ba nanulwa mwahalimu ona cwalo. Mi cwale mwa... Ki bunde mañi kuli mu pahame mwahalimu mwani haiba hamuboni fo mu zamaela? Mwabona? Ki tuso mañi ya kupahama mwahalimu mwani haiba ha mu zibi se mueza? Mwabona, mwabona?

<sup>348</sup> Ki tuso mañi ya kutulaka mwahalimu ni mwatasi, kuhuwa ni kubulela ka malimi, haiba ha mu zibi zeo lili zona? Mwabona, mwabona? Muna ni kutwisisa hamu sa li teni. Mwabona?

<sup>349</sup> Kacwalo he, Ne ni italimile, mwa ziba, hane nze izamaya kupotoloha cwalo kwani. Na buluka... Ne ni sweli ku ibuha fela; neli nyunywani yende. Mi kanti, ika ca nama ya puti ya ka ni zeñwi ze ni Nani... Ne ni italima, mi kasamulaho nyana Na hupula kuli, "Mwa ziba, kisikamañi—kisikamañi sa ka..."

<sup>350</sup> Kasamulaho imano katala. Ha ni sepi kuli ne ikatezi ku ni talimela, kono Ni nahana kuli ne se ikatezi ku teeleeza kamale ka mibalabala kani kene kainzi fani. Mwa ziba, luna ni ba bañata hahulu mwa kopano kacenu. Mwa ziba? Mwabona? "Cha, cha, cha! Mazazi a limakazo afelile! Hakuna lika za kuli foliso ya bumulimu. Musike mwaba ni lika zeo nihanyinyani!" Mwabona? Kamale ka kale kene kainzi fa sishingwa sani. "Muna ni kufumaneha ku se. Luna—Luna—luna luba..." Mwabona? Kali kuina fani inge ka yabana kutulaka mwahalimu nifafasi. Oh, ne i sweli kunjanja, ne i sweli kunjanja hahulu.

<sup>351</sup> Ne se ikatezi ku ka teeleeza, mi seito tula fela hañwi, kutula fela ka butuna, ni ku nyunga mutai omuñwi fo ne kainzi, sina cwalo. Mutai wa nyanganya, sina cwalo, mi ki ha i ya ona cwalo. Mwabona, ya pukumuna mafufa a yona ni ku pazula fela kota yani kwani. Mi hane i ezize cwalo, Ne ni i bona. Mwabona? Ne isa sabi, kakuli ne i utwa kubateni kwa mafufa ana ifile Mulimu. Ne iziba kuli mafufa ani na ka i lamulela kwa butata kaufela. Mwabona?

<sup>352</sup> Mi kacwalo, kona mo lubatela kutwela cwalo. Le ki Linzwi, mi Yena yana ñozi Linzwi ki yena Mafufa aka. Ha ni sabi Linzwi; Li ka mi lwala mwahala butata bufi kaufela bo buliteni. Ki Mukwale O ka pumahanya kueza nzila mwa kufita. Musike mwa bilaela ka sona. Mwabona?

<sup>353</sup> Ne ni i lemuhile kwani. Ne i si ka kukiswa, ne inamuluzi fela mafufa a yona. Mwabona? Mi sani, nako kaufela moyo hane utaha, ne iya ikambama mwahalimu, iya ipahama ni kupahama.

Ne ni yemi fani, ni kuputa mazoho aka, ni ku i talima kufitela kufitela hane itiloba kanto kakanyinyani mane Na palelwa ku i bona. Mi Na hupula, "Mulimu, kona ona cwalo." Ha ki kumata

ku yo kopana ni *se*, ni kumata ku yo kopana ni *sani*, ni kueza *se*, *sani*, kamba *sesiñwi*; ki ku namulula fela mafufa a mina (mwabona?); kuziba mwa ku namululela mafufa a mina a tumelo mwa Linzwi la Mulimu, ni kupahama kuzwa mwa masila a kaufela a ku yabana-yabana kwani ni ku yabana-yabana kwani. Eehe! “Lihalimu ni lifasi li ka fela, kono Manzwi A ka hana kufela.”

<sup>354</sup> Cwale, Nina ni fela mwendi mizuzu ye mashumi amabeli a mina hape kasamulaho wa musihali wo. Cwale, mina baba li kwa... zani ki lipuzo za mwa musihali wo, kiñi, mu bone Billy, kakuli Ni sepa kuli ba ka lika kukala ka kuitahanelia nyana kuli ni kene ku zona kaufela. Mi Na kona, Ni bata kuli ni nopane ni zona kaufela haiba Ni kona. Mi Ni ezize se, isiñi kakuli... Billy na sa zibi se, mwabona, kono muhupulo wa ka no holofalile kasamulaho wa lipono ze mashumi amabeli mwahali mwani kakusasana wo, mwa bona, kufitela liba... kamba neli sikamañi kaufela. Fela si mi beya mwa... Mi Billy ali, “Kiñi ha mu sa zweli fande ni ku yonga zani... Muikatuluse, muzwele fande, ni ku alaba zeñwi za lipuzo zani mwani.”

Mi se Nili, “Muzwale Neville u ngile liñusa la hae.”

Ali, “Ni yo mu bulelala.” Mi uile inza zamaya.

Muzwale Neville ali, “Aku tahe!” Kacwalo he, Na yema ni kutaha kwanu. Mi babañwi ba bona ba libelezi mwa musihali wo. Muni swalele Ni mi bulukile kufitela wani kiloko, kono Ni ka... ni sepa Ni ka ba ni kufunduka kamusomuñwi, kuli ni ye hape kwa Arizona hape.

<sup>355</sup> Muhupule, haiba Mulena wa lata, nako yetatama ha Ni ka kuta, Ni bata ku kutaza fateni, ku mina, ka za... ku mi bonisa mwa Mañolo swanelo ya linyalo ni telekano. Se... Mi cwale... Mi cwale, kutuhela fela... Ku ibeya fela ka mukwa o ilukela kuba, mi mu ka ibona kuzwa ona fani. Kacwalo konji kufitela ka nako yani, mube ni pilu ye tiile; Mulena a mi fuyole ka kutala. Ha lu yemeñi? [Sipolofita sa fiwa ki kalibe mwa kopano—Mu.] Kulumbwe Mulena.

Na Mu lata, Na Mu lata, (Mina bo?)  
Kakuli U ni latile,  
Ni kuleka puluso ya ka  
Fa Kalvari.

<sup>356</sup> Mwa Mu lata nji? Cwale, halu itumeliseñi mañi ni mañi, halunze lu opela hape.

Na Mu lata, Na Mu lata,  
Kakuli U ni latile,  
Ni kuleka puluso ya ka  
Fa Kalvari.

<sup>357</sup> Oh, ha ki nto yende yeo nji? Oh, mawi! Billy na bata kuli ni zibahalise, kuli kuya ka mbuyoti, una ni linzwi la kubulela

ku mina sicaba mo baba bata kuba ni lipuzo za kwa mukunda. Mwa bona? Ubata ku kopana ni mina ka mizuzu nyana. Kono Ni ikutwa kuli ona fa cwale, ka nako nyana fela ya kulapela. Bao . . . Kikuli ha mu lati ku Mu lapela mwa Moya nji?

Ni kuleka puluso ya ka  
Fa Kalvari.

<sup>358</sup> Oh ha ki bunde nji? Oh, Na—Na Mu lata. Mwa pilu yaka Na Mu lata, haiba Ni sepa pilu yaka. Na lumela kuli ni mina mwa eza cwalo. Kacwalo hamoho lu bana ba Hae. Lwa latana yomuñwi ni yomuñwi. Cwale, Hanikoni ku Mu lata kusina kulata mina. Mi haiba Ni bulela kuli Na Mu lata kono mina inge ni sa mi lati, Bibebe ibulezi kuli Ni lihata. Mwabona? Mi haiba Ni . . . Haiba mubata ku—haiba mubata ku ni lata kamba kulata lubasi Iwaka . . . Keto ki kuli, ki sikamañi se Ni bata kuli mueze, mu late na kamba mulate lubasi Iwa ka; mu lukela kulata lubasi Iwa ka. Ne nika tabela kuli mulate Billy Paul kufita ku lata na. Haiba sitaha kwa sebelezo yeo, Ne ni ka tabela kuli mueze cwalo. Ni bata kuli mu ni teeleteze, kakuli Billy ha ki mukutazi. Kono Ni bata kuli mu ni teeleteze, se Ni mi bulelela; kono cwale . . . haiba mubata kulata mutu, luli mu mulate, mu li, “Ni ka tabela kuli mbwesha ni late mina kamba Billy,” mu late Billy. Mwabona? Mulimu uikutwa ka mukwa o swana ka luna. Mi ha lukoni . . . Mi Ni ziba kuli hamukoni kulata Billy kusina ku ni lata nina, kakuli yena ki siemba sa ka. Mwabona? Kacwalo ha Ni koni kulata Mulimu kusina ku lata mina, kakuli mu siemba sa Mulimu. Mi lwa latana. Oh, Ni sepa kuli ki hande. Hamu boni kuli lipina ki zende hahulu kasamulaho wa kuba ni ze, ku alaba lika ze, ko li lu beya mwa butata? Uhm, uhm, oh ka kusepahala luli.

Na Mu lata, Na Mu lata,  
Kakuli U ni latile,  
Ni kuleka puluso ya ka  
Fa Kalvari.

Oh, baka zwa kwa upa ni kwa . . .



*LIPUZO NI LIKALABO* LOZ64-0830M

(Questions And Answers)

MUKOLOKO WA MUEZEZO, MULAO NI TUTO YA KELEKE

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda kakusasana, Muyana 30, 1964, ili fa Branham Tabernacle mwa Jeffersonville, Indiana, U.S.A., liingilwe kuzuwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)